


# بنتكلم

## مصري

تاني جزء

سامي حرك



# #بنتكلم\_مصري

قواعد وألفاظ

#اللغة المصرية أصل الكلام  
#الحرف المصري أصل الكتابة

ثاني جزء

سامي حرك



اسم الكتاب: #بنتكلم\_مصري قواعد وألفاظ - ثاني جزء  
المؤلف: سامي حرك  
رقم الإيداع: 20317 / 2017 دار الكتب.  
الغلاف والتنسيق: صفا حرك  
حقوق النشر: محفوظة للمؤلف ت: 01286175455



## تمهيد

ف أول جزء من كتابنا #بنتكلم\_مصري كان فيه فصل تمهيدي، اسمحولي أعمل مراجعة لشوية من عناوين الفصل ده، مع سطر واحد لكل عنوان، وإضافة عناوين مهمة جديدة، وبكده نضمن وجود وصلة ونعمل ربطة بين أجزاء الكتاب.

### عناوين مهمة

**اللغة السبعتهلافي:** يعني اللغة اللي بيتكلمها المصريين - دلوقتي - ف سابع ألف سنة. **الكتابة بالحرف النبطي:** أصلها من الحرف المصري الهيروجليفي والديموطيقي. **التضخيف بالحرف:** تكرار للحرف.

**ق:** مع الكاف والجيم والغين لأنهم من نفس المخرج، ومع الهمةزة راحة للعمق. **التشكيل:** مفيش ف اللغة المصري تشكيل، لأنها لغة تحليلية.

**التنوين:** التنوين ف المصري بينكتب حرف، لأنه بيأكد المعنا، مش بيحدد الوظيفة.

**كنوز الواقع:** مستويات واختلافات ولهجات طرق النطق، كنوز مش عيوب.

**حق اللغة:** حق دستوري دولي، لكل إنسان حق الكلام والتعبير بلغته ولهجته.

**الكلام بيحدد القواعد:** مش العكس، لأن الكلام هوه اللي ظهر الأول!

### لغة الأسامي

أكثر حاجة بتميز اللغة المصري -ف كل مراحلها- انها بتعتمد ع الإسم، مصادرها وجدورها بتبدأ بالإسم، وبعدين يتصرف أو يتفرع من الإسم الفعل وإسم الفاعل وإسم المفعول .. لـخ، كمان الصفات والأدوات معظمها بدأت بأسامي، وشرحنا ده ف الجزء الأولاني عن الجملة الإسمية، انما فيه صور كتير للتعبيرات اللي بتعتمد ع الجملة الإسمية، وبنشوف منها أشكال وصور معانا لدلوقتي:

- فاهمين بعض/ عارفين بعض/ حابين بعض .. لـخ!

نحاول كده نترجمها للعربي:

- يفهمون بعضهم البعض/ يعرفون بعضهم البعض/ يحبون بعضهم البعض .. لـخ!

المصري بيبعد عن الجملة الفعلية -إلا ف حالة الأمر- وبيتحرك ف دائرة الجملة الإسمية،

وبينوها بين جملة فاعل ونائب فاعل، زاي المبني للمجهول ف الإنجليزي:

- فاهمين كبدة/ عارفين صنعة/ حابين لمة .. لـخ!

ترجم كده يا باشا يا اللي لسة فاكرها عامية م العربي:  
- يفهمون طرق اعداد الكبدة/ يعرفون ويتقنون الصناعة/ يحبون التجمع .. لخ!  
وظايف اللغة الخمسة: التواصل، والمعرفة، والتأثير، والفهم، والتعبير.  
عناصر اللغة الخمسة: النحو، والصرف، والألفاظ، والأصوات، والعادات.  
اللغة ثروة: أسامي الأدوات والأشخاص والبلاد/ أفعالها/ تصاريفها/ حروفها.  
اللغة ظاهرة اجتماعية: اتكونت بعرق وفكر أجيال.  
حروف المعاني: وصف لحروف الكتابة الهيروغليفية، أو حروف الطبيعة.  
أول كتابة: توثيق ظهور الراية رمز كلمة "نتر"، والنجمة رمز كلمة "ضوا".  
حفظ حقوق: تحديد قواعد الكلام المصري، والألفاظ اللي من جدور مصري.  
لغة الأم: اللغة اللي بنرضعها م الأم، هيه اللغة اللي بنحلم ونحب ونتخايق بيهها.  
اللغة المصري لغة طبيعية، واللغة العربي لغة دينية: طاهها حسين.

### من أسباب الشبه بين المصري والعربي

- معظم المصريين فاكرين إنهم بيتكلمو عربي، بسبب الشبه الكبير اللي بين الألفاظ وأصوات الحروف، إنما الحقيقة إنهم بيتكلمو مصري، مش عربي، وإن الشبه اللي بين ألفاظ اللغتين المصري والعربي له أسباب نقدر نفهمها من عرض النقاط دي:
1. البداية الواحدة للجنس البشري، بالتطور الطبيعي، حسب معظم النظريات العلمية والدينية والشعبية.
  2. الهجرات البشرية قبل بداية الحضارة، كلها من أفريقيا عن طريق مصر.
  3. تأثير مصر الناعم، لآلاف السنين، ف محيطها وف أجزاء كثيرة من العالم القديم، من زمن استقرار الكنانة (35 ألف سنة).
  4. التأثير الثقافي المباشر، خلال العصر المصري، من زمن ما قبل الأسرات حتا الأسرة 31، نتيجة السيادة المصرية والقوة الإقتصادية والعسكرية معظم الفترات.
  5. بتبدأ العلاقة غير المباشرة بين العرب والمصريين من أواخر زمن الأسرة 13 ( يعني ف حدود سنة 1800 ق.م)، أيام التسلسل الهكسوسي (40 عشيرة)، وكان أصول العرب -وقتها- متوزعين بين فرع من العشيرة العبرانية (عبر/ عرب) وفرع من العشيرة السبئية، قضو ف مصر أكثر من 300 سنة، يعني حوالي عشر أجيال ع الأقل،

- خدو حصيلة كبيرة من الألفاظ والتعبيرات المصري، أثرت ف اللغات الأصلية بتاعتهم (الآرامي والسرياني و السبئي والعبري والنبطي).
6. التوأمة التاريخية والعلاقات القديمة المتواصلة بين المصريين والفينيقيين، وآثارها الظاهرة ف تطور اللغة والحروف الفينيقية، وبعد طرد الهكسوس من مصر استوطنت واختلطت بعض العشائر الهكسوسية ف النطاق الفينيقي.
7. تأثير مصر العسكري والإقتصادي والثقافي، القوي المباشر، بعد طرد الهكسوس، زمن الإمبراطوريات 18، 19، 20، 21، 22 (حوالي 900 سنة متواصلة)، اضافة لحوالي 300 سنة شبه استقرار متقطع بتأثير متبادل مع غزوات الآشوريين والفرس زمن الأسرات 23، 24، 25، 26.
8. الرحلات والتجارة والإختلاط مع المناطق والشعوب المجاورة.
9. هيمنة ثقافة المصريين من خلال المركز الثقافي الكوني "مكتبة الإسكندرية".
10. سيولة الاتصال والانتقال بطرق جديدة، زمن الاحتلال الروماني.
11. كانت منطقة الأنباط، الملاصقة لشبه جزيرة سينا (شمال السعودية وجنوب الأردن الحالية)، محطة إتصال (ترانزيت)، بين تجارة القبائل العربية، والتواصل مع المدن المصرية، وبتتالي اختلاط مع رموز الحضارة المصرية، بيسمح بمرور ألفاظ ومصطلحات كثير من اللغة المصري، وكمان ظهر الحرف النبطي من تجريد حروف الكتابة المصرية: الهيروجليفي والهيراطيقي والديموطيقي.
12. حركة قبائل عربية ونبطية، زاي "طى" و "خزاعة" -شبه استقرار- لفترات طويلة ف سينا والصحاري الشرقية المصرية، من زمن الإحتلال الروماني اللي استخدمهم أعوان وعيون وحاجز بشري طبيعي.
13. ثبوت وجود نسبة كبيرة ملحوظة (حوالي 970 جذر بتمثل 60%) من جذور ألفاظ القرآن الكريم (المرجع الأساسي لـ اللغة العربي)، مباشرة من جذور مصرية قديمة ثابتة ومسجلة قبل نزول القرآن الكريم بألاف السنين.
14. استقر العرب ف مصر سنة 642 ميلادية، وهوما بيتكلمو لغة مليانة جذور وألفاظ مصري صريحة، فمحصلش أبدن صدمة لغوية، لا لأهل البلد، ولا للداخلين عليهم، حصل التفاهم والحوار بأقل مجهود لغوي، والدليل إن مفيش ولا مرجع تراثي واحد بيثبت إن كان فيه مترجمين بين عمرو وجنوده من ناحية، والأقباط من الناحية الثانية،

وإن المرة الوحيدة اللي ثبتت فيها الحاجة للمترجم كانت بين الحاكم البيزنطي والعرب، أو بينهم وبين الروم والفرس..لخ.

15. إتحول غالبية المصريين للإسلام، وأبدعو إسلام مصري، بفقهِ وقراءات وقصص ورموز دينية بقت محور كلام المصريين.

16. تأثير مباشر لديوان الإنشا المصري، وبخاصة ف العصرين الطولوني والفاطمي، بواسطة مبدعين كبار، زاي: ابن عبد كان كاتب أحمد ابن طولون، وأبو منصور ابن نسطورس كاتب العزيز، والريس فهد كاتب الحاكم، وابن أبو الدم اليهودي كاتب الحافظ، وغيرهم، ضافو عشرات الآلاف من تصارييف الكلام المصري ف المقالات والرسايل والنشرات الرسمية والشعبية، الموجودة دلوقتي ف المعاجم والقواميس العربية وكأنها من جذور لغة وكلام العرب الأولين!

17. تأثير مصر الثقافي ف محيطها المباشر، من آلاف السنين، ظاهر وملموس من الوجود الأثري، بعدد كبير من الآثار المصرية اللي موجودة ف كل مكان حولينا، سواء ف الجزيرة العربية أو فلسطين وسوريا ولبنان والعراق وليبيا، وغيرهم.

.....

توضيح: الشبه اللي بين المصري والعربي شبه ف الألفاظ بس، إنما النحو مختلف، والصرف مختلف، والعادات اللغوية مختلفة، وبتتالي الحدود اللغوية مختلفة!

● لو القواعد اختلفت، بيقا المستوا اللغوي مختلف، والحدود مختلفة!

مش بس كده، أنا بقول إن مستويات اللغة العربية نفسها، كل مستوا فيهم عبارة عن لغة مستقلة، مش مجرد لهجة أو عامية، زاي ما بينقال!

مستوا الشعر الجاهلي والقرآن الكريم مستوا لغوي مستقل، أما مستوا اللغة الرسمي اللي بينكتب بيها الكتب والورق الرسمي والخطاب الرسمي -دلوقتي- مستوا لغوي ثاني خالص، يعني لغة مستقلة، ظهرت مع تشغيل المطابع عصر محمد علي باشا! أكثر من كده كل اللهجات الخليجية والعراقية واليمنية والشامية والليبية والتونسية والموريتانية، وغيرهم، كل واحدة فيهم ليه مستوا لغوي مستقل، يعني لغة مستقلة، واللي يقول غير كده ببساعد ف استمرار تزييف هوية الأجيال!

● لو القواعد اختلفت، بيقا المستوا اللغوي مختلف، والحدود مختلفة!

جنوب ووسط غرب أوروبا معظمهم من أصل روماني لاتيني لغوي واحد، ومن أسباب استقلالهم ونهضتهم -اللي قام عليها التنوير- استقلال كل مستوا لغوي بكيان لغوي

مستقل، له قواميس مستقلة، وكتب جرامر مستقلة، وجامعات ومعاهد بتدرسه بإستقلال عن أي خلط أو لخبطة مع المستويات الثانية. الصين واليابان ومعظم دول شرق آسيا، من أصل لغوي واحد، ومن أسباب نهوضهم استقلالهم بمستويات لغوية مستقلة، حتا ف الحروف. معظم الدواير العلمية دلوقتي معترفة بأن اللغة المصرية القديمة هيه الجدر الأصلي لـ اللغة العربية وكمات حروف كتابتها، مرور مباشر بالآرامي والنبطي! السكوت عن تأثير الجدر المصري ف ألفاظ القرآن الكريم: تعصب ملوش لازمة.

### حدود اللغة

كل لغة لها حدود، بتظهر ف نبرة الصوت، وده اللي بيخلينا نقدر نفرز اللي بيتكلمو نفس اللغة بنفس الألفاظ، إنما بنبرة صوت مختلفة، زاي الممثل السوري أو الكويتي اللي بيحاول يتكلم مصري، ومرة واحدة تلاقي عاداته اللغوية الخاصة بيه بتنتج عليه، فتقلت منه نبرة صوت مختلفة، النبرة الخاصة دي هيه اللي بتبين حدود لغته الخاصة، وممكن كمان تبين جنسيته أو انتمائه الفكري والديني، زاي مثلن طريقة الكلام والمصطلحات الخاصة بتاعت الجماعة الأصوليين ..لخ. حدود اللغة، زاي حدود البيوت، مستقلة ولها حرمة، مهمن كانت البيوت جمب بعض أو شبه بعض، إنما كل بيت له أساس -قواعد- وكل بيت له حدود، وعشان كده كل بيت له شخصية وله هوية.

حدود اللغة، زاي الحدود الجغرافية والسياسية، إنما مجالها إنساني أوسع.

اللغة: نحو وصرف وألفاظ وأصوات

وعادات .. ولها حدود.

اللهجة: تصريف محدود.

العامية: لهجة بتصريف وألفاظ وقواعد

جديدة.

اسم منه فيه: اللغة المصرية.

النحو: فن صناعة الجملة.

الصرف: فن صناعة الكلمة.

الشفلية: تبديل صوت الحروف.



من مخطوطة "معجم اللغة المصرية القديمة" – أحمد باشا كمال - باللغة الفرنسية، وتعليقاته التي بخط إيده بالحرف العربي، هنلاقي آلاف الألفاظ من كلامنا الحالي بجدور من مرحلة الحرف الهيروجليفي:

وكمأن ف الجزء 23 من المعجم ده فيه هامش بيبين حالات التصريف بالإبدال (شقلبة) لحرف الألف وصوت الهمزة مع اليه والواو والهه والعين والجيم والقاف:

الهمزة واليه: ألملم/ يللم - أرقان/ يرقان


الهمزة مع الواو: أكدت/ وكدت - أشاح/ وشاح

الهمزة مع الهه: أيا/ هيا - أراق الماء/ هراق الماء

الهمزة مع العين: أديته/ أعديته - عباب/ إياب

الهمزة مع الجيم: أصيص/ جصيص


الهمزة مع القاف: أقول/ أول - قلل/ ألل - قوي/ أوي



تصريف النون: أحمد باشا كمال، مؤسس مدرسة ترجمة الهيروجليفي بالتصريف، يعني حسب قواعد علم الصرف، عشان يوصل مراحل اللغة المصرية ببعضها.

ف الجزء التامن من "معجم اللغة المصرية القديمة" بيشرح تنويعات تصاريف حرف النون، مع حروف الره واللام والميم!

من أهم استنتاجاته ف الباب ده، تصريف كلمة "نب" بمعنا سيد/ مسئول . مع كلمة "رب" بنفس المعنا!



**اللخنة:** تبديل مكان الحروف.

**البوادي:** حروف -سوابق- بتتضاف ف أول الكلمة، لتسهيل تحديد الزمن والوظيفة.

**النواهي:** حروف -لواحق- بتتضاف ف نهاية الكلمة، لتسهيل تحديد الزمن والوظيفة.

### أصل الحروف

مسألة الحرف النبطي المشهور بالعربي اللي بكتب بيه دلوقتي عاملة لخبطة، لأن الناس بتخلط بين اللغة وحروف كتابة اللغة!

● اللغة يعني صوت الكلام.


● الكتابة مجرد طريقة لتسجيل الكلام.

أما بالنسبة للحروف النبطي اللي بكتب بيه دلوقتي، دي تقليد للأصل المصري.


شوف كده وتخيل التقليد اللي بين الحروف النبطي دي. قبل التنقيط والتشكيل:

● حرف الألف بالهمزة عبارة عن تقليد لحرف الألف بالكتابة الهيروجليفي بتجريد شكل

نسر العقاب



● حرف الواو (و) النبطي تقليد لحرف الواو الهيروجليفي والهيرواطيقي



حرف القاف (ق) من غير تنقيط تجريد لشكل التل الهيروجليفي



ق

حرف الشين (ش) النبطي تجريد لشكل البحيرة اللي طالع منها ثلاث زهرات لوتس

ش

حرف الهه (اللي ف كلمة زهرة) تقليد لشكل حرف الهه الهيروجليفي

هـ

شوف بنفسك -ابحث- بقية الحروف العربي وكمان الأفرنجي هتلاقي جدورهم وأصولهم عبارة عن تقليد وتجريد من الحروف المصري الأصلي!

■ يبقا تكتب بالحرف العربي ولا الأفرنجي ولا حتا بالالوندي مفيش أي مشكلة!  
■ بالتأكيد لو وصلنا للكتابة بجدور حروفنا الوطنية الأصلي -ولو بتطوير أو اختصار- يبقا انجاز كبير، إنما كتابتنا بأي حروف دلوقتي. مفيهش أي مشكلة .. كل الحكاية اننا لازم نعرف ونعلم ولادنا أصل الحروف المصري، بكل مراحلها الهيروجليفي والهيراطيقي والديموطيقي والقبطي، وإزاي ظهرت متجردة ومترزمة ف تفاريعها الكثير: الفينيقي والجعزي واليوناني والأرامي والسرياني والعبري والسبئي واللاتيني والنبطي والعربي ..لخ.

### اللغة الأقرب للمصرية القديمة

الأوروبيين اختارو حروف الكتابة القبطية وسيلة مباشرة لترجمة اللغة المصرية، لأنها قريبة من اليونانية الأوروبية!

لأن اليونانية كانت مكتوبة ف نصوص أثرية مباشرة مع الكتابة الهيروجليفية المصرية، زاي خراطيش بطليموس وكليوباترا وحجر رشيد ..لخ!

حروف الكتابة القبطية بتمثل الصورة الرابعة (بعد الهيروجليفي والهيراطيقي والديموطيقي)، وبتمثل المرحلة الثالثة (بعد الهيروجليفي والديموطيقي) من مراحل اللغة المصرية، واللي صورتها الخامسة ومرحلتها الرابعة هيه اللي أنا بكتب بيها دلوقتي، يعني اللغة المصري، المعروفة خطأ بإسم: العامية المصرية!

حروف الكتابة القبطية فيها عيب خطير منعها من الأفراد بلقب الممثل الأوحده لـ اللغة المصرية، وهوه التأثير اليوناني فـ الصرف والأصوات والعادات اللغوية بالإضافة لعدد كبير من الألفاظ والمصطلحات والقواعد اللغوية اليونانية!

الترتيب الزمني لحروف الكتابة الرئيسية اللي بتمثل أسرة واحدة، من أصل واحد:

- المصرية القديمة (هيروجليفي/ هيراطيقي/ ديموطيقي)

الفينيقية

الجزية (الأثيوبية)

الأرامية

السريانية

اليونانية

العبرية

السيئية (اليمنية)

النبطية (العربية)

القبطية

المصرية الحالية (العامة المصرية)

طيب ده ترتيب ظهور حروف الكتابة الرئيسية لنفس الأسرة اللغوية الواحدة، إنما ترتيب ظهور القوميات بتاعتها، يعني ترتيب الشعوب اللي بتمثلها الحروف دي، بيقول إيه؟

1. فـ الأصل كانت مصر، تاريخ وجودها الأثري موجود فـ أبعد نقطة عن كل فروعها وتجلياتها وتأثيراتها.

2. الفينيقيين ظهوروا واذكرو فـ كل العصور المصرية، بداية من الدولة القديمة، علاقات تجارية واجتماعية، لدرجة وجود رموزهم عناصر مؤثرة فـ بطولة أقدم أساطير مصر والعالم، أقصد الأسطورة الأوزيرية، وإن كانت أشهر نصوص الكتابات اليونانية الرومانية اللي نقلت الأحداث دي، كانت بواسطة الكاتب: "بلوتارك/ فلوطارخس"، المشهور بخياله الخصب وخلطه ومزجه بين الأساطير الفينيقية واليونانية والرومانية مع المصرية، إنما عندنا نصوص حكاية "سنوحي" اللي بتصور العلاقات مع الفينيقيين من زمن الدولة المتوسطة، يعني قبل زمن عشاير الهكسوس وبالتالي قبل ظهور لغتهم الرئيسية الأرامية وتوابعها السريانية والعبرية والنبطية!

3. تطور وظهور الجعزية الأثيوبية ف الجنوب (800 ق.م)، مختلف عن رحلة الفينيقية، لأن التأثير بيتراوح بين الأصل الجيني لأول سكان لحضانة وادي النيل "الكنانة"، اللي كل الدراسات بتأكد إنهم من الجنوب، وبين فترات حكم الأسر المصرية من أصول كوشية، واستمرار نظرة المصري القديم لأرض الجنوب بإعتبارها أرض الجدود "تا-جدو"!

THE ETHIOPIC SYLLABARY.													
ETHIOPIC NAME OF THE LETTER.	PHONETIC VALUE.												
ሀደ፡ Hôy	H	ሀ	hā	ሁ	hū	ሂ	hi	ሃ	hā	ሄ	hé	ህ	hē
ለ፡ Lāwī	L	ለ	lā	ሉ	lū	ሊ	li	ላ	lā	ሌ	lē	ሎ	lō
ሐውተ፡ Hāwēt	H	ሐ	hā	ሑ	hū	ሐ	hi	ሐ	hā	ሐ	hé	ሐ	hē
ማደ፡ Māy	M	ማ	mā	ሙ	mū	ሚ	mi	ማ	mā	ሚ	mē	ሙ	mō
ሠውተ፡ Sāwēt	S (SH)	ሠ	sā	ሡ	sū	ሠ	sī	ሠ	sā	ሠ	sē	ሠ	sō

لاحظ التطور الطبيعي - كمثال- لحرف الشين الهيروجليفي ف هيئة قطاع من بحيرة ظاهر منها ثلاث زهرات لوتس <sup>፳፻፶፯</sup> مع حرف الشين الجعزي (ሠ)، بتلات سنات، زاي الأرامي (ሠ) والعبري (ש) والنبطي بعد تطويره وتنقيطه ف صورة العربي (ش) والسبئي (𐩨)!

شوف تاني صورة الشين الجعزي (ሠ) موجودة ف آخر سطر من الصورة، اللي عنوانها: حروف الكتابة الأثيوبية!

4. الأراميين ظهرو ف المشهد بعد أحداث طرد الهكسوس من مصر، واحتلو جزء كبير من التكوين الجغرافي والسكاني الفينيقي، ومن اللغة الأرامية ظهرت السريانية والعبرية والسبئية اليمنية والنبطية العربية.

5. السبئية واللغات اليمنية، ظهرت بعد هجرة من الشمال للجنوب، تالية لزمان طرد الهكسوس، واتصالهم الحضاري بالأحباش الجعزيين، ومن هنا بيظهر التأثير الجعزي الأثيوبي ف لغات وحروف الكتابة السبئية!

6. الأقباط إمتداد طبيعي للمصريين القدماء، إنما حروف الكتابة القبطية مظهرتش إلا بعد الإحتلال والحكم البطلمي اليوناني، ومتحولتش لـ لغة كتابة رسمية وازدهرت إلا بعد الإحتلال الروماني اللي ساعد ودعم انتشارها ضمن مخطط محاربة الهوية المصرية القديمة، بقفل المعابد وإلغاء الحج لأبيدوس وتتويج كل ده بمنع الكتابة بحروف الهيروغليفية والديموطيقية والهيراطيقية.
7. المصريين الحاليين، إمتداد طبيعي للأقباط، إنما استفادو من الإحتلال العربي، بطرد البيزنطيين الجريكورومان، وكمان استفادو من تحجيم التأثير اللغوي الجريكورومان، اللي فضل محدود ف نطاق بعض النصوص الكنسية، ورجوع العادات اللغوية والصرفية المصرية لمكانها الطبيعي ف الكتابة (مثال: حرف الحة والعين)، وإن كانت الكتابة الرسمية بقت بحروف نبطية عربية!

الخلاصة: إن كانت الدراسات الجينية والسلوكية بتوضح العلاقات والمشاركات بين الجد والحفيد، يبقى دراسة اللغة المصرية القديمة، ومعرفة أصواتها ومعانيها، بإعتبارها المؤثر المباشر لتأسيس أسرة لغوية كبيرة وحروف كتابة متعددة، يلزمه دراسات للقواعد والألفاظ والأصوات والعادات اللغوية الخاصة بفروعها وتجلياتها، بداية من الفينيقية والآرامية والسريانية والعجزية واليونانية والعبرية والسبئية واللاتينية والنبطية والعربية والقبطية للوصول لآخر مراحلها، يعني مرحلة: "اللغة المصري" أو المصرية الحالية!

خلاصة الخلاصة: كده احنا عندنا مستويين: 1- مستوا اللغة الرسمي: كلام عربي من جدور مصري، بقواعد عربي، بحروف نبطي من أصل مصري، نشرته مصر بواسطة ديوان الإنشا الطولوني، وبقا رسمي بداية من ظهور المطابع ف عهد محمد علي! 2 - مستوا اللغة المصري: كلام مصري من جدور مصري، بقواعد مصري، بحروف نبطي ولاتيني من أصل مصري، انكتبت بيه ألف ليلة وليلة وغيرها، ودلوقتي قايم عليها الشعر والحواديت والمسرحيات والأفلام والمسلسلات والبرامج والأغاني والحوار ف المدارس والمحاكم والوزارات! العجيبة بقا، إن المستوى الرسمي الأولاني واخذ وضع ودلع، والمستوا الثاني ابن الجارية اللي بياخذ علا دماغه، رغم انه هوه اللي شايل الليلة كلها، ولغاية اللحظة دي مفيش ولا قسم لدراسته ف أي كلية أو جامعة!

## مصر

تحليل أسامي مصر القديمة، مشروح بالتفصيل ف الجزء الأولاني، إنما لأنها قضية شغالة ومتداولة وملفها متقلش، وزاي ما لازم المصريين يتظمنو ان كلامهم كلام مصري بالقواعد والألفاظ والحدود، بارضو لازم يتظمنو إن إسم بلدهم جدوره وأصوله من مصر ومفیش حد فرضه علينا زاي ما بعض الناس معتقدين دلوقتي.

كمان لازم الباحث يفرق بين تواتر الإسم "مصر" ف النصوص الدينية الإبراهيمية، واستخداماته ف رسائل القادة والكتاب، بمعنا اسم "مصر" المعروف لنا ولهم طول السنين، مش بمعنا "المصر" يعني أي بلد، وإن العكس هو اللي حصل، يعني بقا أي مجتمع حضاري "مصر" بتأثير إسم البلد المنتج الأصلي للحضارة، زاي تأثير إسم "قمت" بالقاف، فكل "قمة"، وتأثير إسم تا-مري" فكل "دميرة"!

مصر لها أكثر من إسم -حوالي عشرين- بأكثر من وصف وكناية، رسمي وشعبي، وكلهم ثابتين ف الآثار والوثائق المصرية، يعني مش بس "كيمت" أو "قمة"، لأ فيه كمان "وجات" و"باوة" و"بباوة" و"بحدت" و"ازتي" و"تا-مري" و"طاوي" و"باقة" و"طابت" و"إدبوي" أو "إدفي" ... لـخ!

بإختصار أسامي مصر القديمة فيها أسامي رسمي ودول ممكن نحصرهم ف أربعة: كيميت/ تامري/ طاوي/ باقة.


فيه كمان أسامي الأوصاف الشعبية، ومنهم الإسمين الكبار المشهورين دلوقتي، اللي كان حظهم أحسن بكثير ف الخلود والشهرة.

الإسم الشعبي الأولاني: ايجيبت، والإسم الشعبي التاني: مصر!

الإسم الشعبي الأولاني: ايجيبت، أصله وجدره من إسم النتر "جب" اللي اتجوز النتر "نوت"، وبقا من ضمن أساميها الكثير: "جبت" بتاء التأنيث وإضافة ألف أداة تعريف، يعني الشعب كان بيوصف بلده، بإعتبارها السما "نوت" اللي مرتبطة بالأرض "جب" .. التصريفة اليوناني "ايجيبتوس" اعتمدت ع الإسم الشعبي "جبت"، وبنفس الطريقة اتصرفت "جبت" لـ "قبط" عند العرب!

الإسم الشعبي التاني: مصر، كان موجود ومكتوب ف اسم شهر من شهور السنة المصرية، من سنة 2000 ق.م، واندكر رسمي ع الأقل من سنة 1400 ق.م ف رسائل

تل العمارنة، الرسائل المتبادلة بخط الكتابة المسمارية، بين أمنحتب الثالث ملك مصر مع أنليل الأول ملك بابل: كده بالنص:  
 من أمنحتب ملك "ميسورا/ ميصورا/ مصر" ... لخ!  
 الكلام اللي انكتب كتير عن الإسم المشهور ف الغرب دلوقتي Egypt، وأصله من  
 "ايجيبتوس" الإغريقي اليوناني من سنة 300: 400 ق.م يعني اسم "مصر" له جذر  
 أثري سابق "ايجيبتوس" بألف سنة ع الأقل!







الصورة لجدر من جدور اسم "مصر" موجود ووصل لنا ف اسم شهر "مسرا" ضمن  
 أسامي شهور السنة المصرية، بمعنا ميلاد رع، وبالمناسبة الإسم ده موجود ف أسامي  
 الشهور من عهد الملك أمنمحات الأول يعني 2000 سنة ق.م، ع الأقل!



## خطة الكتاب ف تاني جزء

- نفس خطة الكتاب ف أول جزء، هيه نفس خطة تاني جزء، من إثبات صلة وارتباط وامتداد كلام المصريين الحالي مع مراحل اللغة المصرية القديمة، بالنحو والصرف والألفاظ والأصوات والعادات اللغوية.
- مستمرين ف الكتابة باللغة المصري، وبالتحديد الطريقة اللي بيتكلم بيها الكاتب ف حياته الطبيعية -زاي ما بيتكلم بيكتب- ودي نفس اللغة اللي انكتب بيها الجزء الأولاني سنة 2016، وكمان دي الطريقة اللي كتب بيها روايته: "رادوبي" سنة 2019، وكمان كل بوستاته من ساعة ما ظهر الفيس بوك 2004- وغيره، هيه نفس طريقة الكتابة: زاي ما بننطاً بنكتب!
- هنكمل الجزء الأولاني، عن طريق تجميع بوستات الألفاظ اللي بيقدّمها الكاتب كل يوم ف صفحته وصفحة حراس الهوية المصرية علا موقع الفيس بوك -حسب اقتراح الصديق الشاعر الكبير جمال بخيت- مع تاريخ عرض كل بوست، وعلا فكرة البوست الواحد ممكن يكون بيتكلم عن جذر واحد أو جدرين إنما التصارييف عددها كبير، ساعات بيحددها البوست وساعات يسببها لـ اللي بيقرأ عشان يستنتجها ويضيفها بنفسه من واقع خبرته وثقافته ومهنته ومكانه وبيئته، يعني ممكن نضرب عدد البوستات دي ف متوسط عشرة ولغاية عشرين تصريفية ع الأقل، ده لو حد حب يحدد عدد الكلمات اللي بنشرحها هنا ف الكتاب.
- لو اتكرر بوست عن كلمة أو جذر من اللي اتشروحو ف الجزء الأولاني، ف ده هيكون بسبب معنا جديد أو رؤية وتصارييف جديدة متشرحتش!
- زاي ما حصل ف الجزء الأولاني، كل كلمة مكتوبة من اللغة المصرية القديمة، بنعتبرها جذر لغوي لكلامنا الحالي، وممكن بعض كلام غيرنا كمان، العبرة ف الربط بين الجذر اللغوي القديم والتصريفية الحالية بشرطين: الأولاني، إن الحروف الثابتة اللي ف الجذر تفضل موجودة ف التصريفية، والشرط الثاني، إنهم الإثنين -الجذر والتصريفية- يفضلو نفس دايرة المعنا.

- الجديد -هنا- ف طريقة عرض بوستات جذور الكلام المصري، إن الكتاب هيلتزم بنشر صورة الجذر اللغوي من القاموس الإلكتروني أو الورقي، مع ربط بسيط بين الجذر وتصاريفه ف واقعنا وحياتنا الحالية، وكمان لو فيه تصارييف من نفس الجذر موجودة ف لغات ثانية، خصوصن اللغات اللي ف نفس منطقتنا ولها اتصال مباشر معنا، زاي العربي والعبري والسرياني والآرامي والجعزي الأثيوبي والجريكي اليوناني .. لـخ، يعني مش هنكتفي بنقل صور الحروف بس، زاي ما عملنا ف جزء الكتاب الأولاني.

sef  ,  , knife ; plur.   
 ; Copt.  $\text{CHQ}\epsilon$ , Arab. سَيْف, Eth.  
 $\text{h}^{\text{h}}\text{L}\text{L}\text{Q}$  : , Syr.  $\text{ܣܝܦ}$ , Gr.  $\xi\acute{\iota}\phi\omicron\varsigma$ .

- عملية الربط بين الجذور القديمة وتصاريفها الحالية، عملية صعبة مش سهلة، ولها إبداعات وتجليات من الكاتب أو الباحث، حسب الخبرة والزمان والمكان، وحسب درجة حماس الكاتب للهوية المصرية، ودرجة إيمانه بالتواصل الحضاري المصري، ودرجة تحرره من إلحاح فكرة عروبة مصر وتعريب كلام المصريين، وعشان كده لو إتعرض جذر سبق عرضه من شغل زميل ف نفس مجال علم المصريات، فمن حقه كتابة إسمه أو إسم الصفحة اللي بينشر فيها جنب العمل المعروف.
- الجديد هنا بارضو، توسيع مساحة المشاركة، بنقل تعليقات لها علاقة بموضوع البوست، مع اسم صاحب التعليق وتاريخه، حسب ما نقدر، أو حسب حدود مساحة كل بوست ما تسمح.
- القواميس الإلكترونية أسهل ف نقل الصور، وكمان متطورة شوية لأنها مش ملتزمة أوي بحكاية النطق الإصطلاحي، إنما للأسف مفيش فيها بيان وافي عن




المصادر الأثرية لكل كلمة، غير بقا القواميس الورق، اللي فيها تفاصيل المصادر والأماكن الأثرية، وكمان ساعات بيضيفو التصارييف اللي موجودة من الجدر ده ف اللغات الثانية، ف كل ما هتيجي فرصة هننقل الصورة مباشرة من القاموس الورق عشان نعرف أساس وطريقة توثيق الكلام المصري .. يا جماعة: الكلام المصري هو الوحيد ف العالم اللي جدوره متوثقة بأقدم وأضمن طريقة، لأنها مكتوبة ومحفوظة من آلاف السنين، وهو الوحيد اللي بسببه ظهر مصطلح البيولوجرافيا يعني علم التوثيق، لأنه وفر نقطة بداية سليمة ومضمونة لمعرفة جدور وأصول كل كلمة .

● هنكمل العدد -مسلسل الكلمات المشروحة- مع آخر كلمة اتقدمت ف الجزء الأولاني، يعني بنضيف للكلام المعروض هناك -ف الجزء الأولاني- من تلخيص شغل الأساتذة الكبار:

عبد الحليم نور الدين وعصام ستاتي ورامي سمير، مع التجميعات الخاصة بمؤلف الكتاب، اللي كان اجمالهم كلهم 1111، ألف ومية وحداشر كلمة، متوزعين ومنضاف ليهم تصارييف حسب مساحة وشرح كل بوست.

الهرم 1 برموده 6263 موافق 9 أبريل 2022

## رشع .. رشاح .. مرشح .. نشع



الرشاح فرعة من النيل كانت زمان بتستقبل مائة الفيضان، ودلوقتي بيتصرف فيها الماية الزيادة عن ورشة أو دورة الري!

الماية رشحت من الغيط، يعني سألت وفاضت!  
وكانت وسيلة الماية الحلوة زمان من "المرشح"، توصيلة مائة مجاني كانت بتعملها الحكومة للعزب والمناطق اللي مدخلتش فيها مواسير مائة الشرب!  
الواد عنده رشع، يعني مناخيره بتسيل منها الماية!

كمان الترشيح للإنتخابات، المفروض انه للناس اللي عندها وقت ومجهود زيادة!  
"رشح" جدرها من اللغة المصرية القديمة، مرحلة الكتابة بالحرف الهيروجليفي:

رشع / رشح = زايد/ كافي/ وافي!

العين (ع) بتتبدل مع حروف مخرجها من أبعد مكان ف الحلق: (ع/ح/ه/ء):

رشع/ رشح

مع أدوات جملة التباشير: هاكل/ حاكل/ عاكل - هاضربك/ حاضربك/ عاضربك

\* كمان بنقول الماية "رشحت" ع الحيطه، أو "نشعت" م الحيطه!


الره (ر) واللام (ل) كأنهم حرف واحد، مع اللام في: "اسماعيل/ اسماعين"، وكمان في: "لقب/ نقب"، ومع النون ف كلمة: "رش/ نش" و "فرکش/ فنكش"!

2022 /4 /9



1113

النوم .. نائم .. منوم



النوم جزء أساسي من نظام الكيان الحي!

المصري القديم عبر عن النوم بالجدر:

نم/ نيم = نوم/ راحة

نبلاحظ إن الجدر "نم" له تأثير ف تصاريف معظم لغات المنطقة، من الأثيوبي العجزي

للسرياني للعبري وكمان العربي: نام/ ينام/ نائم!

تأثير الجدر المصري موجود -بالتأكيد- ف لغات تانية كتير، بس مفيش ليها رصد أو

توثيق قديم، زاي التشادي والأمازيجي!

قاموس الهيروجليفي (بادج) بيعرض حالات تصريف لنفس الجدر، ومن نفس مرحلة

الكتابة الهيروجليفي ف عصور من أقدم فترات التاريخ المصري، زاي تصريفة "نمنم"

اللي بتوضح نوع تصريف وتلوين لغوي مصري صميم، لتأكيد المعاني، وترسيخ

الكلام، بمجرد تكرار الجدر اللغوي:

نأنا - سأسأ - زأزأ - لملم - لعلل - هههه - هههب - همهم - هو هو - نونو - نحنح - بحبح


- فتفت - بسبس - كمكم - كسكس .. لخ!

2022 /4 /8



1114

ميغا .. ميغا mega



"ميغا" بحرف الغين، أو "ميغة" اللي بننطقها دلوقتي بصوت الهه بعد المد: "ميغاه".  
جدرها من المصري القديم بالحرف الهيروجليفي:

مغا/ ميغا = قارب بأكثر من أربعين مجداف!

القارب يلزمه مجدافين وخلاص، طب أما يبقى بأكثر من أربعين؟

يبقا مبالغة أو أوفر أوي، زاي ما بينقال دلوقتي!

فيه حالات تانية من نفس مرحلة الكتابة بالحرف  
الهيروجليفي بتعبر بتصريفة الجدر "ميجا" بحرف  
الجيم، كناية وصف للحاجات الكبيرة أو الخرافية ف  
الحواديت زاي التماسيح والعفاريت والغيلان .. لخ!  
ميغا/ ميغه/ ميغاه، كناية عن المبالغة بزيادة أوي!

-أصلها عايشة ف ميغه!

-شكلها ميغه!


-إيه يا عم هيه ميغه؟

-أيوه بقا، ماهي ميغه!

2022 /4 /7



عك .. عكة .. عكاك .. معكوك



وأما واحدة ملهاش ف الطبخ، تقدم طبق مائة صفرا جواه خضار، جوزها يقول:  
- إيه العك اللي انتي عامله ده؟

ف مستوا المتعلمين، هتسمع تعبيرات من تنويعه كنايةات نفس الجدر، إنما بمعاني العشوائية والبعد عن الأصول:

عك كروي - عك سياسي - عك وزاري - عك ثقافي .. الخ!  
 الجذر "عك" معناه = الغمر/ الوقوع ف السوايل/ التلوث بالسوايل .. الخ!

2022 /4 /1


- Yasmen Mohamed Ali

ويدلعوا العك يسموه عكة عكيكة



1116

فانوس



جدرها الأصلي: pns

سيبك من حرف e الزيادة اللي القاموس كاتبها، عشان دي -زاي مانتو عارفين- بيسموها  
إصطلاحية، عشان تسهيل النطق!

الحروف الأساسية ف الكلمة واضحة ف الصورة!

حرف الـ p ممكن تقراه f لأن ده الصوت الطبيعي بيتشقلب بين الـ p والـ f!

الكلمة من المراحل القديمة، واضح انها كانت أداة للتوليع/ ولاعة!

مخصص النار، بأقرب شكل للفانوس اللي بيتعلق، وممكن -كمان- يكون الشكل ده  
ترجمة أو تخيل لشكل الفانوس الأصلي!

نفس الجدر موجود ف مرحلة الحرف القبطي بالفه: فنوس!

يعني كل الحروف الأساسية (ف/ن/س) موجودة ولها أصل من أقدم المراحل!

حرف الألف والواو حروف حركة دخلت ع الجدر والنتائج النهائي من التصريف، زاي  
ما بننطقه كلنا دلوقتي: فانوس!

- طيب وإسم "فانوس"؟

- زاي إسم "مصباح" و "نجفة" و "قمر" و "شمس" و "نجمة" و "كوكب" .. إلخ!

2021 / 3 / 31


[Tamer M. Sallam](#)

ال P تقلب ف ف Parsi فارسي/ Palestine فلسطين/ Coptis كوفتس



1117

صون .. صان .. يصون .. صيانة



الصونو هو ده الطبيب أو الحكيم بتاع زمان، يعني المسئول عن صيانة جسم الإنسان والحيوان كمان!

الطبيب الراجل: صونو

والطبية الست: صونة

ده دليل جديد نقدر نضيفه للأدلة -اللي بيقدمها الكاتب- بتاعت إن التصريف من جذور- اللغة المصرية ببدا من الإسم!

يعني كل الجذور بدأت بأسامي وبعدين اتصرف منها الأفعال وأسامي الفاعل والمفعول .. عكس لغات تانية كتير، المصادر بتاعتها بتبدأ بالفعل!

يبقا الصيانة بتاعت العربية والغسالة والتلاجة ... لخ، كلها كناية من صيانة جسم الإنسان، المهمة أو الشغلانة اللي كان بيقوم بيها الحكيم أو الطبيب أو الدكتور بتاع زمان، واسمه: صونو

"حكيم" كناية اتصرفت من الجذر المصري: حكا-م!


"طبيب" كناية اتصرفت من الجذر المصري: تب/ طب!

2022 /3 /30



1118

ز عل .. ز علان .. سعر .. سعران


<b>Gardiner's list codes</b> S29-D36:D21-T30
<b>Transliteration</b> sɾ
<b>Translation</b> Laceration, injury
<b>Grammar type</b> Noun
<b>Translation</b> Elevated, prominent

الز عل وحش .. ز علان أوي .. مز عل الناس ليه؟  
جدرها من مرحلة الكتابة بالحرف الهيروجليفي: سعر / ز عل .. التصريف بقاعدة الشقلبة  
-بين الره واللام والسين والزين- يبحول "سعر" لـ "ز عل"  
ز علان يعني متصاب / مجروح / ضغطه مرتفع .. لخ!  
نفس الجدر بمخصص ثاني هنلاقيه بمعاني الإحساس بالخسارة Isacrifice  
كمان الجدر موجود بتصاريف ثانية، منها وصف الحيوان إنه: "إتسعر" أو كلب  
"سعران" يعني ييجرح ويعض، إنما أشهر تصريفة هيه "ز عل"!



اسمعها كده من صباح والموجي وفتحي قورة:  
الحلو ليه تqlان أوي تqlان أوي  
باين عليه ز علان أوي ز علان أوي  
تنقل أوي تز عل أوي .. أنا قلبي بيبحك أوي  
أوي أوي أوي أوي

2022 / 3 / 29


[حازم الرفاعي](#)

"صعر" خده للناس

1118



# 1119 باقة .. باقية



اسم شجرة الـ "زتون" كناية تصريف من الجدر المصري القديم: "زتن"!

"زتن"، يعني مميز أو استثنائي!

- "زتون" كناية، عشان شجرة الزتون

مميزة، أو مال إسمها الأصلي إيه؟

إسمها الأصلي: "باقت" أو "باقة"!

الشجرة اللي كانت بتمثل العاصمة القديمة

"أون" عين شمس!

من شجر جنة الـ "عالو"، اللي بتحوط غيطان

الـ "يارو"!

مش بس كده، كمان كانت إسم من أسامي

مصر: "باقت"!

يعني المصري القديم كان شايف بلده زاي الزيتون ف خضارها الدائم، وطرحها الناعم!

ممكن يتنطق إسمها: "باقيت/ باقية"، عشان بتعيش فترة طويلة -متوسط 500 سنة-

يعني بتعمر كثير، بقت كناية عن أوصاف: "البقاء"!



النصوص والكتابات القديمة، إتكلمت عن شجرة الجميز "ناهيت" اللي لسة إسمها ف قرية "ناهية"، وشجرة الصفصاف: "طريت" اللي منها كنايات الطراوة، ووصف ال "طري"، وشجرة ال "إشد" اللي إسمها دلوقتي شجرة ال "إشطة"، وشجرة ال "شين" اللي باقية ف إسم مدينة "البدرشين" .. لـخ!

الشجر والزراعة والنباتات والمحاصيل حاضرة ف ثقافة المصريين بأشكال وطرق كثير، إنما مش كل شجرة بقا إسمها بيمثل البلد كلها!

عشان كانت شجرة الزيتون منتشرة وبتعمر سنين طويلة، خدت قداسة، لدرجة إنها كانت بتمثل إيزيس، وبتمثل شجر الجنة، وبتمثل إسم العاصمة، وكمال بتمثل إسم البلد الكبيرة "مصر"، ف نفس الوقت!




ورق وخشب فروع الزيتون، يتحول لـ  
بخور وعطور!  
حباية الزيتون، كانت بتنضاف لعجينة  
نوع من العيش!  
زيت الزيتون، استخدامه ف البرديات  
الطبية علاج ودوا!  
طحين بذر الزيتون، أكل للإنسان  
والحيوان، وبارضو دوا!  
يبقا باقي إيه؟  
باقي إن إسم شجرة الزيتون "باقة"  
يدخل موسوعة رموزنا الوطنية!

مع المحصول الوطني والعيد الوطني والنشيد الوطني، كمان الشجرة الوطنية!  
يعني الحكاية مش صحة وبيئة واقتصاد وبس، إنما كمان رمز للهوية الوطنية!

2022 / 3 / 27



## عرق .. عراقة .. علق .. تعليق .. قعر .. تقعير




علاقة الجدر بالتصارييف بتتلخص ف حاجتين:  
 أولهم: وجود الحروف الثابتة - ولو متشقلبة أو متلخفة - ف الجدر والتصرييفة.  
 ثاني حاجة: لازم يكون الإتنين - الجدر والتصرييفة - ف نفس دايرة المعنا.  
 الجدر "عرق" ف دايرة معاني الكمال والنهايات.  
 بنلاقيه ف تصارييف العراقة والأصول القديمة:

### عريق .. عراقة

ومن نفس دايرة المعنا النهايات والأواخر أو الأركان البعيدة:  
 عرق البطاطا، بتاع فاتن حمامة ف فيلم الحرام، عشان آخر  
 حاجة من جذور البطاطا!  
 عروق الإيدين والرجلين، آخر حاجة بتظهر لنا من شبكة  
 الأوردة والشرابين!

حتا عرق العامل: يعني أجره اللي بياخده ف نهاية يوم العمل!  
 كمان بشقلبة حرف الره مع اللام:  
 علق



تعليق هدوم، تعليق حاجة، يعني شبكها ف نهاية حاجة، أو رفعها لآخر حاجة.

التعليق ع الكلام، بيبكون بعد نهاية الكلام!

وآدي فوايد بتظهر أما نعرف جدر وأصل معنا الكلمة، بيبقا محدش يقاطع حد وهو لسة

بيتكلم وبيعبّر عن فكرته، التعليق لازم بيبقا ف الآخر!

من قواميس الهيروجليفي: هنلاقي تصاريّف

وتعابير قديمة كتيرة مع نفس الجدر، منها:

"عرق-حاتي" يعني الحكمة - نهاية ومحصلة

الخبرة والتجارب!

ومنها التعبير اللي ف الصورة، "عرق-رنبت"

يعني نهاية السنة، وده مصطلح كان اسم حفلة آخر

يوم ف السنة!

خلو بالكو، عشان المصري القديم لغته غنية

ومناسباته مليانة احتفالات وأعياد، لأنه كان إنسان

مليان خير وعنده فوايض من كل ناحية: بيحتفل بأول يوم ف السنة "وبت-رنبت"،

وبارضو بيحتفل بختام ونهاية أيام السنة "عرق-رنبت"!

كمان الجدر "عرق" اتصرف باللخنة بقا "قعر":

القعر بارضو يعني النهاية

قعر الحلة


قعر الطبق

قعر البير


أي نهاية تنقا:

"قعر"، وتأصيل الكلام "تقعر"!

2022 /3 /24




**Gardiner's list codes**  
D36:D21-N29-V12:Z1-F  
4:X1\*Z5-F34:Z1  
**Transliteration**  
rk hsty  
**Translation**  
Perspicacious of heart,  
wise



**Gardiner's list codes**  
D36:D21-N29-G1-V12:F  
18-A2  
**Transliteration**  
rk  
**Translation**  
To complete  
**Grammar type**  
Verb  
**Translation**  
The end, limit





البرق اللي بنشوفه بعد النظرة، بسبب شرارة كهربا اللي بتحصل نتيجة الاحتكاك، دي اللي بنشوفها فصورة نور بيلمع أو ببيرق، بيقا البرق هو النور والمعان!  
 بريق عينيك: واحد ببيرق بعينه، يعني فاتح عينيه ع الآخر ومركز!  
 فتحة العين بتبين نورها ولمعانها، عشان كده مخصص الكلمة هو شكل العين!  
 الكلمة ف الأصل: "برج"، بالجيم مش بالقاف، إنما إحنا خلاص حفطنا إن الحروف اللي بتطلع من مخرج صوتي واحد، لازم نتعامل معاها ف التصريف، كأنهم كلهم حرف واحد، ممكن يتبدلو ويتشقلبو ف اللهجات:  
 الجيم والقاف والكاف والغين!

ف بحري بتحصل عملية هروب (راحة) الشقلبة، وبتظهر الهمزة ف تصريفة: برء!  
 وبيقا فعلن الصعايدة أقرب للأصل، لأنهم بينطقوها زاي الجدر الأصلي، بالجيم!  
 العجيبة بقا إن التصريفة العربي والعبري زاي بعض، بالقاف، تقولش ولاد عم؟

2022 /3 /18


[Abdul Hakam Nobata](#)

برق عبادي سوء الهول بصدق أفعاله ما بلقول، البرق العبادي هو البرق اللي بيظهر من جهة القبلة، ولما يشوفوه يستعدو للمطر.




1122

زقم



الزقم ف كلام المصريين الحالي يعني الركن أو الزاوية البعيدة، وساعات يتقال عليها:  
الزقورة!

عندنا غيط إسمه: "الزقم" عشان هوه آخر غيط ف الحوض، وواخذ عدل الزوايا  
المنحرفة بتاعت الحوض كلها!



وف كل عزبة أو بلد من بلاد الفلاحين هتلاقي عندهم عيلة أو  
لقب "الزقم"!

بس الجدر له تصارييف أصلية تانية، والإسم "الزقم" من نفس  
الجدر -ف الغالب- لأن فيه جدر تاني بنفس الحروف إنما  
بمخصص ومعنا النضوج والنصاحة!

2022 /3 /16

[الحاج بشير منصور](#) صح.. أرضنا فى الزقمة البحرية

[Maged Elhaddad](#)

عرفت عيلة اسمها الزقم، واكتشفت إن أصولهم عجرية، والهنجرة العجرية معناها  
الفهولة والنصاحة، وكمان كانوا بيعيشوا في أطراف الزراعة!

[شريف السركي](#) انا باشكر حضرتك ... وسعيد بسبب حاجة معينة في البوست ده.  
حضرتك ربطت بين الأصل المصري والكلام المعاصر الدارج بالنطق.

النطق في البوست مخالف لتفكير الخواجة لعشرات السنين!

حضرتك نطقها "زقم" لكنهم بينطقوها "سكم"

الدليل المعاصر اللي حضرته جفته "الغيظ البعيد" يؤيد النطق "ق" مش "ك"

كمان التعبير "سقم" في العربي معناها المرض الخطير (المرض البعيد) اللي ربما أوصل للنهاية أو الموت زي ما جاء في القرآن الكريم :

فَنَظَرَ نَظْرَةً فِي النُّجُومِ (88) فَقَالَ إِنِّي سَقِيمٌ (89).

بالتالي فكلمة "سقم" تشير للإقتراب من النهاية أو الكمال أو اللي خلص.

ده يؤيد التصحيح اللي أنا عملته في نطق إسم بلدنا. الخواجات نطقوها "كمت" ودي فيها

?

?

غلطتين :

الأولانية) إن تاء التانيث الأخيرة بتتنطق بالمد مش بالتاء إلا في حالة الإضافة ... بالتالي المفروض تتنطق : كما أو كمي .. وده بالظبط نطقها ف القبطي ... كمان النطق القبطي لكل المؤنث بالمد مش تاء. حنلاقي الظاهرة دي في أسامي النترات .. يعني "إيزيس" أصلها "آ.ز.ت" وبتتنطق ف القبطي "ازي"، و "نت" بتتنطق ف القبطي "ني"، ولغاية النهاردة بنعمل كدة .. نقول الترعي والسكي والعمدي .. مبنقولش الترع وت السكت والعمدت. ودي ظاهرة مصرية أصيلة مالهاش نظير ف اللغات الثانية. ف العربي الفصحى تاء التانيث الأخيرة لازم تتعرب بسبب التشكيل فنقول :


أحب الحياتا - علمتني الحياتو - تمسكت بالحياتي .. لخ.


الثانية) إن المنطوق الأولاني "ق" مش "ك" .. والدليل على كدة موجود في مرسوم كانوب. إسم بلدنا مكتوب فيه عدد من المرات. كل مرة بعلامة التل الصاعد بدل علامة جلد التمساح .. علامة التل الصاعد منتشرة ومؤكد نطقها "ق". الخواجات إفترضوا إن علامة جلد التمساح بتتنطق "كم" وده خطأ. بالتالي إسم بلدنا هو "قما/قمي/قمة" .. وظاهرة النطق الخواجاتي "ك" بدل "ق" متكررة ف أمثلة تانية كتير .. منها الـ "قا" اللي بينطقوها "كا" .. لخ.



1123

شمال

shem ra , to  
set the mouth in motion against someone, to  
speak evil, to slander.

shem ra , IV, 971, Thes.  
1482, slanderer, backbiter.

تقديم الرجل الشمال: قبل ما تخلص قراية البوست شوف الإجابات القديمة عن سبب  
تقديم الرجل الشمال فتماثل الملوك والقادة المصريين، هنلاقي تفاسير طبية ورياضية،  
والسبب المنتشر بيقول عشان الشمال ناحية القلب!

الإجابة بكل بساطة: نجيبها من اللغة المصرية القديمة عن مفهوم الشمال، هنلاقيه  
بالظبط، زاي مفهومنا الحالي، أما تقول ناس شمال أو واحدة شمال،  
وواضحة أوي ف المفهوم القرآني: أهل الشمال .. لخ!



كلمة "شمال" تصريفة من جذر مصري مباشر معناه = الأعمال  
الوحشة/ العنف اللفظي to speak evil/ slander

بيقا السبب العام أو القاعدة ف تقديم الرجل الشمال لا هوه سبب طبي  
ولا هوه سبب رياضي، السبب إظهار الإستعداد بجدية وشراسة وعنف  
للخصم، كأنك بتحط إيدك ع المسدس أو الخنجر عشان عدوك يعرف  
انك جاهز ومستعد للحرب!

جيوش العالم -لغاية دلوقتى- بتبدأ تمارينها بنفس الطريقة، وكمان مسابقات ألعاب القوة  
بتبدأ الإستعداد بالرجل الشمال، أصل العادة زاي الجدر المصري ما بيقول الإستعداد  
للخصوم/ التحفز!




2022 /3 /12

[Merit Amen](#) بنقول "همشي معاكم بالشمال طالما اليمين منفعش".





ايجبت .. ايجيتوس .. قبط

Gebit , Berg. II, 13, ,  
, the goddess whose bowed  
 body forms the sky.

ده جدر الاسم الشعبي لمصر، والمعروف ف العالم كله Egypt، بسبب تصريفة  
 "ايجيتوس" اليونانية.



السما اللي محوطة ع الكون  
 بجسمها دي لها أسامي كتير:

- منهم "نوت" nwt اللي  
 منها تصريفة الـ "نوة"  
 والنوات، يعني الماية  
 اللي جاية م السما.

- ومنهم "مت" mwt، أو "أمات" اللي منها تصارييف "أمه" و"ماما" وإسم الأم  
 ف معظم اللغات.


- ومنهم "بات" bgt اسم أقدم ربة جمال ف الكون، ومنه التصريفة "بت" يعني  
 الست الحلوة! beauty!

نيجي بقا للإسم بتاع البوست: "جبت" gbt، وده الإسم اللي خدته بمجرد ما اتجوزت  
 رمز الأرض "جب"، خدت اسمه وبقت "جبت"، يعني الموضة بتاعت إن الستات اللي  
 متجوزين ملوك أو رؤسا أو مشاهير ياخدو ألقابهم:  
 صفية زغلول وجيهان السادات وهيلاري كلينتون، دي حاجة من تاريخ بداية الكون  
 المصري، الست المهمة، تاخد اسم جوزها المهم!

الإسم "جبث" مع أداة تعريف أو بادية لغوية قديمة "ألف" كان المصريين يحبو يسمو بيه بلدهم: "اجبث"، ويوصفوها بإعتبارها السما اللي محوطة ع الكون، وبالتأكيد الوصف ده أثر ف ولادة جملة: "أم الدنيا"!

الأسطورة، أو الحدوتة القديمة، بتقول إن السما "نوت" بعد ما اتجوزت الأرض "جبث" وبقا إسمها "جبث"، وخلفت منه "وزير" و"سوت" و"است" و"نبت-حوت"، حصل زاي هوجة أو انتقاضة ضد الملك "رع"، والنتيجة إن "رع" ساب الأرض وصعد لعرشه اللي ف السما بواسطة البقرة "نوت/ جبث"، والصورة المشهورة دي اللي هتلاقيها تقريبن ف كل الجداريات القديمة، بتصور عملية الصعود، بمعونة الأرض "جبث" اللي ساند بطن البقرة بإيديه من تحت، ومعاه عدد (8) ثمن مساعدين بيضطبو عملية الصعود، برعاية الهوا "شو" اللي ببوجه ويقود!

السما "نوت/ جبث" صعدت واستقرت ف السما، محوطة ع الكون زاي ما ف الصورة اللي قبل كده، واختصارها بالقاموس، وسابت ولادها واحفادها، اللي مجدوها وخلدوها بتسمية بلدهم بإسمها Egypt، بالضبط زاي ما عائلات كتير بتخذ أسامي الجدود والستات ف أسامي الأحفاد والحفيدات!



الوصف أو الاسم الشعبي ده، نقله الكتاب والرحالة اليونانيين قبل زمن البطالمة بكثير، وضافو له السين حرف التنوين اليوناني بقا: "اجيبتوس"، وكمان العرب لقطو الإسم ده، وكتبوه بالعادات العربي بقا: "قبط"، والبلد بقا اسمها بلاد "القبط"!

2022 /3 /11



1125

شرق .. شراقي

shaārki  Ⓞ, Rev.

12, 118, drought ; compare Arab. شرق .

واحد شرقان!

العربية شرقانة!

الأرض الشراقي!

شراقي، يعني نشفان/ جفاف

ده الوصف اللي بيوصفه الفلاحين النهاردة للأرض الناشفة اللي محتاجة ماية، يقولو

عليها: أرض شراقي، تمام زاي معنا الجفاف ف الجدر الأصلي!

الشراقي بيقا نتيجة قلة الماية، بسبب إنها موصلتش للترعة، أو فيه مشكلة عند الفلاح

بسبب وسيلة الري، يعني الساقية عطلانة أو الجاموسة تعبانة، ودلوقتي الري بالممكن

وخراطيم التنقيط، بارضو ممكن يحصل لهم أي عطل.


بس فيه تجفيف أو نشفان للأرض بالعمد والقصد، وده الفلاحين بيسموه: "تشريق" يعني

يمنع الماية قبل جمع المحصول عشان يقدر يمشي ع الخطوط يجمع، أو عشان يسبب

الزرع يستوي ع العود قبل الحصاد!

2022 /3 /7

الحاج بشير منصور

إختل فوق عيدانك واكبر يا زرع الشراقي 

ده صباحك منور يا أخضر والخير ف اللي ساقى



## شطح .. شاطح .. شطحة



الشطح يعني التحليق والتخيل، تصريفة أو كناية من جذر قديم يعبّر عن الحالة بعد مشروب عصير (خمرة) ثمرة الرمان القوي، اسمه: "شدح"! المصريين أول ناس ذكرو تخمير العصاير، ونسبو الفعل ده لأوزير، انه كان بيعصر العنب ويخزنه، ومن أنواع العصاير المتخمرة ف مصر القديمة:

- إريب iryib ومنه تصريفة "رايب"، اللي بتوصف تخمير اللبن!
- بنرت bnrt تخمير عصير البلح الأحمر
- بnaio bniw تخمير عصير البلح الأصفر والأسمر
- شدح sdh تخمير عصير الرمان.
- حامو hamw تخمير عصير البصل (الحامي)!
- ياررت/ ياللت iarrt تخمير عصير البصل الأخضر
- إمت/ إمة imt تخمير عصير عنب منطقة بوتو
- سين/ سينا sin تخمير عصير عنب منطقة سينا
- إنمة inmt تخمير عصير التين، المقوي للجنس.
- تترك/ تترك trnk تخمير عصير زهرة اللوتس.
- وتر/ فطر wtr تخمير عصاير الفطر الطبيعي.

2022 /3 /10



1127

## نبيت .. حلاوة .. بيرة



النبيت دلوقتي من انواع الخمور ، ومنه التصريفه "نبيذ" ، بس بداية التصريفه مكنتش من العصاير ، إنما كانت من أنواع البيرة ، حسب الجدر الأصلي للتصريفه ، والخلط حصل بسبب إن النوع ده من البيرة ، كان بيتعمل من مخلوط ورق العنب مع العصير ! أنواع البيرة منها الحلوه والعاديه والحاميه أو الحراقة:

- حروت/ حلاوة hrwt مخلوط حتت وكسر عيش القمح.
- غامت/ جامد hamt مخلوط حتت وكسر عيش الشعير.
- خامت/ خامه hamt مخلوط حتت وكسر عيش الحلبه.
- برو/ بلو prw بيرة سايله أقرب للعصير ، وأقرب لكلمه "بيرة" الحاليه.
- نبتي/ نبيت nbty هريسه ورق العنب وعصير حبات العنب الأحمر.
- خنمس hnms هريسه ورق التين مع حبات التين أو الجميز.
- حنكت hnkt مخلوط حتت ولب العيش واللبن.
- تنيمو tnmw مخلوط حتت البلح الأحمر والأسمر (مشروب قوي).
- تخ/ طخ/ طش th مخلوط شعبي من أنواع العيش.
- منقات/ منقاة mnqt بيرة خاصه للسعات (متنقي).

2021 /3 /10



**Gardiner's list codes**

F18:Y1-Z4:D21-Z1-  
N35A-N36:N23

**Transliteration**

hr

**Translation**

A body of water

أكيد ولاد الفلاحين هيعرفو معنا الكلمة دي.

الحوال، يعني الفتحة اللي بتدخل منها الماية للغيط!

حوال تصريفة بوزن: فعال/ سجام

من الجدر المصري القديم اللي ف الصورة: "حر" يتصرف: حير/ حيل/ حول/ حوال  
بالمنااسبة أكثر أسامي مجاري الماية زاي ما هيه، متغيرتش، مجرد حصل لها التطوير  
الطبيعي عن طريق التصريف بطول السنين والمسافات وطبيعة كل مكان:

- مجرا، من الجدر gr

- نهر، من الجدر nhr

- نيل، من الجدر nr

- رياح، من الجدر rh

- ترعة، من الجدر itrw- ٢٣

- جنابية: من الجدر dnb

- قناية، من الجدر Kn

- زروق، من الجدر srK
- منصل، من الجدر nsr
- متر، من الجدر mtr
- مسقا، من الجدر skʒ
- حوال، من الجدر hr
- خط، من الجدر ht
- رشاح، من الجدر ršʕ

2022 /2 /15

[Ashraf Ayoub](#)

لسه بنقول حولت الميه ع الغيط يعني فتحت فتحة الري

[الحاج بشير منصور](#)





🌱 لو حضرتك فلاح زى حالاتي.. هتعرف إنه عشان توصل مياه الري لـ النبات، لازم تمر من عدة ممرات! كل ممر للماية له إسم، أو لا النهر (نهر النيل) وبعدين بتمر من (الرياح أو المتر) النوبارية،، الرياح المنوفى،، بحر يوسف مثلاً،، وهى أقل ف الوسع والعمق، وبعدين بتمر الماية من (الترعة) وهى أقل ف الحجم من المتر، بعدها (القناية) وغالبا بترفع لها الماية بالإيد أو بالآلات الحديثة، وبعدين ف الحقل أو الغيط بيسمو الممر المائي (حيار أو حوال)، وف النهاية بتمر الماية في أصغر المجاري تحت الجدر المباشر للنبات، وهو (الخط)، كل الأسامي دي مصرية أصيلة (نهر، متر،، ترعة،، قناة،، حيار،، خط) كلمات ورثناها عن الأجداد ولسة ف كلامنا لغاية دلوقتي . نطق. ومعنا!

[Hythm Shrabby](#)


وكمات بنقول الحول يعني العام أو السنة يقولو ( إن حال الحول ) يعني مرور وتحويل السنة أو بمعنا السنة الجاية .




## سمسم .. مسمسم

shemshem-t   
 U. 64o,   
, sesame seed; Copt.  
 CECHCH, Arab. 

من قواعد الصرف، وبالأخص قاعدة شقلبة حروف المخرج الواحد .. الميم مع النون، واللام مع الراء والنون، والسين مع الشين، والجيم مع القاف والغين .. لخ!  
 هنا واضحة أوي شقلبة الشين مع السين: شمشم/ سمسم .. زاي شمش وشمس وسمس، وزاي "شارام مع شالوم وسلام"، وكمان سجرة وشجرة .. لخ!  
 - افتح يا سمسم!

  
 Gardiner's list codes  
 N35-N35A  
 Transliteration  
 nmw  
 Translation  
 Dwarf

  
 Gardiner's list codes  
 D46-G1-N35:W11-Z5  
 Transliteration  
 dng / dng  
 Translation  
 Pygmy, dwarf

  
 Gardiner's list codes  
 S29\*T22:N35-S29\*T22:  
 N35-D19  
 Transliteration  
 snsn  
 Translation  
 Be brotherly

كلمة السر المشهورة ف أوبريت علي بابا والأربعين حرامي  
 محسن لطفي السيد كان له تفسير، إن حراس الكنوز ف مصر  
 القديمة -ف الغالب- كانوا من الأقزام، بسبب طبيعتهم وأمانتهم أو  
 بسبب سهولة القبض عليهم لو اختلسو من الكنوز، وعشان  
 ملامحهم البسيطة المنمنمة الصغيرة دي، خدو كناية إسم  
 "سن-سن" أو "سم-سم"، يعني -حسب وجهة نظر أستاذنا الكبير-  
 كلمة السر المشهورة نقلت عن طريق الحواديت، ملمح من  
 الظواهر والوظائف ف مصر القديمة!

قزم = نمو، ومنه وصف "منمنم"!

قزم أفريقي = دنج، ومنه "زنج"!

كناية القزم رفيق الأسرة: سنسن/ سمسم!


2022 /2 /14





1130

لوم .. ملامة



الأصل ف الملامة انها شكاية

شكاية وتذمر ، ولو بالدموع

جدرها من مرحلة الكتابة بالحرف الهيروجليفي:

رمي = شكاية بالدموع / احتجاج وتذمر بالبكا والدموع .. لخ!

"رمي" بالشقلمة مع اللام = لمي بالتصريف:

مع أداة التعريف: اللوم

مع اسم الفاعل: لايم

مع اسم المفعول: ملامة

ثومة: أوريه الملام بالعين

حليم: بتلوموني ليه

وردة: لولا الملامة

رشدي: ملامة وبطلو ملامة

وف القرآن الكريم: "فلا تلوموني ولوموا أنفسكم"

2022 /2 /13



1131

كت .. كد .. كوتة .. شغل .. عمل



معنا كلمة شغل أو عمل ف المصري القديم من الجدر اللي ف الصورة = كات  
كت، موجود تصارييف منها ف حياتنا الفلاحية والمهنية .. لو واحد اشتغل كتير بيقا: كت،  
بفتحة الكاف! ومنها كمان تصارييف: كد، وكوتة يعني حصة من العمل.  
طيب كلمة "شغل" وكلمة "عمل"؟

بارضو لهم جدور من المصري القديم، إنما "كنايات" من جدور هيروجليفي:  
"شجر" و "عمر" !

الجدر شجر، بمعنا غطا وملا الفراغ الشاغر، والجيم بتتشقلب مع حروف مخرجها  
الواحد، زاي الغين .. وطبعن الره بتتشقلب مع اللام، تصريف طبيعي.  
الجدر عمر، بمعنا الحركة والتجوال، اتصرف منه العمل والعمال والعمالة .. لخ.

2022 / 2 / 10

[Ashraf Ayoub](#)


بنقول فلان عمال بيكت من كتر الشقا والعمل الشاق ويقال علا حزمة القمح كناية

[Medhat Hur](#)

وبيقولو ع اللي بيتعب ف الشغل "دا طافح الكوته"



## حمل .. تحميل .. حمل .. حمولة



الحمل والحمال

التحميل والحمولة

الحامل اللي شايلة المستقبل

الكلمة أصلها من الرفع، أو التدرج لفوق، ومن معاني جذرها القديم "العرش" أو كرسي

العرش، عشان مرفوع شوية عن الأرض!

بيقا تحمل حاجة يعني ترفع حاجة، مش مجرد انك شاييل وبس، لازم ترفعها!

- طب لو قاعد؟

تبقا ماسك حاجة، أو شاييل حاجة!

- شايفين؟

مجرد ما نعرف أصل وجدر الكلمة ممكن ده يساعدنا اننا نجود كلامنا وننظبط

مصطلحاتنا وكتاباتنا!

الكلام ده مهم للمدرسين والصحفيين والشعرا وكتاب القصص والسيناريوهات.


نسمعها من كلام: حسين السيد، وتلحين: عبد الوهاب، بصوت: فايزة:

"حمل" الأسيّة، طول عمرك يا قلبي!

2022 / 2 / 6



## 1133 ألف .. ألفة




ألف صحة .. ألف هنا وسرور  
ألف سلامة .. ألف مبروك .. ألفين مبارك  
الجذر المصري "رف"، بالتصريف أو نطق الشقلبة والتبادل بين الـره واللام.  
بالمنااسبة القاموس فـ أول حرف الـره، عمل ملحوظة: ان قرآنية رسمة البؤ دي لازم  
تتقري مرتين بالره وباللام، يعني الخواجة كان عارف وبيأكد ضرورة التصريف، بس  
استسلم لمدرسة الحاج اصطلاحى!  
نضيف كمان ملحوظة العظيم: أحمد باشا كمال، تصريف بدايات الحروف مع أدوات  
التعريف القديمة: وأهمهم الهمزة!  
رف = أرَف = أَلَف

معناها ف القاموس، ومن النص الأصلي -بربا دندرة- بيساوي معاني الزيادة والتكبير  
والتضخيم والتفخيم والمبالغة .. لـخ!  
يبقا كلمة أَلَف اللي ف كلامنا مش مقصود بيها رقم، إنما مقصود بيها معنا الزيادة  
والمبالغة لأكبر حد، ومن هنا بقا رقم "ألف" أكبر حاجة قبل ما يظهر المليون والمليار  
والبليون والدشليون .. لـخ!  
وبيقا "ألفه الفصل" يعني أكبر وأشطر وأهم واحد ف الفصل!  
وكمان -"ألف" عيش- يعني طاوله عيش، يعني عبوة عيش كبيرة، لأنها أكبر عبوة!

2022 / 2 / 4



## حاج .. حجاج



الحج يعني التوسل.

والحجاج المتوسل.

مدد يا أبو الحجاج .. مدد

الحاج توسل، وأول الحجاج، الفلاح أوزير المتوسل لـ "أتوم-رع" .. وحجاج أبيدوس متوسلين لصالح أمواتهم بطلب القرب والبركة من أوزير لحبايبيهم الراحلين. كمان الجدر "حجي" معناه مكان المهرجان الكبير، والمقصود أرض أبيدوس.

2022 /1 /24



الحج زيارة الأراضي المقدسة، من الأصل:

حجي = أرض العيد الكبير/ تجمع ديني كبير

كانت دي أرض أكبر تجمع للحجاج في الزمن القديم،

الحج لـ أبيدوس.

اسم أرض التجمع الديني بقت كناية عن التجمع نفسه،

وبعد كده بقت اسم الطقس.

2021 /1 /26



كلمة "سمن" smn.. كلمة هيروجليفيه معناها: سعر أو ثمن أو قيمة value... price وف كلامنا الحالي بتتنطق الثه سين، زاي: عثمان/ عسمان - بئينه/ بسينه.  
وعليه بيقا : ثمن = سمن.

الحاج بشير منصور/ صفحة الهيروجليفيه: 2021 / 1 / 22

كلمة "سمن" ليها علاقة بقاعدتين ف الصرف وف العادات اللغوية، لأنها بتتنصرف ف العربي بحرف الثاء، والمصري من عاداته اللغوية مبيطلعش اللسان ف نطق الحروف، لأن تطلع اللسان عيب -باعتباره صفة للأجانب- عشان كده بنقول "حديسة" بدل "حديثة"، القاعدة الثانية "الشقلبة" اللي بتحصل مع الحروف اللي بتطلع من مخرج واحد، بتتقلب السين مع الشين والزين والظه والذال والصاد، كل دي شقلبات طبيعي وبتحصل كتير حتا مع الشخص الواحد، انما كمان السين بتتقلب مع الته والذال لقربهم من نفس المخرج، والسبب الحقيقي ان دي طريقة دفاع ذاتي، دفاع عن الشخصية، دفاع عن الهوية اللغوية، قدام كلمة او تصريفه أجنبية!



1136

بلد .. بلدي .. بليد .. بلادة

عندنا جذرين لكلمة "بلد" من اللغة المصري الأصلي:  
الأولاني: برت brt



بيحصل تصريف طبيعي -شقلبة- للره مع اللام والته مع الدال .. بلد .. ده الجذر المباشر  
لكلمة بلد وبلدي .. منسوب للناس، بمخصص راجل وست، يعني ناس.  
بنشوف المعنا المقصود هنا ف الأغاني:  
بلدي بحب أنا كل حنة ف بلدي  
يا بلادي .. يا أحلا البلاد يا بلادي  
التاني: برد brd



بحرف الدال مش الته

بارضو شقلبة بتصرف الره مع اللام .. إنما المعنا هنا ف دايرة الأصالة والصلابة والثبات، وممكن كمان الجمود والتقفيل، بمخصص طير الأسف وعلامة الإكس، اللي بتوضحه تصريفة: "بليد" و"بلادة".



بيظهر المعنا الأولاني ف أوصاف كويسة،  
تقول ان دي حاجات أصيلة وأصلي:  
إبن البلد .. بنت البلد .. عيش بلدي .. حارة  
بلدي .. هدم بلدي .. أكل بلدي .. فراخ  
بلدي ..لخ.

أو أوصاف مش كويسة للمعنا الثاني:  
ناس بلدي أوي  
حاجة بلدي خالص  
بليد أوي

تعبيرات كلمة بلدي اللي بنستخدمها ف  
كلامنا دلوقتي -ف- الحاليتين- عبارة عن خليط  
من دايرة معاني الجدرين دول، بسبب الشبه  
أو الجنس اللفظي.

2022 / 1 / 19

[Atef Elshikh](#) لفظ (ابن بلد) بارضو ييعبر

بوضوح عن ربط كلمة البلد بالناس.

[Ashraf Ayoub](#) وسط البلد/ انا راجع البلد/ سلامات سلامات يا حبيينا يا بلديات

[Ahmad Ramdan](#) يارب بلدى وحبايىي والمجتمع والناس





1137

شتا .. شتوي .. مشتا



جدر كلمة "شتا" من وصف لـ طقوس خاصة بربة السما "نوة/ نوت"، معناه الحرفي:  
الحبات إللي نازلة م السما/ حبات الماية الللي نازلة م السما pellet from sky [?]   
منها التصريفة العربي "شتاء".

ومن تعبيرات المصريين:

الدنيا بتشتي = الدنيا بتمطر = نزول المطر من السما

هدوم شتوي = هدوم ثقيلة للتنظيف من برد الشتا


مشتا ومشتاتي = أماكن سياحية دافية، زاي أسوان، وكانت حلوان زمان!

أطفال زمان كانوا يطلعو يستقبلو النظرة والسفسة الخفيفة بأغنية:

الدنيا تشتي، أروح لـ ستي، تعملي وُرصة (قورصة)

2022 /1-18





شقلبة طبيعية بين الته والدادل


كلمة "برد" تصريف وكناية من إسم فصل "برت" من ضمن فصول لـ السنة المصرية، اللي بيحصل فيه الشتا ونحس فيه بالبرد، وأهم شهور البرد دي: "طوبة" و"أمشير"، بمخصص الشمس علامة الفصول.

فصول السنة المصرية الثلاثة بالترتيب: "أخت/أكد" - "برت" - "شمو"  
القاموس كتب "شهر" البرد، مش فصل البرد، والسبب إن فـ مرحلة قديمة كانت أسامي الفصول هيه نفس أسامي الشهور، مع رقم بيميز كل شهر، يعني كانوا بيكتبو شهر برت 1 وشهر برت 2 أو شهر شمو 1 وشهر شمو 2 .. لخ، وبعدين من الدولة الوسطانية بدأنا نلاحظ ظهور أسامي مخصوصة لكل شهر، وأسامي لكل يوم.  
من تصاريف كلمة "برد":

الهوا بارد/ الماية باردة - خلي بالك من "برودة" الجو - الأوضة محتاجة "تبريد"!  
حتا "براد" الشاي، وظيفته التبريد بعد ما ينزل المشروب الساخن من ع النار!  
الدنيا برد الدنيا برد .. عم خليل بيسقي الورد (بيقطف ورد)!

2022 / 1 / 18






### شبكة العروسة

الصورة من الحاج بشير منصور/ صفحة الهيروجليفية: 2022 / 1 / 17  
الشبكة مرحلة من مراحل الجواز بالنسبة للمصريين المسلمين:

- الفاتحة، أو الخطوبة، مجرد اتفاق بين أهل بقراية سورة الفاتحة
  - الشبكة، تنفيذ تمهيدي للإتفاق، بتقديم هدية ذهب، عبارة عن دبلة وخاتم أو سلسلة وعدد من الغوايش أو الأساور، حسب الحالة المادية للعريس!
  - الملكة، أو كتب الكتاب، يعني تحويل الإتفاق الشفوي لعقد مكتوب بمعرفة موظف حكومي رسمي مندوب عن الشهر العقاري، اسمه: المأذون الشرعي!
  - الدخلة، أو الفرح، حفلة ليلة الجواز!
- نفس المراحل بارضو بالنسبة للمصريين المسيحيين، مع تفاصيل بسيطة، إن كل الإجراءات بتتعمل ف الكنيسة، والخطوبة لها دفتر كنسي، ويسبق الملكة عقد "نص أكليل"، وكمات الدخلة أو الفرح اسمهم "أكليل كامل"!
- عقد الإكليل الكامل بواسطة كاهن موثق مندوب عن الشهر العقاري.
- أكيد كلنا هنفكر أشهر أغاني الخطوبة، من كلام: جليل البنداري وتلحين: منير مراد، بصوت: شادية، يا دبلة الخطوبة:
- شبكةنا بدبلته، وقرينا فاتحته، وعرفنا نيته، وغلاوته عندنا





الكحك صناعة بيتي وطني من قديم الزمان، وأكلة شعبية وطني من نفس تاريخ الأثر  
اللي مكتوب عليه الجدر اللغوي "كعك"، يعني من آلاف السنين!  
تكرار الحرف ف نفس الكلمة، معناه تكرار النطق بالتبادل مع الحرف السابق، عشان كده  
نطق الكلمة الحرفي، ممكن يكون: "عكعك" والأصح إنها "كعكع"!  
الخواجة "بادج" استنبط إن الجدر بيتصرف ف اللغات واللهجات عشان يوصل النطق  
الحالي لكلمة "كعك"!

مجهود مشكور من الخواجة، بس أصل الكلمة وجدرها، منطوق بنفس طريقة نطقنا  
الحالي، واتصرفت العين الأولانية مع الحة، حسب قواعد الشقلبة، واتصرفت العين  
الأخرانية بقت ألف مد: "كعكا"، وعارفين إن حروف المد -الواو والألف واليه- بتنتهي  
بصوت هه، عشان كده وصلنا للنطق الحالي: "كحكا/ كحكاه" اللي بتتكتب دلوقتي  
بالحرف النبطي العربي الرسمي: "كحكة"!  
ومن أغانينا الشعبية:


يا "كحك" العيد يا احنا .. يا بسكويت يا احنا .. يا شربتات يا احنا

2022 / 1 / 14



1141

## نصف .. نضافة



الجدر "نتف" بشقلبة طبيعية بين الته والضاد، تبقا "نصف"!  
نتف = رشة ماية/ بلل/ ترطيب/ غمر بالماية  
يعني الترجمة الحقيقية للجدر "نتف" ممكن تكون متساوية مع التعبير الشعبي: "أطس  
وشي بشوية ماية" يعني: أغسل وشي/ أنصف وشي .. لخ!  
شقلبة الته مع حروف مخرجها، بتحقق التبادل اللي حصل بين الته والضاد ف كلامنا  
المصري الحالي، وبارضو بتحقق التبادل مع حرف الظه ف العربي: نصف/ نظف!  
باعتبار النضافة فعل عمومي علني، بقا فيه حرية ف التصريف لإستخدام الكلمة ف مجال  
النضافة المرتبطة بالماية، يعني الغسيل!  
إنما فيه بقا مجال استخدام خصوصي للبنات والستات، ومش علني، وده بيبقا التصريف  
فيه محدود وف أضيق نطاق، عشان كده فضل الجدر "نتف" كناية عن النضافة بارضو،  
إنما بـ "نتف" الشعر، يعني شيله وخلعه من مكان حساس!

2022 / 1 / 12

[Ahmad Ramdan](#) بس خلينا نقول كمان أن الجدر نتف لسه مستخدم زى ما هوه واتصرفت منه نتفت  
وننافة، يعني نتف الشعر الزيادة للتنظيف!





الجدر "ستف"، بمخصص زجراج الماية، يعني صب الماية، أو سكب الماية!  
الصب والسكب نظام لتصرف الماية!  
بقت كناية عن تنظيم أو "تستيف" أي حاجة!  
العروسة بتستف الدولاب والنيش!  
والبنيت بتستف هدمها، يعني ترتبها وتكويها وتطبقها!  
والواد بيستف مكتبه، يعني يرتب كتبه وكراريسه ويراجع الجدول بتاعه!  
والست تستف بيتها، يعني تنصفه وترتبه!  
والراجل لازم يخرج من البيت مستف ونضيف!  
والحماة بتستف جوز بنتها، يعني بتوعيه بكلمتين عشان ينظم أمور بيته!  
والتاجر بيستف البضاعة ف المحل!  
"تستيف الكلام" يعني ترتيبه بدخلة ف البداية وقفلة ف النهاية!  
ومن الأمثال الشعبية:  
كذب "مستف"، ولا صدق منعكش!

2022 / 1 / 12



1143

## طهر .. تطهير .. طهارة


<b>Gardiner's list codes</b>
X1:Z7-O4:Z4-D21:Z1-A1
<b>Transliteration</b>
<i>twhr</i>
<b>Translation</b>
Clean ?, pure ?

الجذر اللغوي المصري "توهر" = نضيف/ نقي

هنا التصريف محدود، شقلمة بين الته والطه!

من آيات القرآن الكريم:

"ينزل عليكم من السماء ماء ليطهركم به، ويذهب عنكم رفس الشيطان"

"طهر" بمعاني النضافة المادية والمعنوية، اتصرفت منه تصاريف:


- "طاهر": اسم رجالي، واسم فاعل وصفة!
  - "طاهرة": اسم ستاتي، وإسم فاعل وصفة!
  - "تطهير": تطهير الإيدين/ تطهير وتعقيم البيت/ تطهير الغيط من الدودة والحشرات/ تطهير الترع والمصارف/ تطهير أوضة العمليات، كمان تطهير أجهزة الدولة من الإهمال والرشوة والواسطة وكل أنواع الفساد!
  - "طهارة": طهارة اليد/ طهارة النفس/ طهارة الجسم شرط دخول الصلاة وأماكن العبادة وقراءة الكتاب المقدس، كمان "الطهارة" يعني "الختان"!
- منمنشاش الليلة الكبيرة، صلاح جاهين وسيد مكاي وصلااح السقا:
- ويا أم "المطاهر" رشي الملح سبع مرات!

2022 /1 /12



1144

غسل .. غسيل .. غسالة



غسر / غسل = إزالة، تصريف بالشقيلة، بين الره واللام!

الجدر "غسر / غسل" معناه ارتبط بالإزالة،

عشان كده فيه مخصص -واحد ماسك

عصاية- استخدام الشدة والقوة!

الغسل بالطريقة دي، لأن الغسل بعد شغل

الغيظ المرهق كان يحتاج مساعدة لإزالة

الوسخ، وفيه صور كتير بنشوف فيها ناس

متخصصين ف التّغسيل، رجالة وستات،

إتصرفت منه تصاريف كتير:

"غسل": الإيدين والوش والرجلين قبل الأكل، وقبل الصلاة، وقبل النوم!

"تغسيل": الجثة قبل الدفن، والمحترف إسمه "المغسل" و "المغسلاتي"!

"غسيل": الهدوم، والخضار والفاكهة!

"غسالة": أداة الغسيل، اسم الآلة وإسم محترفة الغسيل.

ومن الأمثال: "مغسل وضامن جنة"!


2022 / 1 / 12





1145

محر .. محارة .. تمحير .. لياسة .. كسوة


<b>Gardiner's list codes</b> G17-D2-Z1
<b>Transliteration</b> <i>m hr</i> <b>محر</b>
<b>Translation</b> In front of (someone), in the eyes of

"محر" = ف الواجهة/ ف الوح/ ف العين

كلمة محارة عمرك ما هتسمعها إلا ف مصر .. أو بتأثير مصر!

محر/ محارة/ تمحير

طبقة تكسية أو لياسة وح الحيطان والواجهات. اسمها: محارة!

والأسطوات اللي بيشتغلو الشغلانة دي تقدر تعتبرهم فنانين شابليين "المسطرين" اللي

بيسيطرو بيه ف توزيع مادة المحارة أو اللياسة أو التكسية بماية واحدة بين الزوايا

والأركان، فنانين بجد زاي جدودهم الرسامين والنحاتين بتوع زمان:

المهني المحترف، فنان المحارة اسمه: مبيض المحارة!

حتا الكلمتين اللي بيتبدلو مع كلمة محارة، بارضو من جدور مصري:

● رسي/ لسي .. لياسة = زيادة ودعم

● كسي/ كسا .. كسوة = غط/ فرش

● محر = واجهة/ ف الوح

2022 / 1 / 11

[Ahmed Eissa](#) محر بالصعيدى يعنى جحظ بعينه



1146

صبح .. صباح .. صبح



صبح = فرح/ سرور/ بهجة

الصباح والصباح مرتبط ف كلامنا دلوقتي، بوقت طلوع النهار.  
من مرحلة الكتابة الهيروجليفي، كان اسم الوقت ده (ضوا/ ضيا)!  
لاكن، أما نرجع لقاعدة الكناية، هنلاقي الجذر اللي ف الصورة، بيدي نفس الصوت،  
وبمعنا قريب (صبح)، بمخصص السرور والفرح والأعياد.  
ان كان الضو، أو الضي، ركز ع النور اللي بيعمله طلوع الشمس، كمان لازم نربط بين  
طلوع الشمس، وحالة السرور والفرح باليوم الجديد، والنور اللي كشف الضلمة!  
الوش الحلو، بنقول عليه: صبحوح، ومنه أسامي البنات أكثر من الولاد:  
صباحة وصباح وصبحي وصبيحة وصبيحة.

تاني يوم بعد الدخلة، إسمه يوم "الصباحية"، يعني يوم السعادة.

نسمع من بيرم بصوت أم كلثوم: يا صباح الخير ياللي معانا:

الصباح أهو نور واتبسم واتبسم

و"الصباحية" ساعة هنية

2022 / 1 / 10

Ashraf Ayoub احلى اصطباحة وصباحك سعيد يا صبحوح وصبح صبح!




1147

ولد .. والد .. ميلاد



تصاريف فعل الميلاد من الجدر المصري القديم: "ورد/ ولد"، اسم من أسامي أوزير، والأدق إنه وصف أو صفة من صفاته الكثيرة.

بيكرر الجدر "ورتي/ ولدي" مع أي ابن، خصوصن الإبن المقدس:



مع تصريفة إسم المفعول:

"مولود"! وتصريفة اسم

الفاعل: "والد"، وتصاريف

الصيغ والاسم: "ميلاد"

و"ولادة" و"توليد" .. لخ!

من تصاريف الفلاحين: "ولدة" حالة الولادة للإنسان والحيوان!

من أسامي أوزير: "ورد-إيب"، حسب نطق القواميس، قبل التصريف.

الإسم الأوزيري، معناه = موجوع القلب!

وأما نشوف جدر كلمة "ورد"، أو "ولد" نلاقي تراجمها كلها بمعاني الألم والوجع، إنما

بمخصص ولد صوغير عريان، بيصور إن ملوش أي حيلة، وهيه دي حالة المولود.

2022 /1 /9



1148

نسب .. نسبة .. نشب .. نشابة



أداة أسطوانية بتستخدمها الستات لفرد وبسطو تشكيل العجين قبل دخوله الفرن!  
أصل الكلام مصري لأن كلمة nsp...نسب، كلمة هيروجليفيه بتتنطق نسب..nsp  
ومعناها تشكيل العيش .. to shape loaf وتبديل صوت حرفين الـ (س) و (ش) ف نفس الكلمة من غير تغيير المعنا زاي: شجرة/ سجرة، يبقا: نسب = نشب، ومنها: نشابة  
إسم الأداة اللي بتستخدم فى تشكيل العيش.

الحاج بشير منصور/ صفحة الهيروجليفيه: 2021 /1 /9

[Dina Mohamed](#) دي النشابة اللي الأمهات بتستعملها للتهديد بدل الشبشب.  
[Ahmad Ramdan](#) المصريين عملو كتير، ناس قلبوها من نسب لـ نشب، وناس صرفوها زى ما هيه، "نسب" بجر النون والأساس هنا الفعل /فعل النسابة اللي بتنسب رغيف العيش فتبقا تخانته متنسبة، يعني متوافقة مع بعضها.  
وجت منها "نسب" بفتح النون زى ما بنقول ابو نسب لان الروس اتساوت لما ناسبنا بعض، وخذ عندك بقى كمية التصارييف اللي من فعل الـ نسب:  
النسبة والتناسب ونسيبي ومناسب وما تناسبينش وبالنسبالى والنسبالك .. لخ.



كب .. كوب .. كوباية

kabu 𐤏𐤁𐤏𐤏, 𐤏𐤁𐤏𐤏, 𐤏𐤁𐤏𐤏,  
a measure for liquids.

𐤏𐤁𐤏𐤏 𐤏𐤁𐤏𐤏 𐤏𐤁𐤏𐤏 𐤏𐤁𐤏𐤏 𐤏𐤁𐤏𐤏 𐤏𐤁𐤏𐤏 𐤏𐤁𐤏𐤏 𐤏𐤁𐤏𐤏

جدرها من مرحلة الكتابة بالحرف الهيروجليفي:

كبو/كب/كبي/كاببي/كوبو = وعاية للمناولة والقياس

المخصص فخارية صوغيرة.

التصريف بقا بينوع منتجات الجدر:

أفعال: كب/بيكب/إكب

اسم الفاعل: كاب/كابب

إسم المفعول: مكبوب

صفة: مكبب/مكببة

إسم وعاية: كوباية

تنويعات تصاريف الأسامي: كوب/كوباية/كبة

المصريين بيميلو لتصريفة كوباية، ويكررو التصريف بنفس الطريقة ف حاجات كثير:

حباية/قمحاية/فولاية/بصلاية/موزاية/منجاية/توتاية/تيناية/رملاية/سبرتاية/

سهراية/سلاية/نخلاية/دلاية .. لخ.

2022 / 1 / 7

علي شوشان



المليان يكب ع الفاضي


𐤏𐤁𐤏𐤏



1150

سفر .. مسافر

Sefer, Sefert , , U. 648,

, Rev. 1, 158, 2, 19, Mon. Civ. 33, 5,

a fabulous animal with the head of a hawk and  
a pair of wings. '

قدامك سكة سفر

مسافر مسافر

صاله السفر

وسيلة السفر

سعادة السفير

السفيرة عزيزة

كل التصاريح دي وغيرها من الجدر اللي ف الصورة: سفر

سيبك م النطق الإصطلاحى اللي بيخلي القاموس يحط كسرة الإي -بمناسبة ومن غير

مناسبة- وكثير أوي بتكون من غير أي داعي!

سفر وسفروت

حيوان الـ "سفر" كيان حي، عبارة عن حيوان متشكل من جسم أسد وذيول تمساح ووش

سفر بجناحات، بيطير وبيسافر للسما.

تلاقى ف هرم ونيس ف صقارة، وسيلة طلوع الملك للسما.

2022 / 1 / 6

[أبو شادي](#) أسد = يمشى في البر .. تمساح = يمشى في البحر .. جناحين = يمشى في الجو، يعني الـ 3

وسايل للإنتال مسافات



1151

حي .. حياة




الحياة شروق

والموت غروب

حي حي حي .. الله حي

الجدور المصري دقيقة ف مقاصدها!

حي يعني مشرق، بمخصص شروق الشمس، بداية وافتتاح اليوم.



يقرب لنا المعنا حرف اله (ح) جدر التبشير والإستهلال ف جملة التبشير المشروح

قواعدها ف البندين 1331 و 132 من الجزء الأولاني، اللي إسمها ف قواعد النحو

العربي: أدوات الإستقبال، وجملة الإستقبال!

معنا البداية والتبشير والفتح والإفتتاح، مرتبط مع الـ "ح" كلمة البداية!

2022 /1 /6



1152

حبل



**Gardiner's list codes**

M16-G1-D58-Z7-D21-  
Z1-V19

**Transliteration**

*hbr*

**Translation**

Rope ?

الأحبال الصوتية

الحبل السري

حبل الغسيل

حبل الأفكار

لعبة شد الحبل

● حبر / حبل = حبل / رباط

جدرها ف الصورة، وأكيد انتو خلاص حفظتو شقلبة الره واللام كأنهم حرف واحد،  
عشان مخرجهم الصوتي من مكان واحد.

يقولك: فلان ده "حباله" طويلة، يعني بيسوف ويماطل!  
والمثل الشعبي: اللي يربط فرقبته "حبل"، ألف من يسحبه!  
وف الأغنية: "حبل" المودة اتوصل، وبقينا سمنا وعسل!  
وف القرآن الكريم: "واعتصموا بحبل الله جميعاً ولا تفرقوا"

2022 / 1 / 6





1153

كنية .. كناية .. قناني .. قانون



مملكة الكناية، بالنسبة لقواعد الصرف، الكناية ملكة!

■ ببدا التشبيه بحاجة، وبعد شوية تلاقي الاسم المتشبه بيه لزق وبقا اسم أصلي!

■ الجريدة كان اسم لصحيفة حزب الأمة بتاع أحمد لطفي السيد، بسبب شهرتها بقت أي

صحيفة إسمها الجريدة، واللي بيبيعهم إسمه: بتاع الجرايد!!!

■ الجدر المصري اللي ف الصورة بالحرف الهيروجليفي "كنن" أو "قنن" أصله عن

روايح النباتات الطبية. واللي كانت بتتحفظ فوعيان (جمع وعاية) خشب!

■ بقت أي وعاية إسمها قنن وتتصرف تبقا قنينة وجمعها قناني!

وتروق القناني يعني تنضفها وتخليها فلة!

■ ومن كناية لكناية، بقا تروبق القناني كناية لـ تروبيق الدماغ!

■ ومن كناية لكناية لكناية. بقت قناني الدوا، كناية عن طرق العلاج والدوا!





اتشهرت الكناية لدرجة إن ابن سينا يعمل كتابه "القانون" بيوصف الدوا والعلاج!

■ ومن كناية لكناية لكناية بقا القانون يعني النظام!

2021 / 1 / 5 - 2022 / 1 / 5



كمن .. كمين .. كامن .. مكنون .. كمون

kamen  , A.Z. 1873, 17,  
,  
 Amen. 24, 9,  , dark,  
 cloudy, misty, gloomy, lowering, black, blind ;  
 compare Heb.  , Arab. كَمَنَّ , Syr. ܕܟܡܢܐ .

مصطلح مصري أصلي

كمين مفرد وجمعه كمين، ويصرفوها بالعربي تبعا: كمانن!  
 كمين دلوقتي بمعنا "فخ"، رغم إن "فخ" بارضو جدر مصري أصلي.  
 الجدر الأصلي "كمن" معناه = مستخبي/ مضلم/ مغيم/ مضرب من الضباب .. لخ.  
 كمين وكامن وكمون ، من إسم نبات الـ "كمون"، اللي لونه غامق ومش واضح!  
 كده بيقا "الكامن" المستخبي، عكس الصريح الواضح!  
 وبيقا "مكنون" الكلام، يعني معناه ومحتواه المستخبي!

2022 /1 /4

أبو شادي

كلمة " موكنة "

ينتقال علا مكان بيستخبا فيه ناس اخلاقهم وحشة!


Aya Abd Alla

وفيه منها يكن بتشديد النون و كامن زى: كامن له ف الدرة!



1155

شماعة



الشماعة اللي بنعلق عليها الهدوم، إسمها كده ليه؟  
عشان جدر الكلمة دي من اللغة المصري كان ف مرحلة الكتابة بالحرف الهيروجليفي  
يعني الحاجة "المتشمعة" العالية إللي فوق.

sham' Anastasi IV, 11, 8, V, 6, 1, Sallier I, 9, to  
desire (?)

واحنا بنلعب كورة، كنا بنقول:

شمع الكورة، يعني ارفعها!

ولاحظو إن من أهم صفات

sham'-t a wooden  
bar or tool.

وأسامي الصعيد ف كلامنا

القديم، كلمة: "شمعو"، يعني

الفوقاني، عكس الوجه البحري التحتاني، بإعتبار اتجاه انحدار الماية واندفاعها!  
تنويعات الجدر "شمع" -ف الصورة- تيجي بمعنا "الرغبة" أما تكون عاوز حاجة ومش  
طايلها، وبارضو ييجي الجدر مباشر وواضح "شماعت" إسم أداة خشب!

2021 /12 /30

[Nancy Nancy](#) كدا ممكن "شمعون" يبقا الشخص اللي بيعلق علا غيره كل بلاويه





- أوام زاي ما بنقولها دلوقتي. يعني بسرعة. تلاقي جذرها المباشر من مرحلة الكتابة بالحرف الهيروجليفي اللي ف الصورة. يعني السخونة، بمخصص شعلة النار. وكأن اللي بيقول "أوام" واقف ع النار أو بيتقلب علا جمر النار!
- حرف الواو، وكل الحروف ف بداية الكلام، بتقبل التصريف مع الهمزة أداة التعريف القديمة، زاي اللازمة بتاعت الرئيس السادات .. أأأ.
- كلمتين بقا عن العادات اللغوية ف تصريف وشقبة القاف والجيم مع الهمزة:
  - الطبيعي إن القاف تنتشقلب مع الحروف اللي من نفس مخرجها.
  - يعني تنتشقلب مع الجيم. زاي الشراقة والصعايدة "جبلي" بدل "قبلي"!
  - وتنتشقلب مع الغين زاي السودانيين "غادر" بدل "قادر" و"ديمغراطية" بدل "ديمقراطية"، أو زاي الجزائريين "غرف" بدل "قرف"!
  - وكمان بتنتشقلب القاف مع الكاف، يعني تلاقوها واضحة عند الغزاوية "برتكان" بدل "برتقان"!

- يعني القاف بتتبدل وتتقلب مع صوت الجيم والغين والكاف وكلهم من منطقة واحدة ومخرج واحد، يعني حسب قواعد التصريف والشفلة العادية.
- طب. إيه بقا سبب شقلبة القاف مع الهمزة -والعكس- اللي منتشرة عندنا ف مصر وخصوصن بحري. وكمان الشوام سوريين ولبنانيين وغيرهم؟
- القاف والهمزة مش من منطقة واحدة، ولا مخرج صوتي واحد، القاف من سقف الحنك قرب نهاية اللسان. والهمزة من الحلق!
- دي بقا قاعدة لوحدها. يعني التطور خلا شذوذها قاعدة مخصوصة!
- وأهم سبب أو تبرير للشذوذ ده هروب (استراحة) القاف للعمق الحلقي (اقتصاد الجهد) اللي مذكور مثال عنه من مصادر مكتوبة باللغة العربية: ف كتاب الإبدال لأبي الطيب: "زُهاق مائة، وزُهاء مائة، أي قريب من ذلك -الإبدال لأبي الطيب 2/562- ويرى ابن فارس في المقاييس 3/33 أن الهمزة هنا هي التي أبدلت قافاً"
- يبقى مش لازم تكون الكلمة أصلها فيه حرف القاف عشان تتقلب لهمزة. ممكن العكس. وأدي مثال أوضح ف الصورة.. كلمة "أوام" أصلها بالهمزة وبعض أهالينا بيشقلبوها "جوام"، وكمان الجذر الأصلي لكلمة "أوي" اللي بيتقلب "جوي".
- وكان معظمنا فاكراً أصلها "قوي"!

2021 / 1 / 29

2020 / 1 / 29

[Joseph Joe](#)

الظاهر طريقة تفكير الناس (بصرف النظر عن الكلام اللي بيقولوه) دي من الحاجات الفطرية الغريزية اللي مابتتغيرش، لحد دلوقتي تلاقي تناظر بين السخونة وبين السرعة، نفس المعنا بيتقال ف عبارة:

"تعال ع السخان" أو "اعمل كذا ع السخان"، وعبارة (ع السخان) يعني بسرعة!




1157

هدم .. هضم



الهدم والهضم، الاتنين تصاريف من نفس الجذر اللي ف الصورة.  
هدم = فرك/ طحن، بمخصص العنف/ واحد بيهدد بعصاية.  
معنا الكلمة واضح اكثر ف قاموس بادج:  
هدم = كسر / هشم/ قطع/ مزق/ بعتر .. لخ!




بيتصرف من الهدم، "الهضم"!  
هضم الأكل، يعني طحنه وتفتيته بالسنان، قبل البلع!  
كلام "مهضوم"، يعني سهل الفهم والإقناع!  
حقه "مهضوم"، بارضو مبلوع/ ضايع!

2021 /1 /28



## بنورة



## مكان دفن أوزير اللى دايمن منور!

بقت كناية عن أى حاجة منورة!

وكم ان بقت كناية عن أي حاجة إراز، يمكن عشان  
ببعكس النور.


والشمعدان اليهودي المشهور اسمه: مينورا.

2021 /1 /26

2013 /8 /7



## راح .. مرواح .. راحة .. مرواح



الفعل راح اللي بيزين الجملة الإسمية المصري بتصاريف الأفعال:

"راح" ف الماضي، و"ببروح" ف الحاضر المستمر!

ومع الجملة الفعلية المصري بتصريفة: فعل الأمر "روح"!

بيتصرف منها "المرواح" يعني الرجوع، من المدرسة/ من الغيط/ من الشغل..لخ!

إن كان المرواح رجوع لمكان الإستقرار، أو رجوع للحق، أو رجوع للأصل، يبقى ده

وصف إيجابي للرجوع، يعني المرواح راحة!

ويبقا منطقي إن أصل الراحة من نفس الجدر:

رح = دخول/ رجوع!

المخصص هنا واضح برمز رسمة الرجلين (القدمين) ف اتجاه الدخول أو الرجوع!

صحيح إن نفس المخصص، ممكن يدي معاني حركة الإنسان ع العموم، إنما الوصف

الأصلي بيبيرر ليه اتصرفت منه: كلمة "راحة" وكلمة "مروحة"، وكلمة "ترويح"،

و"مرواح" بالمعنا الإيجابي للرجوع والعودة للبيت أو الأصل أو الرأي الصح!

والرجوع للحق فضيلة!

وما أحلا الرجوع اليك!

الفعل المصري الأصلي "راح" بتصاريفه منع الفعل الأجنبي "ذهب" من التواجد ف

الجملة المصرية، بنقول: "سعاد راحت السوق"، مش "ذهبت سعاد إلى السوق"!

2021 / 1 / 26






1160

ندر .. نادر .. ندور .. نظر .. نضر



كان عندنا عيد اسمه عيد الندور، يوم 18 كيهك، يعني يوم 27 ديسمبر، ندور الربات، وإسمه بالتحديد من الجدر اللغوي المصري "نترت" اللي ف الصورة! الربات المقدسات "نترت"!



إحنا لسه لغاية دلوقتي بنندر، وبنوفي الندور للأوليا والقديسين، وواضح إن الأصل والبداية كانوا من أبيدوس ف المناسبة دي، مناسبة الندور! كمان "ندر" و"إنذار"، و"نادر"

و"ندرة" باعتبار الرموز المقدسة من الـ "نوادير" يعني النخبة النادرة الفريدة! كمان بمخصص العين: "نظر"، نظارة، نظرية، المنظر، والناظر، والمنظور، والنظرية، والمنظار، وبارضو الـ "نضر" والنضارة، والناطر، والناطور، والنطل، والطل، والمطل .. وغيرهم، من تناويع وتصاريح الجدر المشهور "نتر/نثر"!

2021 / 1 / 26



1161

طري .. طراوة



شجرة الصفصاف كان إسمها الأساسي إيه؟

كتبوه زاي الصورة اللي من القاموس ما بتقول: trt / trit

طب دي تنصرف تبقا إيه؟ ولاحظو إن جدودنا عمرهم ما سمو حاجة كده عشوائي! لازم يكون للاسم علاقة بالحاجة: شكلها/ تكوينها/ وظيفتها/ صوتها .. إلخ.

شجرة الصفصاف كبيرة، يعني شبه الجميز ف الضخامة، إنما فروعها نحيفة ولينة يعني طرية، وورقها آخر طراوة!

عشان كده التصارييف المنطقية اللي بتحافظ ع الحروف الأساسية وليها علاقة بدائرة المعنا، لازم تكون تصارييف عن : طري و طراوة!

مش معنا كده إن كلمة "صفصاف" كلمة أجنبية. طب إزاي؟ إن كان لها وجود أثري ثابت ف النصوص المصرية القديمة، بيقا إزاي يكون إسمها أجنبي؟

الصفصاف تصريفة من إسم جذر مصري قديم، كناية من جذر له علاقة بالخصائص العلاجية لمعجون الصفصاف، تصريف من الجذر "'سفسف" يعني روق!

2021 /12 /23





العرب ببسموه "ذعرة" .. طب احنا ليه بنسميه أبو فصادة؟  
 عصفور مصري أفريقي، بيميزه بقع سودا، زاي ما يكون لابس حاجة!  
 أهى الحاجة دي سبب تصريفة فصادة أو أبو فصادة، يعني اللي لابس فصادة!  
 والفصادة ف كلامنا القديم من مرحلة الكتابة بالحرف الهيروجليفي يعني نوع من  
 الهدوم، وكمان نوع من القماش اللي بتتلفع بيه المومياءات!  
 psdw اتصرفت بقت فصدو/ فصادو، البه الثقيلة بتتشقلب مع الفه.  
 ف الصعيد نوع من الفوط، ونوع من الكوفيات، تلفيعة اسمها الفصادة.  
 إرتباط أبو الفصاد بأعياد الميلاد .. إسقاط من الوعي القديم .. لأن العيد يعني هدوم جديدة  
 أو لابس الحتة اللي ع الحبل .. وإلا اشمعنا يعني مبيقاش ياللا حالن بالن بالن هنو أبو  
 وزة ولا بطة ولا حمامة؟

2021 /12 /22

[Ahmed Eissa](#) \_ ف الصعيد الرجاله ببلبسو شال زي الفوطه اسمه فوطه فصادي



## جرف .. تجريف .. جاروف .. رغيف



**Gardiner's list codes**  
W11:D21-I9:D55  
**Transliteration**  
(ir) grf  
**Translation**  
(to make an) effort

انجراف .. جارف .. منجرف

يقولك: سيل جارف، يعني شايكل حاجة فطريقة.

الجاروف اللي بنشيل بيه الحاجات

جرف الأرض، يعني خربها، شال وشها، أو باع طميتها الغنية!

جرف أو غرف الأكل، ومنه تصريفة المغرفة.

والعجبية إن من نفس الجدر، بقاعدة "اللخنة" تصريفة "رغيف" يعني العيش اللي

بنغرف بيه الغموس، أما بنعمل لقمة العيش كأنها مغرفة!

2021 /12 /16

[Emad Wahdan](#)

أَمْ مَنْ أَسَسَ بُنْيَانَهُ عَلَى شَفَا جُرْفٍ هَارٍ فَأَنْهَارَ بِهِ فِي نَارِ جَهَنَّمَ وَاللَّهُ لَا يَهْدِي الْقَوْمَ الظَّالِمِينَ. (١٠٩) التوبة.. جرف ممشى بحافة مرتفع اما جبلا او هضبه

[Nancy Nancy](#)

م-(غ) رفة؟ اللي هيا الكبشة





- لقيت ف مكتبتي بحث جميل من كلية الفنون الجميلة/ جامعة المنيا لصديقنا الدكتور حسين محمد علي بيشرح فيه إزاي جدودنا كانو بيركبو الألوان:
- الأحمر: من نباتات زاي الفوه والعليق والبنجر والقرطم، ونلاحظ إنهم كانو بينطقوه "دمي" عشان لون الدم، كانو بيستخرجوه من إفراز يرقات بعض الحشرات.
  - الأزرق: اللون المصري بدرجاته، من نباتات كثير، أهمها ورقة نبات النيلة البري.
  - الأسود: من قشر الرومان والبلوط.
  - الأصفر: من زهرة نبات القرطم، وإسمها الشعبي "عصفر"، بنستخدمه كثير ف تحليل اللمون، وكمان بيطلعوه من مرارة الحيوانات.
  - البني: من خشب الشجر، خاصة شجرة الست المستحية.
  - الأرجواني: تدرجة بين الأحمر والأزرق، وكان جدودنا بيطلعوها من مخلوط نبات الفوه والنيلة البرية، وكمان من حيوانات بحرية.
  - الأخضر: خليط من الأزرق والأصفر.

2021 /12 /12



1165

## جلي .. تجلي



**Gardiner's list codes**  
M36:D21-M17-Z7-Y1-Z3A

---

**Translation**  
To colour, to stain, to tan

**Transliteration**  
*dri*

كلمة "جلي"، بنستخدمها دلوقتي لمعاني النضافة وتغيير وتلميع اللون، إنما أصلها زاي ماهو واضح من الجدر اللغوي القديم، معناها كان أوسع من إستخدامنا الحالي! جري، بشقلبة الره واللام تبقا جلي، يعني تلوين. التجلي تلوين معنوي، نقول الشيخ عبمتجلي "متجلي" النهاردة! بنجلي العروسة يعني نزينها ونجملها ونلونها بروج الشفافيف وبودرة الخدود وحنة الإيدين والشعر والرجلين .. إلخ! كمان بنستخدم كلمة "جلي"، دلوقتي لمعاني النضافة والكشط وتغيير وتلميع وتجديد اللون، إنما أصلها زاي ماهو واضح من الجدر اللغوي القديم، إن معناها كان أوسع من الإستخدام الحالي ده!


2021 /12 /12

[Saadia Elmongy](#) يقولوا النهاردة العروسة حتتجلى أو جلو العروسة وزمان كنا نجلى أكر (مقابض) الببيان بمادة نقول عليها "الجال".




1166

حن .. حنان



الحنان رجوع بالطيبة، والحنين رجوع بالمشاعر  
- مالك حنيت ولا إيه؟

يبقا الحنان رجوع للأصل الطيب، والحنين رجوع بالمشاعر والشوق!  
من الجدر "حن" بمعنا "رجع"، نقدر نفهم تصريفة الحنان، انها بتعبر عن حالة الرجوع  
عن القسوة والهجر والخصام!  
مخصص الرجلين ف وضع الرجوع بيحدد دايرة المعنا، ويسهلها!  
الحنان والحنية والحنين رجوع عن الشدة والجفا.



كمان نفس الجدر "حن" من  
غير مخصص الرجلين، بمعنا  
المرافقة والمصاحبة، أو  
المعية، إنك تكون معاه!  
حن قلبي إليه .. وانشغلت عليه

2021 /12 /11

2020 /12 /11



1167

## مرودة .. مراوي .. ري



القناية اللي بتوصل الماية من الترعة أو من الساقية أو من المكنة، إسمها إيه؟  
إسأل أي فلاح، هيقولك اسمها "مرودة"، بكسر الته المربوطة، وجمعها "مراوي"!  
الكلمة واضحة ف الصورة، بمخصص زجراج موجة الماية، وكمان مخصص متوازي  
المساحة الزراعية.

الجدر مرو (وي/وة)، إسم قناية، دليل جديد إن جدور اللغة المصري بتبدأ وتتصرف  
وتتفرع من الإسم، وبعدين نعرف من الإسم الصفات والكنيات والأفعال واسم الفاعل  
واسم المفعول.. لخ!

يعني منها "ري" .. ووزارة "الري" .. يا بلاد الزراعة والري

2021 /12 /9





## دب .. دبداب



نوع من العيش (الخبز) اسمه "دبداب" عشان كانت الستات تدب علا حنة العجين عشان تعمل منها فطيرة طخينة وتسويها ع النار، وبعدين تفركها بالسمن البلدي وبالهنا والشفا، وجنبتها حنة جبنة قديمة ' أصل الرجل تدب مطرح ما تحب.

[Ashraf Ayoub](#)

مخصص رسمة الـ "دبة" سيد قشطة، أو فرسة النهر، عشان الطخن والظلظة اللي بتميز جسمها، بيتشبه بيها الفطيرة الطخينة (السميكة)!

يمكن عشان كده اسم "الدبابة" السلاح العسكري، بارضو بسبب حجمها!


طيب، والتصاريف العربي "دابة" و"دواب" و"دأب"؟

القرآن الكريم باعتباره المرجع الأساسي لـ اللغة العربية، شمل معنا الدواب بالبشر والحيوان، بس ربطهم بالمشي والأكل والإستمرار من غير وقوف أو أي حاجة تلهي عن المشي والأكل .. كلها كنايةات قريبة من دائرة معنا الجدر المصري "دب"!



1169

## حرق .. حريقة


<b>Gardiner's list codes</b>
D21:V31-V28-Q7
<b>Transliteration</b>
<i>rkḥ</i>
<b>Translation</b>
Light (fire), fan (flames), burn, heat
<b>Grammar type</b>
Verb
<b>Translation</b>
Fire, embers, flame

فيه معاناة شديدة ومجهود كبير بيتبذل ف توصيل معاني كلامنا المصري القديم وربطه بالكلام الحالي، المعاناة ممكن تقل والمجهود ممكن يختصر، لو اعتبرنا ترجمة الهيروجليفي لها وضع خاص، ف ترتيب نطق الحروف، بإعتبار عامل الزمان والمكان والإنسان، ووضع خاص باعتبار كل ما هو هيروجليفي جذر وأصل قديم أوي، قابل بطبيعته للتبديل والتطوير أو التصريف!

الشرطين -اللي بنقولهم دايمن- للربط بين الجذر والتصريفة: 1- استمرار الحروف الثابتة، 2- استمرار دايرة المعنا.

ممكن تقادي الترجمة الكلاسيكية المدرسية، بتطوير بسيط، عبارة عن اضافة تنويه بحالات الصرف الممكنة -لنفس الكلمة- حسب الشرطين اللي فوق دول.

الكلمة حسب القاموس: "ركح" = حرارة/ حريقة/ نار .. لخ!

الكلمة بعد التصريف: "حرق" = حرارة/ حريقة/ نار .. لخ!


2021 /12 /16



1170



## حجر



الحجر، مش محتاج توضيح لمعناه، وإن كان في العربي بيعبرو عنه بالصخر، في البيت المشهور لإمرؤ القيس: "كجلمود صخر حطه السيل من عل!"

وفي القرآن الكريم: "فقلنا اضرب بعصاك الحجر"

من اللغة المصرية تناويع لأسماء استخدامات الحجارة، من مقابض السكاكين لوعيان الأكل والشرب، لـ حجارة موايد القرابين، وحجارة شواهد القبور، وكمان الحجارة الغالية يعني المجوهرات، إسم لكل حالة وإسم للصناعي، سواء البنا اللي بيبنى بالحجارة أو الجواهرجي اللي بيشكل حجارة المجوهرات والآلات!

أول مبنا حجر في الوجود، هو هرم الملك زوسر المدرج في سقارة!

الجدر "حقرت/ حجرة" = حجر stone، شقلبة طبيعي بين القاف والجيم!

العجيبة إننا ببنطقها كده "حجرة" بفتحة ظاهرة بعد الحة والجيم، ومعاها ته التأنيث، زاي "طوبة" و"زلطة" بارضو مؤنث!

كنايات من طبيعة الحجرة الجامدة، بتظهر في التعبير القرآني:

"ثم قست قلوبكم من بعد ذلك فهي كالحجارة"

تشبيه القلوب والمشاعر بالحجارة، بصفة الجمود!

كناية لخفنة "الجدر" يعني الفتحة الضيقة وسط الحجارة!

وكناية "الحجرة" يعني الأوضة أو الغرفة المبنية بالحجارة!

2021 /12 /11



**بطل .. باطل .. بطل .. بطل**



## Gardiner's list codes

Q3:Z7-X1:U30-G1-

E23:Z7-F27-Z3A

## Transliteration

*ptr*

## Translation

A domesticated animal

اصلها المصري يقصد الحيوان المتوحش "البطل"، اللي "بطل" وبقا مستأنس، يعني اتحول من براوي لـ بيتي!

المصري القديم استأنس الأسد واستأنس الضبع واستأنس النمر.

بتر بنطق القاموس .. بالتصريف بطل

وجود الأسد بيرجح نطق اللام

لاحظو إن التصريف مش ف إتجاه واحد، التصريف ف اتجاهات كتير، انما بيفضل ف نفس دايرة المعنا الأساسى.

## بطل وبطولة .. باطل وبطال وتبطل

## التوحش جراءة وبطولة

والعكس باطل وتبطل وبطلان


**وجواز عتريس من فؤادة: بااااطل!**

2021 /12 /7



1173

## بوسة



- الـ "بوسا" يعني الخد، والـ "بوسو" يعني الخدين.  
يبقا كلمة "بوسة" كناية عن الحدود مكان البوسة؟  
طب بارضو الـ "بوسا" يعني هدية، وبالتحديد هدية الجواز، حاجة فضة!  
يبقا "البوسا" كناية عن أي هدية؟  
سوا الكناية عن مكان البوسة، أو معنا الهدية، الإنتين جدور الكلمة وأصلها!
- بتعبر عن الحب بالبوس من الخدين!
  - بتعبر عن الإحترام، ببوس إيدين الأم والأب والأخ الكبير!
  - بتعبر عن الصلح والمسامحة، ببوس الراس!

وإن كانت أم كلثوم بتغنيها:

"ببوس" الجدم، وييدي الندم علا غلطته!

أما بقا لو سمعناها من بديع خيرى وسيد درويش فـ أوبريت العشرة الطيبة:

اديني بوسة وكمان بوسة

شفتي بتاكلني أنا فـ عرضك



خليها تسلم علا خدك

2021 /12 /7

2022 /4 /22



كفر

kafr  , village, hamlet; Heb.

כָּפֹר, Arab. كَفَر, Syr. ܟܦܪܐ, Assy. 𐎧𐎧𐎠𐎫, 𐎧𐎧𐎠𐎫

(Rawl. C.I. II, 32, 3, 10).

كفر الشيخ

كفر الزيات

كفر شكر

كفر الدوار

كفر صقر

كفر عسكر

كفر المصيلحة

كفر قرشوم

كفر سلامون

كفر حكيم

كفر طهرمس

كفر جرزا

كل الكفور دي وغيرهم كثير أوي، ف مصر -وفلسطين وسوريا كمان- معناها واضح، يساوي عزبة أو قرية أو مزرعة، بالظبط زاي الجدر المصري الأصلي.

كفر يعني قرية أو عزبة أو مزرعة .. لخ.

2021 /12 /5



1175

## كبريت .. كبريتات .. كبريتيك


<b>Gardiner's list codes</b> V31-G1-G29&Z1-D21- Z1-U33-M17-Z1-Q7
<b>Transliteration</b> <i>kbrt</i>
<b>Translation</b> Jaundice, sulphur, brimstone



حمض الكبريتيك .. معركة كبريت .. قرية كبريت

عود كبريت .. علبة كبريت .. كبريتة .. كبريتات

● المصري القديم أول حد اكتشف خصائص

الكبريت وعمل منه مسحوق كان بيتحط ف

الولاعات بالصناعة اليدوية للحصول ع النار.

نماذج كثير من الولاعات المصرية، الخشب والحجر

معروضة ف المتاحف، أشهرهم ولاعة ثوت عنخ آمون

ف المتحف المصري، فيها 12 فتحة، أو خرم بيتحط

جواها شوية كبريت، وتتحرك وسطهم العصاية فتطلع منهم النار بسرعة!

كبريت جدر مصري أصلي

نفس النطق الحالي ونفس الوظيفة، شوف مخصص النار والسخونة، صورة من شعلة

الولاعة اللي كانت بتشتغل بالكبريت!

2021 /12 /5



1176



## دفة .. ضفة



"دبوت/ دفوت" دي كلمة معناها = مركبة/ سفينة، موجودة ف النص بتاع ترنيمه آمون اللي غناها الفنان عز الأسطول ف حفلة فتح طريق الكباش وعيد الأوبت ف الأقصر - نوفمبر 2021.

الكلمة زاي نطق القاموس "دبوت"، بس تصريفها يقبل "دفوت" من الدفة اللي بتدير وبتوجه المراكب، ودلوقتي موجودة بتقوم بنفس مهمة التوجيه عند ديل الطيارات، والأدق إن اسم "دفة" فضل كناية، الجزء بيدل ع الكل، ويقبل كمان التصريف لـ "ضفوت"، يعني المركبة كأنها ضفة أو مرسا بالنسبة لـ اللي راكبها.

المصري القديم كان عنده تناويع كثير من الكنايات، لدرجة إن من أسامي مصر "إدبوي"، أو "إدفوي" يعني الضفتين، وبالقياص ع الجدر ده "دبوت" بمعنا فردة المركبة، ممكن تكون الكناية اللي قصدها المصري، إنه شايف بلده ضفة ومرسا للأمان، وبارضو مركبة أو سفينة بتوصله لبر الأمان، ولو بمعنا "الدفة" يبقى الكناية بتوصل معنا إن بلده هيه الدفة اللي بتدير سفينة حياته!

2021 /12 /4



1177

والي .. ولاية .. مولاي



ور/ ول = شخصية عظيمة/ زعيم  
الشخص العظيم "ور"، بشقلبة بين الره واللام كأنهم حرف واحد، تبقا "ول"، بإضافة  
حروف الحركة، يظهر الجذر "وال"، ومنه "والي"، و"ولاية"، و"موالي" و"متولي"  
و"تولي" و"تولية" و"مولاي" .. لخ!  
دواير استخدامات الكلمة كثيرة:  
المسؤولية: ولي الأمر/ ولاية الأمر!  
الإدارة: الوالي يعني الحاكم، والولاية يعني المقاطعة أو المحافظة أو المديرية .. لخ!  
الدين: الولي الصالح، شيخ أو قطب من أقطاب الصوفية!  
من القرآن الكريم: "الله ولي الذين آمنوا يخرجهم من الظلمات الى النور!"  
وف المذهب الشيعي: "علي ولي الله"  
الكلمة اللي أصلها من جذر مصري، واستخدمناها ولسة بنستخدمها تبقا كلمة مصري  
أصلي، حتا لو ظهرت ف لغات العالم كله!  
2021 /12 /3



1178

جرح .. قلع .. جلع



حسب قاعدة الشقلبة، اللي بتقابلنا كتير، الحروف اللي بتطلع من نفس المخرج ف الجهاز الصوتي بتتبدل أو بتتشقلب: الجيم والقاف .. الره واللام .. الحه والعين.

جرح .. جلع .. قلع .. جلع

قلع الشجرة .. خلعها ونهايتها / قلع الهدوم .. خلع الهدوم

قلع أو مقلاع المركبة .. اللي بيساعدها ع الإقلاع، يعني تنقلع من المرسا!

واللي يتدلّع يقولولو: اتقلّع!

◊ شوف الأبنودي بيقولها ازاى:

إوعا تسدقها الدنيا

غش ف غش

أول ما ينادي الموت .. إفتح










أول مايجيك الموت .. اجلح



2021 /11 /29




علاء حماده صدقى جلع لغاية دلوقتى بنستخدمها ف الصعيد عندينا، لو واحد بيحاول ينط او يفظ من ناحيه للتانيه بنقله اجلح أو جلحت.



## درب .. طرب .. طلب

terp , Rec. 4, 126, IV, 1026,  
, , , ,  
 to make an offering, to pour out a libation ;  
, , , , Berg.  
 II, 395 . . . . .

terpt , IV, 1115, , a  
 gift, an offering, supply, provision.

terpu , IV, 499, ,  
 Israel Stele 7, Amen. 17, 12, , Amen.  
 11, 3, supplies, food, sustenance.


الدرب، شارع أو حارة أو ممر، بمتجهز فيه الطلبات والبطاعة؛  
 جدر الكلمة من القاموس، بتقول انه مكان تجهيز الإمدادات.  
 اللي راحو (درب البرابرة)، وشافو الورش والمحلات بتاعت حاجات السبوع والنجم،  
 هيفهمو معنا كلمة "درب" اللي بيقصدها المصري القديم!  
 الفنان "صلاح جاهين"، خلد اسم "درب شكبة" اللي الأوسطا عمارة بيتفشخر بيه!  
 هتلاحظو إن القاموس عامل نطق مخصوص لحرف الدال، عشان تصاريفه وشقلبته  
 (المتوقعة) بين الدال والطه والضاد .. عجبتني أوي الدقة دي!  
 نفس الجدر، إتصرفت منه كلمة "طرب" اللحم، ولغة "طربة الحشيش"، وحتا الجبانة،  
 بقت مجرد "طربة" بتوصل الرحمة (القرابين) للميتين!  
 مع شقلبة الره مع اللام، تظهر تصارييف "طلبة" و"طلب" و"مطلوب" و"طلبات"!  
 كمان، "ضرب" و"مضرب" الرز، و"مضرب" الطوب .. كله تموين وإمداد!

2021 /11 /25



1180

عضو .. عضوية



**Gardiner's list codes**  
D36:X1-F51:F51-Z2

**Transliteration**  
ʿt

---

**Translation**  
Limb, member (of body)

العضو حنة م الجسد

والعضوية حنة م الكيان

جدرهم اللي ف الصورة، مع ملاحظة إن:

● القاموس مش حاطط الواو علامة الجمع، رغم إنها أساسية ف الكلمة!

● حرف الته بيتبدل بالشقلبة مع حرف الضاد، لأن مخرجهم واحد!

عتو/ عضو = حنة من الجسد.

عضو البرلمان

عضو النادي

أعضاء الجسم، يعني أجزاء وأجهزة الكيان الإنساني والحيواني!

أعضاء الأمم المتحدة: الدول!

أعضاء هيئة التدريس: المدرسين!


2021 /11 /24

شريف السركي الكلمة جمع " عتو " لكن القاموس ترجمها بالمفرد!



1181

نوفل



ف مجال اللغة المصرية القديمة، كلمة "نفر" = جميل، و "نفر" = كويس، و "نفر" = حكيم، و "نفر" = مذهل/ جديد، و "نفر" = زيادة/ إضافة .. لخ، معاني كثير، بمخصصات كثير!



يبقا مش صح اننا نحصر معناها ف فكرة واحدة، لأن لها دايرة كبيرة من المعاني الجميلة!

وبالتأكيد المعاني الكثير بتأثر ف طريقة النطق!


● تصريفة "النفر" يعني الفرد بكناية الجميل/ الحلو/ الكويس/ الطيب!

● تصريفة "نفل" يعني ملائمة أو اضافة مناسبة أو موافقة أو مرضية، وجمعها "نوافل"، ومنها إسم نوفل ونفيل!

2021 /11 /24



## سيناء .. سيناء .. sinai



سيناء، جدر مصري أصلي، منسوب للحجارة اللي كانت مشهورة بيها سيناء!  
 ■ مضطر بقا أهدي الكلمة دي للخواجات ودكاترة الجامعة بتوعنا اللي بقالهم سنين  
 بيحفضونها انها منسوبة لإله القمر العبراني سين !! كده من غير مناسبة!

● الإسم الرسمي القديم لـ سيناء: *bīzw*

بياو = منطقة المحاجر/ منطقة التعدين *mining region*

تعدد الأسامي واضح انه ملمح ومظهر مهم ف الشخصية المصرية، وكمان عشان  
 طول وعمق التاريخ والفترات التاريخية، اللي بتسبب آثارها ع اللغة والأسامي.  
 اسم "سيناء" كناية مصرية من اسم حجارة المنطقة (أحمد باشا كمال)، والأسويين خدو  
 الإسم ده وعلق معاهم ف نصوصهم وكتبهم، لأنها بوابة دخول مصر!  
 من عادة المصريين -وغيرهم- تسمية مناطق بإسم حاجة مشهورة فيها، يعني واحد  
 يقول : أرض السبخة، لأنها كانت أرض مملحة قبل ما يستصلحوها، و"أرض"  
 النجيلة"، و"أرض التوتة" نسبة لـ شجرة توت كبيرة ع الجسر بتاعها .. لخ  
 ○ الأسامي دي زاي التسجيل ف الشهر العقاري ساعة المطالبة بالملكية!


2021 / 2 / 8

2022 / 2 / 8



1183

## عجلة .. عاجل .. مستعجل



العجلات الحربية

العجلة البسكثنة

عجلة العربية

الكلمة واضحة، مع رمز الأسد اللي بيتنطق لام، كل الحكاية انها بكسرة النطق الفلاحي الأصيل، يعني من غير دلغ البندر!

عجلي / عجليه = عربية/ مركبة/ عجلة

بيأكد النطق، بالقبطي والعبري والعربي .. اليوناني والعبراني والعرباوي كلهم نطقوها زاي الأصل المصري المكتوب بالحرف الهيروجليفي.

بتغنيها منيرة المهدية:

أسمر ملك روحي، يا حبيبي تعالا بالعجل

العجلة من أهم اختراعات الإنسان، ارتبطت بالحضارة!

ومن أهم صور الشكل الأسطواني اللي بيقوم بدور العجلة، جذوع الشجر، اللي كانت وسيلة نقل الحجارة الكبيرة والمسلات والتماثيل!

العجلة موجودة مع بشاير وبواكير المظاهر الحضارية فمصر، استخدمها المصريين ف الزراعة والعمارة، قبل ما تنتشر مع العجلات الحربية والعربيات الكارو!


2021 /11 /21





1184

ساح .. سياح .. سياحة



ساح = مجموعة أبراج نجمية اسمها الحالي أوريون، أو الجوزاء!  
كوكبة مجموعة اوريون دي، بنشوفها بوضوح مع بعضها، بس أنوارها متداخلة  
وسايحة مع بعض كأنهم نجم أو كوكب واحد، عشان كده اتصرف من الإسم المصري  
للنجم "ساح"، تصاريف بالكنايات:

سح: الحوض سح، يعني فاض

الواد "سح" عياط

ساحح: الغيط ساحح

سايح: وبالتصريف العربي "سائح"، ومنها وزارة السياحة

سواح: الأغنية اللي بيغنيها عبلليم:

سواح وماشي ف البلاد سواح


سياح: غيطان البراري

ساحة: ميدان كبير فضا واسع

2021 /11 /21



## بلل .. مبلبل .. مبلول .. وبال .. بول



الره واللام كأنهم كأنهم حرف واحد، والكاتب القديم لاحظ الحكاية دي، فبدأ يستعين بصورة الأسد عشان تعبر عن التصريف بالشقلبة بين الره واللام.

نقرا الكلمة مع إعتبار الره متشقلبة مع حرف اللام:

يبيل/ يوبال = اندفاع تيار الماية/ طرطرشة الماية

يعني ده الجدر اللي اتصرف منه:

بلل/ مبلول، يعني مرشوش أو مليون ماية

مبلبل، وصف للحاجة اللي دخلها ماية، أو مخلوطة بالماية!

يعني زاي الممثل الكوميدي اللي طلب يبيل إيدو بشوية ماية مبلولين!

كناية "بلبله" الفكر، يعني خلط الأمور وتشويش الأفكار!

كمان "البليلة" يعني القمح المبلول!

وكمان: وابل من الماية، ووابل من الرصاص

وأثاري تصريفة "بول" كمان من نفس الجدر

كتب التفاسير بتحدد معنا كلمة "وبال" بالأمطار الكثيفة المتواصلة:

"فذاقوا وبال أمرهم"

فأخذناه أخذا وبيلا"

2021 /11 /15



## شرع .. شارع .. شريعة .. مشروع



**Gardiner's list codes**  
M8-G1-Z4:D21-O29:Y1-O1  
**Transliteration**  
**šr**  
**Translation**  
Gate, lodge, keep, prison


التصارييف اللي ف العنوان كلها من نفس الجدر "شرع"!  
 بمخصص المكان سور البيت!  
 الجدر الأصلي للتصارييف دي من الحفظ .. البوابة اللي بتحفظ البيت!  
 الـ "شراعة" اللي بتحفظ الخصوصية، ف مدخل باب البيت!  
 الـ "شارع" اللي بيحفظ تنظيم البيوت، وفيه مداخلها!  
 الـ "شراع" اللي بيحفظ توازن وتوجيه المركبة .. لـخ!  
 الـ "مشروع" اللي هنبداه، وداخليين فيه كأنه بوابة لعمل كبير .. لـخ!  
 كمان الـ "شريعة" لأن من معاني الـ "شرع"؛ بوابة أو مدخل للأحكام!  
 الـ "تشريع" مدخل تنظيم العلاقة بين الحاكم والمحكوم!  
 الـ "مشرع" اللي بيحدد صياغة نصوص "التشريعات"!  
 الـ "شرعية" القانونية، والدستورية، والدولية .. لـخ!

2021 /11 /10



1187

عبد .. عابد .. معبود




نطق وتصريف كلمة "عبد"، من الأساس، ملوش وجود ف كلام المصري القديم، إلا ف معاني قريبة من الجدر اللي ف الصورتين دول:

عبت/ عبد = طقوس وشعاير دينية للجنابة/ الملتزم بنمطية الطقوس!

لاحظو رمز البيضة، مخصص العشق المقدس (المقدسات)!

● إنما بتطور الإستخدام، الشخص الطقوسي النمطي ده، بقا وصف للتابع!

عبد = خدام/ تابع/ مرافق















ملتزم أه، تابع أه، خدام ماشي، مفيش أي مشكلة، ما هي كانت وظيفة ولسة موجودة لدلوقتي، وإن كنا بنحاول نذوقها، ولو بترجمة انجليزي أو فرنساوي، جارسون أو تي بوي، إنما "عبد" يعني مملوك ملكية تامة زاي الأدوات والعقارات والحيوانات، ده شئ غريب وشاذ، مصر معرفتوش إلا مع الإحتلال الهكسوسي!

● مصر مش مسئولة عن تصريف الجدر المصري لمعاني معرفتهاش مصر!

2021 /11 /10



سأل .. مسئولية .. تسول

ser |—| , |—| , |—| , P.  
 III 6, B 26, |—| , Rec. 31, 170, ,  
 |—| , |—| , Metternich Stele 78,  
 |—| , |—| , Rev. II, 147, |—| ,  
 |—| , |—| , Jour. As. 1908, 309, to  
 announce, to dispose, to arrange, to order, to

الجدر: سر (سل) = طلب/ أمر

بالتصريف، الره بنتشقلب مع اللام

ولاحظ إن الكاتب المصري ساعات يستخدم رمز الأسد، عشان يوضح إن الكلمة أقرب  
 لـ لهجة اللام البحرأوي من لهجة الره الصعيدى.

طب، الره بنتشقلب مع اللام كتير؟

شوف كده:

فلق/ فرق - فلت/ فرط - لغو/ رغي - الآخر/ راخر - شالوم/ شارام - تحويل/ تحوير

- الجدر (سر/ سل)، اتصرف منه إيه؟

سأل وسؤال ومسألة!

مسئول ومسئولية ومسألة!


حتا التسول والمتسولين، اللي بيسألوا الناس، أو "تسول" له نفسه!

2021 /11 /8



1189

عبري .. عابر .. عبيرو



"عبرو" أو "عابيرو" = آسيويين سريحة/ عمال بالأجرة .. لخ!  
دي ترجمة وتفسير الاسم المصري للعبرانيين، دلوقتي كتاب العالم بيتجاهلوه، وبيحاولو يلاقو تفسير للإسم، من كتبهم وحواديتهم القديمة، ويقولك أصل اسمهم "عبرانيين" عشان عبرو نهر الفرات، نهر مين يا سيدي؟ وايه المعجزة ف عبور ترعة؟ ترعة بنفس المعنا الحرفي للكلمة، وفيه كمان أماكن ف الترعة دي ممكن واحد ينطها، زاي القناية، ترعة نطها أو عبرها قبلهم وبعدهم آلاف وملايين!  
مصر القديمة عرفت العبرانيين ف صورة عمالة آسيوية متنقلة ومؤقتة!  
يظهرو ف مواسم العمل الجماعي، زاي عمال التراحيل اللي كانو مبيظهروش الا ف مواسم جمع القطن والخضار والفاكهة بالإيدين!  
المصطلح المصري لـ "عبرو" بيفسر المسار التاريخي للقبائل العبرانية، اللي رافقت العشائر الهكسوسية ف التسرب والإحتلال، وبعد الطرد من مصر اتشردو التشريدة اللي بنو عليها مظلوميتهم، ومن ضمن التشاريد ورود جماعات منهم للعمل المؤقت!

2022 /11 /7



1190

دين .. ديان .. ديانة .. ديوان



الجدر المصري اللي ف الصورة من مرحلة الكتابة بالحرف الهيروجليفي:

ديون/ ديونو = عطية to give

شوف كده اللي اتصرف منها:

○ دين: سلفة (بنلتزم بردها لشخص)

○ دين: عقيدة (بنلتزم بيها قدام الرب)

○ الداين: العاطي

○ المديون: اللي بيستلف

○ الديان: الرب العاطي

○ ديانة: أصحاب الحقوق

○ ديانة: ملة

○ ديوان: دايرة تسجيل الالتزامات

2022 /11 /6



1191

ظبط .. مضبوط



الكلام المضبوط

الحكمة يعني الكلام العاقل المضبوط!

جدر الحكمة = زبوت (ظبوط) wisdom!

تصريفة إسم المفعول: مضبوط!

المقاس مضبوط/ الشاي مضبوط/ الوصفة مضبوطة

واللي بيحفظ الأمن والنظام: ظابط/ أيوة تمام، بالظبط!

2022 /11 /5

[Ramy Samir Farag Mina](#) ممكن كمان تكون أصل كلمة معرفة ف مختلف اللغات

زاي: Savoir سافوار في الفرنسية Sapere سابير في الإيطالية

[Samy Harak](#) لو الآر لاحقة، يعني مش من أصل الكلمة، تبقا دي تصاريف من نفس


الجدر المصري، لأنها كلها ف نفس دايرة المعنا

[Ramy Samir Farag Mina](#) الآر الأخرانية ف كافة الأفعال الأوروبية هيه لواحق





## حين .. حيائي .. متحين .. أحيان



علامة الراجل اللي علا راسه رمز السنين، ورافع ايديه الإنتين لفوق، رمز للملايين،  
 الخير الكثير، الوقت الطويل .. لخ!  
 يعني الحروف المصرية، مش مجرد صوت، دي لازم يكون ليها معنا!  
 الجدر "حن" = كثير / عديد many  
 اتصرفت منه كلمة "حين"، يعني مهلة/ وقت طويل/ إستراحة كبيرة .. لخ!  
 حين ميسرة .. من حين لـ حين .. أحيان  
 وكناية عن الزمن القديم: "من حين"، يعني من زمن طويل!  
 عشان كده اتحولت "حين" لأداة: ظرف زمان!  
 وكمان اتصرف منه تعبير "التحيين"، للشخص اللي عنده أو جاله خير كثير، يقولك:  
 سيبه أصله "متحين" النهاردة!  
 والصوت العالي، يبقا الصوت: "الحيائي"!

2022 /11 /4



1193

دوري .. دوران .. دورة




در = تحديد منتظم/ ترسيم بانتظام/ تخطيط محدد .. لخ!  
حروف الحركة لازم تتجرب، يعني ممكن نقرا الكلمة دي:  
داري/ دوري/ ديري، ونبقا لسة ف حدود الجدر، ومنقلناش للتصاريف:  
دايرة: شكل هندسي منتظم ومحدد  
دوران: حدود مدورة  
مدور: متحدد بشكل الدائرة  
دور: (وقت) نصيب متحدد بوقت  
دور: (مكان) طبقة متحددة ف العمارة  
دوري ودورة: (كروية) أو نبطشية الميكروباصات والسواقي زمان.  
دورة: (دراسية) لمدة متحددة  
دورة: (مياه) مكان متحدد (مخصوص) ف البيت

2022 /11 /3

ياسر سعد نصرها كمان...مدار (مدار الساقية).



Heri-ka  the son of Shu and Tef-nut, i.e., Geb.

فيه شخصية حقيقية ف الميثولوجيا المصرية، إسمها كده:

"حر-كا"، ابن الهوا "شو" والندا "تقنوت".

إسمه مقصود بيه = صورة الهوا المحسوسة، التيار أو الحركة!


المخصص صورة طفل، عشان كده القاموس استنتج إنه ابن لـ "شو"، وأظن المصري القديم مكنش يقصد المعنا الحرفي، إنما الكناية بمعنا إن إبداعاتك وعمالك كأنها ولادك وبناتك، عشان كده نقول: "بنات أفكاره" يعني إنتاج تفكيره!

يعني الإسم: حرك، تصريفة من الجذر المصري "حركا"، يعني حركة الهوا! ولأن الأسامي -ف اللغة المصرية- دايمن هيه المصدر والجذر اللي بتتصرف منه الأفعال والصفات وأسامي الفاعل والمفعول.

يبقا سهل نستنتج إن إسم الجذر المصري "حركا"، بيتصرف منه الأفعال: "يحرك/ إتحرك/ بيتحرك/ حرك"، وإسم المفعول "متحرك"، وإسم الآلة "محرك"، والصيغ "حركة" و"تحريك" .. لخ!

2021 /11 /2

[Ghada Magd](#) هيه دى اللي جه منها: فلان دا حرك

[الحاج بشير منصور](#) وكل "حركة" وفيها بركة 



## ولاية .. ولایا



بس يا "ولاية"!

دلوقتي بيز علو من كلمة "ولاية"، لأنها معناها دلوقتي سلبي = الست الضعيفة! لو يعرفو بقا معناها الأصلي مش ممكن يزعلو، لأنها من الجدر الهيروجليفي اللي ف الصورة: "ورت/ ولت" = عظمة، وصف العظيمات والأميرات والملكات! ونفس الجدر، من غير ته التأنيث، شرحناه مع الجدر: "ور/ ول"، اللي اتصرف منه "ولي" أولياء الله، و"والي"، ومنها كمان: "ولاية" وجمعها "ولايات"! هنا البوست مخصوص، لأن المعنا السلبي اتخصص -بس- للستات! رغم المعنا السيئ اللي ف استخدامنا لكلمة "ولاية" انما فيه آثار من معناها الكويس الإيجابي ف كلامنا لغاية دلوقتي، أما بيقولوا لو واحدة: عيب يا ولاية! هنا مستحيل يكون المقصود سلبي، لأن اللوم والعتاب يكون علا أد المكانة والمحبة أو العشم، يعني يقولو: "عيب يا حاج"، "عيب يا مولانا"، عيب يا حضرة" .. لخ، لأن مش منتظر من قدرهم وشخصياتهم المحترمة عمل العيب!

2021 /10 /30



1196

## هدوم .. هدمة



### Gardiner's list codes

O4-G1-D46-G17-B1

### Transliteration

*hdm*

### Translation

A goddess

### #الهدوم هوية؟

- الهدوم اللي بتلبسها بتحدد -بشكل كبير- الطريقة اللي هيعاملك الناس بيها!
  - الهدوم اللي بتلبسها بتحدد -بشكل كبير- شخصيتك ووظيفتك!
  - الهدوم اللي بتلبسها بتحدد-بشكل كبير- إجابة سؤال: مين ده؟
- كلمة هدوم تصريفة مصري، من جذر مصري قديم، إسم النثرة "هدم/ هاديم"، بتظهر مرات بسيطة ف مهرجان قديم، اسمه مهرجان المخيط (منخيت/ مخيت)، اللي بيختارو فيه هدوم الكهنة وعمال مؤسسة البربا!

2021 /10 /28

[Hanna Nada](#) وبتقال فلان مهندس أو فلانة مهندمة بمعني حسن المظهر


[Tarek Khairat](#) ما عنديش غير (( الهدمة )) اللي لابسها !!!

[Maggie Hakeem](#) ازاي لحد النهارده ماعندناش "هدمة" قومية تمثلنا ف المحافل والمناسبات الدولية أو المحلية مع إن مصممين الأزياء المصريين نجحوا ف عمل هدوم حلوة للمشاركين ف موكب المومياوات؟



1197

رفعة .. رفعت .. رفيعة .. رفاعة



ف الأفلام القديمة، نسمعهم يقولو:

رفعة الباشا، رفيعة هانم .. لخ!

شوفو جدرها من مرحلة الكتابة بالحرف الهيروجليفي:

رفعت/ رفعت = نبيل/ شريف/ ابن ناس .. لخ!

مخصص البيضة المقدسة، بيوضح إرتفاع المكانة، "رافع" و"مرفوع" و"رافعة"!

عشان كده فيه أسامي كتير متصرفة من نفس الجدر:

رفعت ورافع ورفيع ورفيعة ورفعية ورفاعة ورفاعي .. لخ!

وأشهر مقرئين القرآن، اللي بيميز أيام رمضان بقرايته قبل الفطار:

الشيخ/ محمد رفعت!

2021 /10 /28


دعاء طوليس بيقا اكيد برضو اسم رفاعي واللي هوه متاخذ منه اسم (رافائيل - Raphael) كلها متاخذة

من نفس الأصل المصري!



1198

شاكب راكب



مصطلح شعبي، معناه دلوقتي = بكل حاجة/ بكل المشتملات/ بكل التفاصيل .. لخ!  
يعني ساعة الإتفاق ع البيعة تلاقي الجملة دي طلعت!  
شاكب راكب

جدرها اللي ف الصورة من مرحلة الكتابة بالحرف الهيروجليفي:  
شكب ركب = فوق وتحت

لاحظو إن الجدر القديمة بيتصرف بزيادة حروف الحركة (أ/و/ي)، أو بالشفقة (تبديل صوت حروف المخرج الواحد)، أو بالخفنة (تبديل مكان الحروف)، أو بالبوادي والنواهي والإهمال .. لخ!

كمان من نفس الجملة نقدر نفرز الجدر "ركب" لوحده، يعني فوق، اللي بيتصرف منه أسامي وأفعال وصفات:

الركوب والركاب والتركيب والمركبات والمراكب والمركوب .. لخ!

2021 /10 /21





مصطفا تصريفة بإسم المفعول من الجدر المصري "ستپ" = اختيار/ انتقاء  
كاتب الحرف الهيروجليفي اختار وسيلة تصنيف وتقسيم كهنوتية اسمها "ستب/ سطب"،  
عشان تكون المخصص اللي بيقرّب معنا!  
الكاهن اللي بيستخدم نفس الأداة "ستپ" معروف بإسم  
"سم"، واتصرف من إسمه:



"سام" و "سامي" و "سامية" و "سومية"!  
من تصاريف الجدر "ستب":

- "ستف"، يعني رتب وصنف واختار .. لخ!  
كل الحكاية ان البي الثقيلة بتنشقلب دايم وتبدل مع  
الفه، كأنهم حرف واحد "ستپ/ ستف/ صطف!  
تستيف الكلام، يعني ترتيب أسبابه وحديثاته!  
تستيف الأوضة، يعني ترتيبها وتنضيفها!  
● التصاريف: اصطفا/ يصطفي/ موصطفا .. وبإهمال الطه: صفاية/ مصفاة!

2021 /20/10



1200

قبس .. كبس .. كبش



**Gardiner's list codes**  
N29-D58-S29-Z9:D40  
**Transliteration**  
*kbs / kʒs*  
**Translation**  
To bind, to tie

قبس من نار / قبس من نور

قبضة أو كبشة أو ربطة .. لخ!

السين والشين ف تبادل أو شقبة بالتصريف

القابس، يعني مفتاح النور اللي بيوزع الكهرباء، تدوس عليه تاخذ كبشة وتقف!

واقتباس، حاجة يعني تقليدها، تاخذ كبشة من شكلها أو لونها أو طعمها!

كابس وكباس ومكبس!

كابش ومكباش وكبشة!

تقول قبسة .. تقول كبسة .. تقول كبشة، كلها تصاريف من كلامنا المصري الأصلي!

2021 /10 /13

[Nabil Hamed](#)

هناك معدات وادوات واكسسوارات تم تسميتها لقيامها بهذه الوظيفة :

كوبشة / كوبس = رباط / مقبض

الكوبشة بتاعت زراير الهدوم، والكبشة بتاعت المطبخ، والكوبس بتاع النور.



1201

## جنة .. جنينة



### Gardiner's list codes

W11:N35-W24&G43-

M3:Z2

### Transliteration

gnw

### Translation

(tree) branches

جنو = فروع/ أغصان/ تشبيكة الفروع والأغصان!  
دي الجدر اللي اتصرفت منه كلمة "جنينة" ف كلامنا المصري الحالي، والفلاح اللي بيهتم بالجنينة ويرعاها اسمه: جنايني!  
القرآن باعتباره مصدرنا الأساسي لـ اللغة العربية، بيقدم تصاريف "جنة" و"جنات" من نفس الجدر، بمعنا المزرعة أو الغيط الكبير اللي فيه شجر فواكه:  
(وجعلنا فيها جنات من نخيل وأعناب)  
اتذكرت ف القرآن 66 مرة بصيغة المفرد "جنة"، و96 مرة بصيغة الجمع "جنات"،  
والمعنا الأصلي: أرض متغطية بالزرع والشجر!  
وكمان التصريفة المهمة "جنة" بمعنا : (جنة الخلد التي وعد المتقون)  
منها أسامي: "جنة" و"جنات" و"جنان"

2021 /10 /10



1202

براوة .. برافو .. Plus



الجدر المصري "برو"، بالتصريف يبقا "براو"، وبالنهاية الطبيعية حسب العادات اللغوية المصرية، قفلة المد (الألف والواو واليه) بالهه، تنقا: براوة! التصريف اللاتيني تبديل وشقلبة الواو مع حرف القهي!

◇ المصري الحالي: براوة

◇ الطلياني: برافا/ برافو

◇ الفرنساوي: برافو

المعنا ف الجدر الأصلي = زيادة/ كثير أوي/ فضلة خير .. لئخ!

2021 /10 /9

[Billy Samir](#)

Plu

Più

Plus

اكتر / اضافه/ جمع



1203

صلاة .. اتصالات .. مواصلات



الصلاة مش مجرد حركات!

الجدر المصري "سرت"، بيتصرف بالشقلبة (ر/ل)، يبقا "صلة"، و"وصلة" ومنها  
"اتصال"، و"مواصلات"، وكمات "صلة"!  
"واصل" و"موصول" وأدوات "الوصل"!

صلة القرابة/ صلة الرحم

سرت/ سلة/ صلة = بلاغ/ بيان/ مناشدة/ توضيح .. لخ!

يعني اللي بيصلي بيتصل بربنا عشان يبلغه ويبين ويناشد ويوضح حاجته أو شكوته أو  
ضعفه، وكافة طلباته!

2021 /10 /6

شريف السركي

سرة .. السين التعدي.. والراء للتنجيل .. المعنا : ما يصعد بالآخر لمرتبة الألوهية .  
الصلاة ترتقي بالإنسان وتسمو به فوق البشر الآخرين، بالطبع سرة المصرية بقت صلة  
الآسيوية

بكدة نفهم معنى الصلاة على النبي.



سمير .. سامر .. سميرة .. زميل .. مزاملة



التعبير عن المصاحبة والمرافقة أو الصداقة الدافية (الحميمة)، عبر عنها المصري القديم بالجذر المكتوب بالهيروجليفي: "سمر"، بمعنى = رفيق/ صديق/ زميل .. لخ!

وبالفعل اتصرف من الجذر ده كلمة "سمير" و"سامر" و"سميرة" و"كمان بشقلبة طبيعي بين السين والزين طلع منها كلمة "زميل" و"زميلة"، وتعبير "المزاملة" ف الدراسة أو الشغل، وكمان مصطلح بيعرفه الفلاحين اللي بيدورو جمعية تعاونية بينهم ومقايضة لقوة العمل اسمها بارضو "مزاملة"، يعني أشغل ف أرضك يومين وتردهملي بارضو يومين!



سميري زميلي/ طلعت رضوان

آخر ثلاثين سنة من عمري صاحبت ورافقت فيهم ثلاثة من أهم الناس اللي عرفتهم ف رحلة حياتي الشخصية، وف مجال الكتابة والفكر الخاص بدراسات الهوية المصرية بقو الثلاثة من أهم حراس الهوية المصرية!

الثلاثة بترتيب رحيلهم وتغيير عناوينهم، من الأحدث ف تاريخ الوفاة:

● طلعت رضوان: (1942 - 2021 / 10 / 2)

النهاردة ودعنا السميع الزميل الأستاذ الكبير/ طلعت رضوان، بعد رحلة كلها شرف وطيبة وكرم ف أكتوبر 2021/ بابيه 6263.

● بيومي قنديل: (1942 - 2009 / 10 / 8)

وكان السميع الزميل الأستاذ الكبير/ بيومي قنديل، ودعنا بعد رحلة طويلة مع الثقافة والصحافة والأدب ف أكتوبر 2009/ بابيه 6251.

● محسن لطفي السيد: (1926 - 2009 / 3 / 4)

السمير الزميل الأستاذ الكبير/ محسن لطفي السيد، ودعنا بعد مشوار كفاح وطني وعلمي واجتماعي وسياسي وثقافي طويل، ف مارس 2009/ برمهات 6250.

لأن المسامرة والمزاملة هيه أدق ف الوصف لصحبة الفكر، ورفقة طريق حراسة الهوية، وصدق النوايا والتجرد للفكرة.

الثلاثة دول (طلعت وبيومي ومحسن)، حسب ترتيب صورهم، قامو بدور كبير ف توجيه عقول وقلوب المصريين ناحية الهوية المصرية!

احساسى إن رسالتهم الشريفة وصلت، ومجهوداتهم الكبيرة بتظهر نتايجها من زيادة عدد المثقفين اللي موجهين بوصلة اهتماماتهم -دلوقتي- ناحية مصر وهويتها!

2021 / 10 / 2



1205

حد .. حدانا .. حدود .. تحديد .. محدود




المفرد حد، والجمع حدث = مجموعة/ فريق  
معرش إن كان لسه حد بيستخدم أسلوب الجمع "حده"!  
- سعيد حداكو؟ يعني مع مجموعتكم (جمعكم)  
حداكو يعني عندكو، والأدق حسب الجذر الأصلي: معاكو/ مع المجموعة  
- حدش مشغول البال؟ حدش فيه عنده سؤال؟  
ومن قواعد الضمير الـ 42:  
أنا لا أفسدت ولا أرهيت حد!  
أنا لا اعتديت ولا عورت حد!  
عمري ما قصدت أزعل حد!  
2021 /9 /30

[Atef Elshikh](#) حدش شافااف .. ما حدش شاف/ منير مراد  
[Abu Shady Hassan](#) حدانا في إسكندرية . كلام قديم شوية و جديد:  
دستور .. فيه حد عندكو ؟ - حد الله بيني و بينك - حد السكين - بيحد الأرض



1206

تونا



من جذور الأسامي المصري القديمة، إسم شجرة أو حشيشة كبيرة (عشبة)، إسمها (تونا/ تونه)!

كان فيه حاجات متسمية علا اسمها، اللي فاضل دلوقتي:

✕ إسم عزبة "تونة الجبل".

✕ إسم عزبة "نزلة تونة".

ومنسوب لهم أكثر من عيلة، منهم البطل الأولمبي خضر التوني والممثل محمود التوني والمذيع سمير التوني، والرسام حلمي التوني، وغيرهم.

الصديقة مرفت عبد الناصر، أسست فـ "تونا الجبل" قرية اسمها "هرموبوليس"، نموذج للبيوت المصرية القديمة، وبتحاول تطبق فيها نماذج الحياة والفكر المصري، يعني قرية وعيشة بروح مصر!

2021 /9 /28





1207

مشط .. مشاط .. تمشيط



**Gardiner's list codes**  
G17-N37:V13  
**Transliteration**  
*mšṭ* مشط

---

**Translation**  
Decorated headband

مشط = تزيين الرأس

الجدر الهيروجليفي "مشط" متصرف منه:

"المشط"، الأداة اللي بنسرح بيها شعرنا

"تمشيط" الشعر، يعني تسريحه وتزيينه!

"تمشيط" الأرض، كناية تنقية وفرز الحجارة والحطب من الأرض!

"الماشطة"، واحدة ست محترفة بتقوم بتزيين العرايس والسئات!

المشاط، مهنة صنايعي الأمشاط!

أقدم أمشاط أثرية من العضم، موجودة ف المتحف المصري

بارضو كده، مجرد وجود واستمرار الاسم ف نفس دايرة المعنا القديم، يعتبر زاي


العلامة التجارية، بالنسبة لصناعة الأداة، والمهن المرتبطة بنفس الأداة!

يعني توثيق الجدر "مشط" مفيد ف اللغة، وكمان ف حفظ الحقوق المادية والمعنوية

للمصري القديم ف اختراع أداة التجميل والتسريح الأثرية "مشط".

2021 /9 /28





مستشفيات مصر تلاقي فيها قسم علاج العيون، إسمه: "الرمد"! كلمة "رمد" اللي بنستخدمها دلوقتي بمعنا (متصلة بالعيون/ خاصة بالعيون)، متصرفة من الجذر اللي ف الصورة من مرحلة الكتابة بالحرف الهيروجليفي:

رمت rmt = بصر/ رؤية .. دموع

الكلمة هنا بمخصص رسمة العين، من غير أي حروف، نموذج لبداية الكتابة ف مصر والعالم، رسمة من الطبيعة بتعبر عن الصوت والمعنا (الرسم البياني)! كمان بيتصرف من نفس الجذر:

"لمطة/ لمضة/ لندة" تصاريف من نفس الجذر، قبل ظهور تصريفة لمبة. اللي من جيلنا فاكرين قبل دخول الكهرباء للبيوت، أيام اللمض الجاز، كان فيه مقاسات منها: نمرة خمسة ونمرة عشرة، حسب الإستخدامات العادية، وفيه منها الكلوب للحفلات، والوناسة السهرائية لمداخل البيوت! الشاعر ابن عروس سجلها ف مربعاته اللي بيغنيها شاعر الربابة:

○ زماننا زمن الكلوبات


○ "لمض" الصفيح بطلوها

2021 /9 /28



1209

منفحة


<b>Gardiner's list codes</b> Y5:N35-Q3-V28-X1:F51
<b>Transliteration</b> <i>mnph</i>
<b>Translation</b> Udder

المنفحة، اسم لحايتين، لسة موجودين ف صناعة الجبنة!  
 (منفحة): كيس كان بيتعمل من جلد الحيوانات، وأحسن نوع منه اللي بيتعمل من جلد  
 ضروع البقر والجاموس، المنفحة البلدي دي كانت ستات البيوت بتخض اللبن فيها،  
 وتطلع منه جبنة وزبدة!  
 (منفحة): خلاصة سائلة من معدة الحيوانات، بتساعد ف تخمير اللبن، عشان يبقى جبنة،  
 وده السبب ان مخصص الكلمة بالهيريوجليفي، عبارة عن بذرة، يعني خميرة!  
 جدر الكلمة من مرحلة الخط الهيريوجليفي: منبحة/ منفحة = ضرع (ثدي) حيوان!  
 أهو كده معنا العلامة التجارية بتاعت الجبنة، ولازم نستثمر المعلومة دي ف تسويق  
 أنواع مخصوصة من الجبنة المصري!  
 فيه أكثر من خمسة وعشرين إسم هيريوجليفي لـ اللبن، بحالاته المختلفة، سايل ومتصنع،  
 جبنة وقشطة وزبدة وسمنة ومرتة .. لخ، تعدد أسامي وأصناف الجبنة!  
 الهوية مش لغة وفن وثقافة بس، الهوية كمان صناعة وزراعة وانتاج!

2021 /9 /20

[Mahitab Mostafa](#) احنا محتاجين نوثق مطبخنا المصري. بلاد كتير بتوثق اكلنا  
 التراثي على انه مطبخهم!



## شجرة .. شكلة .. إشكال .. مشاكل

**Gardiner's list codes**M8-G1-W11-G1-Z4:D21-  
Z1-M3**Transliteration***šgr / šꜥgr***Translation**

Lockable chest, coffer

الجدر "شجر"، بمخصص فرع شجرة، وبمعنا تشبيكة الفروع، وتكعيبة ورق الشجر، اتصرف منه كناية إسم النباتات اللي بفروع كبيرة: "شجر" و "أشجار"!  
الإسم الرسمي للشجر من مرحلة الكتابة بالحرف الهيروجليفي = عرو crw اللي بيتصرف منها "علو" و "عالي" وإسم جنة الآخرة المتحولة بالشجر "عالو"، ودول مشروحين ف بوست مستقل، إنما الحالة الخاصة بالبوست ده، حالة تشبيك وتقفل فروع وورق الشجر، بقا كناية عن "الشجر" نفسه، وكمان بالتصريف بقا كناية عن الصدمة والقفلة بين الناس، يعني الـ "مشاكل"، ولو تحب توقف وتصدم الإجراءات ف المحاكم، لازم المحامي يعملك "إشكال" ف التنفيذ!

لأن أما الكلام بيقل، والود ينقطع، ويمتتع التفاهم والذوق، بتتمد الإيدين وتتشبك ف "شكله"، يعني خناقة!


حتا التصريفة العربي "شجار" محافظة ع الكلمة من غير شقلبة للحروف!  
وف القرآن الكريم: "فلا وربك لا يؤمنون حتى يحكموك فيما شجر بينهم"

2021 / 9 / 19



1211

وحا .. توحية



دي تصريفة من الجدر اللي ف الصورة "حي"، ملهاش علاقة بالحياة، ولا بالوحي والإلهام ولا حتا بالحيا يعني الكسوف -حسب المخصص- لااكن، ليها علاقة بالأذية والضرب والتعذيب والعنف!

أما تكره أو تعادي حد (فرد أو جماعة) تقوم "توحي" عليه حد يئذيه ويعنفه!

حي/ حيا - حوي/ وحا = ضرب/ قمع/ كتم/ سيطر .. لخ!

2021 /9 /16


[عبدالستار عبدالفضيل ابوزيد](#)

احنا في الريف بنستخدم كلمة حي بنفس المعنا القديم ... مثلن جدتي لما كانت تلقاني بعذب كلب أو قطة كانت تقول بالفصح كدا: ( ايه اللي وحاك ع القطة الضعيفة دي ) و بنستخدمه كمان لما يقولو فلان وحي (وحا) عليه فلان بمعنى أمره يعذبه ووالدتي لسه بتستخدم الكلمة دي لغاية دلوقتي بنفس المعنا لدرجة إنها لما كنت از عليها تقول: ربنا يوحى عليك، يعني ربنا يعذبك



1212

ساحل .. ساحلية



**Gardiner's list codes**  
S29-V28-D2:D21-N31  
**Transliteration**  
*shr*  
**Translation**  
Tumour, lump, abscess

الساحل الشمالي، ناحية البحر

ساحل الغيط، ناحية الترعة

الساحل، مكان بارز من البر، عكس الشارم (الخليج)، مكان بارز من البحر!

الساحل كل مكان داخل ف البحر أو النهر أو الترعة!

جدر كلمة "ساحل" من مرحلة الكتابة بالحرف الهيروجليفي:

سحر = بروز / نتوء / ورم

بمخصص المكان

شقلبة الره واللام طبيعية وبتكرر، كأنهم حرف واحد، والمفروض أي جدر قديم بحرف

الره لازم نجرب نطقه مع بقية حروف المخرج الواحد، يعني اللام والنون!

2021 /9 /14


[Amar Almazaly](#)

الموضوع أصيل ومأصل، جدي ليه أرض إسمها أرض الساحل، مع إنها ف المنوفية!



1213

إن



"إن" = يقول/ بيأكد/ بيقدر .. لخ!

"إن" الله مع الصابرين، آية من القرآن الكريم

القرآن الكريم اللي بيمثل خلاصة اللغة العربية، وأهم مصدر ليها!

العجيب بقا، إن ألفاظ الآية دي كلها من جدور مصرية أصلية:

• "إن" تأكيد للكلام، وفكلامنا الحالي أداة تأكيد.

• "الله" لفظ الجلالة، جدره (rc) من اسم رع (تصريف رع + أداة تعريف إر/ إل).

• "مع" جدرها مصري باللفظ والمعنا (mc)

• "صبر" جدرها المصري من إسم مشروب مهدئ ومسكن قوي (sbr)، بيعرفه

العطارين لغاية دلوقتي، وبمعنا طولة البال (spr)

ف أول جزء من الكتاب، مع قواعد النحو، هنلاقي الأداة "إن" مشتركة ف أكثر من جملة،


وأهمهم جملة الشرط وجملة التوكيد وجملة التهديد .. لخ!

2021 /9 /11



1214

## كد الشعر .. كداية



دي صورة قطعة أثرية من عصر نقادة، يعني بين ٣٥٠٠: ٣٣٠٠ ق.م!  
كلمة "كاد" اسم المشط، مش اسم صاحبتة.

عشان كنا بـ "نكد" شعرنا، ومنه تصريفة الكد = التسريح!  
أظن دي قطعة نادرة ومهمة لتاريخ الكتابة ف العالم، لأن الكلمة وحروفها كاملين وبنفس  
الشكل والمعنا المتواصل بعد كده ف عصور ازدهار فنون الكتابة!

2021 /9 /5

[Ibrahim Hassan Elsheewy](#) روعي يا بت ... "كدي" شعر اختك



1215



## بغاشة .. حلوة .. باسطة .. كنافة .. بسبوسة



- البغاشة أكلة حلوة لسة موجودة ومعروفة ف المطبخ المصري بالإسم والوصف، بس مش ف الصدارة زاي ما كانت زمان!
- المطبخ المصري محتاج يصحح، واللي شغالين فيه محتاجين شوية معرفة، عشان يصونو ويرفعو قيمة المطبخ المصري، ف مواجهة المنافسة والسرقة والتزوير!
- ف كل ثقافات العالم، المطبخ الوطني جزء أساسي من الهوية الوطنية!
- ف المرحلة دي محتاجين كلنا – المهتمين بدراسات الهوية المصرية- نوضح رموز الهوية الوطنية، وإنها مش بس ف اللغة والهدوم والأعياد والموسيقا والعلوم والمهن والمنتجات والمحاصيل .. لخ، انما كمان ف أسامي ووصفات المطبخ المصري اللي محتاج حماية حقوقه ف مواجهة مطابخ كتير من الشرق والغرب!
- عشان مطولش عليكم، هأقدم لىكو من جذور اللغة المصري، سبعين جذر، لأسامي أصناف مصرية قديمة -معظمها لسة موجود- تحت بند الحلويات:
- ملحوظة 1: تأصيل إسم الصنف، أضمن طريقة توثيق لحقوق الملكية.
- ملحوظة 2: الجذر المصري حسب نطق قاموس الهيروجليفي، مع أقرب تصريفة!
- ملحوظة 3: التحلية كانت بالعسل أو التين أو عصير العنب أو البلح، مع مقادير مختلفة من الدقيق أو السمنة أو البيض أو اللبن أو القشطة، حسب الطريقة:
- 1. خريت (خليط/ خريط/ خرطة/ مخروطة).

2. حرت (حلت/ حلية/ حلاوة)
3. رحس (لحس/ لحوس/ ملحوسة).
4. كات-إرطت (كاتلطة)
5. عبر (عبورة/ عبِل/ معبلة)
6. عجس (عجز/ عجوزة)
7. دب (دوب)
8. بغسو (بغشو/ بغاشة)
9. بيات (بياض)
10. نستى (نزيت/ نزوة)
11. مسق (مصق/ مزج/ مزاج/ مزيق/ مزيج)
12. غسورت (غزورة)
13. صماتع (صوماتا/ صومات/ بق-سماط)
14. أس (أز/ أزأز)
15. أح
16. مرر (ملالا)
17. بايت
18. باكباك (بوكبيك)
19. باريري (باليلي/ بليلة)
20. باغ
21. باج (فاج/ فادج)
22. باقعو (فاقوع/ مفقع)
23. باق (بوق)
24. وحات (وكات/ وىكا)
25. وتمم ((أوتما/ أتما)

26. طط (طوط/ طوطيا)  
27. فقا (فجا/ فوجة)  
28. جع (جاع/ جوع)  
29. جعب (صعب)  
30. شاشا (شوشة)  
31. خريس (كربز/ كلبظ)  
32. اباشتوش (بشطوش/ بسطوس)  
33. إدات (إدبت/ ديدة)  
34. إدنت (إدانة)  
35. أبت (أبة)  
36. باشاتا (باساتا/ باسطا)  
37. قاقات  
38. قجج (قاجوجا)  
39. قبن  
40. نسب (نرب/ نراب)  
41. نبات (سكر نبات)  
42. شعيت (شهية/ مشهي)  
43. شمدو (شمدو/ شمودة)  
44. شنيو  
45. هني (هني/ هنيية)  
46. ششرت (زشرة)  
47. سخوت (سكوت/ ب-سكوت)  
48. بعث (بوعة)  
49. بات (باتيه)

50. بيسا (بيزا/ بيتزا)  
 51. سبحت (صبة)  
 52. سخن (سخين)  
 53. غريت (جريت/ جراية)  
 54. جابرت (جابرة/ مجبورة)  
 55. شنس (شنص)  
 56. محت (محتوتة)  
 57. حكن (حنك)  
 58. كسبتي (كوسب)  
 59. جاب  
 60. جوا (دوا)  
 61. تتو (توتو)  
 62. وخا  
 63. خد (خدي / خد-الجميل)  
 64. خفع (كفع)  
 65. خنفو (كنفو/ كنافة)  
 66. خنب  
 67. خنبور (كنبور)  
 68. سانشت (زانشة)  
 69. بسبس (بسبوسة)  
 70. كاحج/ كاعك (كحك/ كعك)  
 2021 /8 /22



صورة .. تصور .. تصوير .. مصوراتي



يعني إيه صورة؟

- عرض لشكل معين!

- بيان شكل معين!

جدر كلمة صورة من مرحلة الكتابة بالحرف الهيروجليفي:

"سر" / صرو / صورو = عرض / بيان / إظهار

الكلمة فيها حرف واو، القاموس مكتبهاش!

مخصص الزرافة، اللي بتشوف وبتصور برقبته الطويلة من أوضح نقطة تصوير!

صورة طبق الأصل

تصور أو رأي فموضوع

تصوير المذكرات والمستندات

واللي بيقوم بعملية التصوير: مصوراتي!

استوديو "التصوير" كان مكان مهم أوي قبل ما تظهر الموبايلات!

2021 / 8 / 20



1217

سنفر .. سنفرة .. زنفل



سنفرة يعني ترويق وتنعيم بقصد التجميل والتزيين والتزيق!  
ده جدر السنفرة، من مرحلة الكتابة بالحرف الهيروجليفي: سنفر = زينة/ زخرفة  
كمان بالتصريف، السين بتتشقلب مع الزين، والره بتتشقلب مع اللام، تبقا "زنفل"  
فيه مهن كتير انقرضت أو خدت أسامي جديدة، يعني كان فيه واحد مهنته "جساس"، ده  
كان بيقوم بدور السونار بالنسبة للبهائم، بيمد إيده ف بطن البقرة أو الجاموسة ويعرف إن  
كانت معشرة ولا لسة!  
كمان كان فيه مهنة اسمها "الزنفلي"، ده الشخص اللي كان بيخلق للبهائم ويقلم الحوافر  
ويقوم بدور البيطري!

2021 / 8 / 19

[Abobakr Essa](#) شكرا، ف منطقتنا عائلة الزنفلي ولم اعرف المصدر  
[Yousry Bohy](#) مساعد رشدي أباطة البيطري ف فيلم آه من حواء اسمه: زنفل  
[Samy Harak](#) ده بالظبط دور الزنفلي .. حلاق الصحة بتاع البهائم!



1218

بيتزا .. بيتسا



تخيلو كده واحد بيته اتسرق، وف التحقيق ولاده وأحفاده يشهدو ضده، ويقولو للظابط إن الحاجة دي مش بتاعتنا، دي حاجات الباشا الحرامي!  
البيتزا والكحك والبسكوت والشعرية والكنافة والبليلة والبسبوسة والكشري والبقلاوة والكشك .. إلخ، كلها حاجات مصرية، توثيق إسمها مش ممكن تلاقيه إلا عن طريق  
جدور اللغة المصرية!

الفطيرة كان اسمها: بيسا/ بيزا  
الرومانيين صرفوها: بيتزا/ بيتزا  
لسة كتير من المصريين بينطقوها بالسين: بتسا!

2021 /8 /18


[Emad Wahdan](#)

يبسس العيش..يبسس الدقيق ..بسيسه..اشتقاقات



1219

نتاية .. نت .. أنثا .. أثينا



تصريف من كلامنا الحالي. جذرها من إسم أقدم نترات الزمان:

نيت/ نيث

الوحيدة اللي اتوصفت بأنها والدة رع!

\* ربة حرب، وربة حماية، وربة صيد

رمزها "نت" يعني شبكة، بقا شعار مجاني لماركة عالمية ذهب ونضارات!

\* ربة نسيج وحامية للنساجين ولها عيد مخصوص بتعرض فيه أنواع المنسوجات والأنوال الجديدة!

\* اتصرف من إسمها إسم ربة الحرب اليونانية "أثينا"، حسب كتاب الأمريكي مارتن

برنال "أثينا السوداء"!

وكمان من إسمها التصريف العربي "أنثا"!

وبرضو اللاتيني خد رمزها "نت"، ووصف بيه الشبكة، اللي منها شبكة الانترنت "نت"!

2021 /8 /11

[Billy Samir](#) نيت .. نترو النسيج و النسيج و النساجين..

نيتنج knitting يعني غزل ونسج بالانجليزي





## مياصة



N35:X1\*Z4-U1-G1-S29-D55

nty m3s

## Kneeling pose (dance position)

وفيه -بارضو- رجالة مايصة!

جدرها "ماص" = ركع/وطا/فلقس/فنس .. لخ!

إن اللي كاتبها يقصد يوصف واحد (بتاع مياصة) حلنجي أو منافق!


يضحك عليه/ بينافقه بيخدعه/ بينقل له صورة وهمية .. الخ!

بالتأكيد منها الأغنية الشامية:

قدك "المياس" قد مالا، لحنك الفتان قتالا

1221

بوطة



الجدر المصري القديم من مرحلة الكتابة بالحرف الهيروجليفي:

بز = بز

بالعربي = ثدي

بالمصري = بز

بالكسوف = صدر "صدر"!

الجدر "بز"، اتصرفت منه كلمة "بوطة"، ليبيبييه؟

- عشان الشبه اللي بين لون لبن البز ولون ماية البوطة!

يعني البوطة مشروب مصري قديم، وممكن نعتبره مشروب وطني! خد كناية بإسمه

الجديد: "بوطة"، مع إسمه القديم: "حنكت"!

2021 /8 /10



1222

شق .. شقة .. مشقوق



أصل شقة يعني حلقة أو وحدة أو حطة من حابة!  
زمان مكناش نقول كلمة سندوتش ، كنا بنقول شقة فول، شقة طعمية، شقة بطاطس، شقة  
جبنة .. لخ!

- خد معاك شقتين تاكلهم ف الفسحة!  
العمارة بتتكون من شقق، عشان جدر الكلمة عبارة عن حلقات من عامود واحد!  
يبقا الشقة "شاقو" أصلها حلقات، واتصرفت لاسم شقة العيش، والشقة اللي بنسكن فيها،  
وكمنا الشق اللي ف الحيطه!  
زود عليهم بقا تصريفات الأفعال شق وبيشق واسم الفاعل شاقق واسم المفعول مشقوق  
والصيع "تشقيق" و"مشق" .. لخ!

2021 /7 /31

[Ahmed Seliha](#)

.Shqifah in Hebrew = shaqftt " battekh" . Watermelon slice



1223

تابوت .. تبت .. متبت



تصريفة "تابوت" إسم النعش!  
وجمعها توابيت، زاي التوابيت الحجارة اللي مزينة متاحفنا ومتاحف العالم، وساهمت  
ف توصيل رسائل جدودنا عن أصل الوجود!  
تابوت، جدرها من المصري القديم بالحرف الهيروجليفي:  
دبت/ دبوت = قفص/ تقفيسة/ صندوق  
بارضو الكلمة الأصلية فيها واو (و) والقاموس اتجاهلها ف النطق وكتب "دبت" بس!  
الته بنتشقلب مع الدال ف نفس المكان ونفس الزمان -بسبب المخرج الواحد- فما بالك بقا  
أما يختلف المكان ويمر الزمان؟  
تابوت "توت-عنخ-آمون"، موجود ف المتحف المصري!  
تابوت العهد، اتحفظت فيه ألواح النبي موسا، حسب التراث اليهودي!  
من كلمة "تابوت" تصارييف: "تبت" = قديم أزلي، و"متبت" متمسك بالقديم!



1224

لبوة .. لبوة



**Gardiner's list codes**

D21-D58-Z7-M17-M17-  
F27-Z3A

**Transliteration**

*rby / rw 3bw*

**Translation**

Lioness

مرات الأسد اسمها لبوة


بالتصريف العربي "لبوة"، بس المصريين محافظين ع النطق الأصلي للكلمة!  
ومنها كناية تبقا شتيمة، أو مغازلة، حسب الحالة!

بالمناسبة اللبوة لها دور كبير ف الميثولوجيا المصري!

مرة نلاقيها نثرة اسمها "تفنوت/ تفنوة" رمز الرطوبة  
والنعومة، مرات الهوا "شو"، يعني جدود أول سكان الأرض  
ف التاسوع!

مرة تانية نلاقيها بنفس الهيئة ف صورة الشرسة العنيفة  
"سخت"، ودي أهم صورة لـ "اللبوة"، قوية الشخصية  
واضحة الرأي، حسب أسطورة "هلاك البشرية"، أما بتعترض  
علا ضعف "رع" ف معاملة الشعب لدرجة ضياع هيبة الملك  
والحكم، وبتسيب القصر، وتغيب ف أحراش أفريقيا!

2021 / 7 / 19



1225  
غاية .. غية



كل حركة لها غاية، كل فعل له غاية  
كل انسان له ف النهاية "غاية"، وف الطريق يعني ف مراحل حياته، ممكن يبقا له طلبات  
أو رغبات أو "غية"!

"انتا اسمراني جميل .. لك (غية) ف الموايل"

- غايته إيه؟ يعني الكلام ده يوصلنا لإيه؟

الغاية ف مفاهيمنا الحالية، يعني الهدف، أو النتيجة!

- جدرها منين؟

"غاية" تصريفة من الجدر المصري "غات" = منجم/ كنز!

منجمك وكنزك، قرارك الخاص وهدفك الغالي ونيتك المدفونة!

ف الفلسفة، مبدأ اسمه: "علم الغاية" teleology









كل حاجة لها هدف أو "غاية"!

عكس مبدأ ثاني اسمه: "المبدأ الآلي"، يعني الحركة الروتينية من غير هدف أو غاية!

2021 / 7 / 19



جمل .. جملي .. جمال .. camel

kam'âar, kamâl   
  
  
 camel ; plur.   
 P.S.B. 12, 83 ; Heb. , Syr. , Arab.  
 جَمَل, Eth. ገመል ; Copt. ⲕⲁⲙⲁⲣⲁⲗ,  
 ⲕⲁⲙⲁⲣⲁⲗ. The word   
 has also been regarded as a plural of  
 kam'âar, and read kamaliu.

الجمال حيوان صحراوي، عرفه المصريون من قبل ما يظهر العرب، وكمان إدوه إسمه  
 العالمي الحالي، فمعظم اللغات، بما فيها العربي!  
 توثيق إسم "جمل" من الدولة الحديثة، وبالتحديد عصر "تحتمس الثالث"، قبل ظهوره ف  
 الأرامي وملحقاته العبري والعربي بكثير!

الإسم: جمل

المهنة: جمال

اللحمة: جملي

اللي حابب يتعمق أكثر، يشوف المصدر: Zeitschrift fur Agyptische Sprache  
 .und Alterthumskunde. Leipzig. 4to. Vol. i, 1863. In progress

2021 /7 /18



1227

عدل .. تعديل .. عدل .. عزال



من الأوصاف الدقيقة للجواز، ف كلامنا المصري الحالي "العدل"، وبتنتطق "عادل"،  
يعني تكافؤ!

\* الجدر المصري اللي ف الصورة معناه ف دايرة المساعدة الواجبة، والأدق المساعدة  
المحسوبة الموزونة المناسبة، بمخصص القوة والإلزام!

عشان كده التعبير الدقيق؛ "ربنا يعدلها لك" دعوة بالجواز المناسب!

- العدل، بفتحة العين والذال، مساعدة واجبة من الطرفين ف الجواز!
- عشان كده نقول: دول الاتنين عدل واحد، أو عدل بعض، يعني مناسبين!
- ويبقا العدل، بكسرة العين والذال، السليم الموزون، بمساعدة اللي حواليه!
- أما التعديل، يعني محتاج تدخل ومساعدة للطريق الصح والخط السليم!
- ويبقا العزول والعازل والعوازل والعوزال، اللي عاملين أنفسهم بيساعدو!
- حتا "عزال" العروسة، يعني أدواتها اللي حتساعدوها!

2021 /7 /15

[Ashraf Ayoub](#) اعتقد منها وصف فلان عدل فلان، وصف فلان بيعدل علا فلان، ومنها أسامي:  
عديلة وعدلات ومعدل وعدلى وعادل .. لخ!





1228

شحتف .. شحتفة .. متشحتف



### Gardiner's list codes

S29-V28-R4:X1\*Q3

### Transliteration

*sḥtp*

### Translation

Propitiate, please,  
pacify, satisfy (em-  
ployees), provide (for  
temple), make gracious  
(to)

الشحتفة، استرحام واستعطاف

- بس بقاء كفاية شحتفة!

جدرها اللي ف الصورة:

سحتپ = استرحام/ استعطاف

طبقو قواعد التصريف اللي بنكررها كل ما تيجي مناسبة.

السين بتتشقلب طبيعي خالص مع الشين، كأنهم حرف واحد:

شمس/ شمش/ سمس - سجرة/ شجرة .. لخ!

كمان البه، خصوصن البه الثقيلة (پ) بتتشقلب وتتنطق كأنها الفه!

- مالك؟ متشحتفة ليه؟

- انتي اللي مشحتفاني وراكي!

2021 /7 /13



1229

ياما



### Gardiner's list codes

M17-G17

### Transliteration

*im*

### Translation

There, therein,  
therewith, therefrom,  
among, about, in, on

فلوس ياما، أراضى ياما، خير ياما، بنعبر بكلمة "ياما" عن إيه؟  
- الحاجات الكثير؟ ولا الحاجات الموجودة؟ ولا الحاجات اللي حوالين الموضوع ده؟  
الشاعر اللذيق مرسى جميل عزيز، ف أغنية الصبوحه "بستاني يا بستاني" بيقول:  
جابولى الحرير هندي ولولى وحاجات من دي!  
أهو التعبير الخطير ده: "حاجات من دي"، هو أقرب حاجة تعبر وتترجم معنا تصريحه  
"ياما" حسب أصلها من جذرها اللي فى الصورة بالحرف الهيروجليفي.  
ونسلم مرسى جميل عزيز وهو بيعيد وبيكرر الـ "ياما" مع أم كلثوم:  
ياما .. ياما كنت أتمنا أقابلك بإبتسامه، أو بنظرة حب، أو كلمة ملامه.  
السر فى ثبات تصريحه "ياما" من الجذر "يام"، وجود نفس الكلمة بنفس التصريف فى معنا  
مجازى أو كناية من طول وعلو شجرة النخل، لأن النخلة العاليه = ياما *im3*


2021 / 7 / 12

[الحاج بشير منصور](#) يا ما عيون شاغلونى لكن ولا شغلونى



1230

صم .. تصميم .. صمام .. زم .. زمام



الصم يعني اللصق أو اللزق!

احفظها صم = الزقها فمخك


ومن هنا تصريفة "تصميم" ف التصميم ع الحاجة، وتصريفة "صمام" أمان!  
الجدر أصله من أقدم شعار ولقب ملكي، مع ظهور أول دولة مركزية ف الوجود!  
أول شعار قامت عليه الدولة اللي إتأسست ف مصر، من عهد حور:

سما-تاوي/ سما-طاوي/ صما-طاوي/ زما-طاوي

حور، أو حورس، كان أول ملك لدولة (7500 ق.م بالتقريب) وحدت الأرضين!  
يعني توحيد الأرضين وتأسيس الدولة سبق (ميناء/ نعر-مر) بكتير!

طب إيه الدليل؟

- للأسف مفيش دليل مباشر من الآثار، إنما فيه  
ثلاث قرابين بالتحديد! أول قرينة: أسطورية:  
حدوتة الصراع الأوزيري، اللي بتنتهي بحكم من  
أعلا محكمة بتولي حور حكم مصر!



**Gardiner's list codes**  
F36-N16:N16  
**Transliteration**  
*smꜥ tꜣwy*  
**Translation**  
Uniting of the Two  
Lands (a ritual)

تاني قرينة: أثرية: الشعار اللي بيرمز لتوحيد الأرضين، اللي اسمه بالنطق الإصطلاحي (سما-تاوي)، انما ممكن ننطقه (صم-طاوي) زاي ما تقول لواحد احفظها صم، ويبقا معناها = لزق الأرضين، وممكن ننطقها (زم-طاوي)، يعني نزمهم أو نجمعهم! عرفنا معنا ونطق الشعار متأخر، انما المفاجأة ان الشعار ده كان أهم شعار، ومبيحصلش عليه الا الملوك اللي ليهم تأثير ف توحيد البلد بعد أزمة كبيرة! أحمس الأول حصل ع الشعار ده، وكمان أمنحات، وطبعن (مينا) موحد الأرضين، إنما المفاجأة إن أول واحد اتوصف بالوصف ده، كان حورس (حور ابن است)! تالت قرينة: أثرية: قوائم الملوك كلها، من حجر وبردية باليرمو، للوح الجدود ف أبيدوس وسقارة، بتبدأ باسم حور! وحجر باليرمو مش بيذكر الإسم وبس، انما بيوصف حور الـ (سما-تاوي)، يعني موحد الأرضين!)

الشعار ف المتاحف، منحوت علا تماثيل أهم ملوك مصر! أرض مصر قسبة هوائية برنتين، مربوطين بزهور البردى واللوتس! الأجل ان اللي عليهم مسئولية الحماية، والحرص ع الوحدة، ميبين؟ - الخصمين اللدودين: حور وسوت، الحكومة والمعارضة! شعار أبدي حتمي، شعار الوجود للمصريين: شعار لازم يتعلق ف المكاتب والبيوت:

صم-طاوي = إيد واحدة!

2021 / 7 / 11


2019 / 9 / 29

[Ashraf Ayoub](#) فيه قرية السمطا بحرى، والسمطا قبلى، مركز دشنا - قنا [عاطف عزت](#) الشعار ده موجود ف مدخل معبد الاقصر ع اليمين واننا داخل، وكمان موجود ف معبد الكرنك.



1231

أبض



أبض يعني شهر، وأبض يعني أول يوم ف الشهر  
وأبض يعني حفلة أو عزومة أو لمة كل شهر  
طب ليه بقولها "أبض" مش "أبد"؟ لأن التصريف حتمي، وأضمن لتقريب المعاني!  
الموظفين لسة بيعتبرو يوم إستلام المرتب أول يوم ف الشهر، هو يوم الأبط "أبض"،  
بتأثير الجدر المصري القديم!  
أنا عارف إنني عملت أكثر من بوست عن الجدر ده، منهم واحد الفيسبوك بيفكرني بيه  
من سنة ٢٠٠٩، انما كل بوست منهم كان الشرح من ناحية جديدة!  
النهاردة الشرح من ناحية حكاية عيد الشهر، يعني أما أي حد بيعمل مراجعة لدراسته أو  
شغله كل شهر، وأما أي تاجر يجرد بضاعته كل شهر، وأما أي مدير بيعمل اجتماع  
للموظفين كل شهر، كأنه بيحتفل بالتقليد المصري القديم!  
الإحتفال والإجتماع كل أول الشهر، ولمة العيلة ف عزومة أو أي أكله هنية تكفي مية،  
عادة وعيد جميل من رموز الثقافة المصرية.

2021 / 7 / 5



1232

سرية .. أسيرة .. تسرية .. تسلية .. تسالي



قريت ان المفكر الكبير سيد القمني قال: ان المصريين عمرهم ماخدو ستات أسارى!  
صحيح إن مناظر الحرب اللي ف الآثار المصرية مفيهاش أسيرات!  
وقوايم المأسورين ف الحروب الكبيرة، لتحتمس الثالث ورمسيس الثاني ورمسيس  
الثالث وغيرهم، مفيهاش ستات خالص!  
إنما مع نهاية الأسرة ٢٦ بيظهر المصطلح اللي ف الصورة، بمعنا أسيرة!  
وبالمناسبة معرفش القاموس تجاهل الشرطتين اللي بعد السين ليه؟  
سيرتي .. أو .. سرتي .. ويتصرف منها: أسيرة .. و سرية!  
واحدة أسيرة حرب  
وواحدة مأسورة بحبك  
أما السرية -بالتصريف العربي- يعني الجارية اللي بتخدم مزاج الخلفا والسلاطين!  
يتصرف منها كمان: تسرية وتسلية وتسالي!

2021 /7 /4



1233

حقي وحقق



لو بنتكلم بالحق والعدل والمعدل، هنلاقي المصري القديم أساس كل الأصول!

المعاملة والتجارة بين الناس ف الزمن القديم، كانت إز زاي؟

كانو ببيدللو مع بعض، يعني تاخذ شكاره غلة، وآخذ شكاره بصل، أو العكس!

تاخذ عجل بقري أو جاموسي، وتديني شوالين قمح .. لخ!

المبادلة كانت أقدم صورة للمعاملة بين الناس، وأما ظهر صور ثانية، بارضو فضلت  
المعاملة ف كل العصور، ولغاية دلوقتي موجود صور للمبادلة، زاي المزاملة ف شغل  
الغيطان، أشتغل معاك يومين عزيق وتنضيف الأرض، وتردهم يومين ف ضم ولمة الغلة  
وتعبية المحصول .. لخ!

أجرة عمال الزراعة كانت من المحصول، تعبية شوكر، ومنها كلمة "شيكارة"، وكمان  
الـ "شكر"، يعني الأجرة أو المقابل!

جدودنا سجلو صور ثانية للمعاملة، زاي السحتوب النحاس، والسبايك المخلوطة، زمن  
الدولة القديمة، ف الأسرة الخامسة والساتة!

الخضار والفاكهة واللحمة والسلك، لهم تمن بالسحتوب أو بالسبيكة، حسب قيمة كل  
حاجة والعرض والطلب!

ف الدولة الحديثة، وبالتحديد زمن الملك أمنحتب الأول، بتظهر عملة واضحة وصريحة، لها وزن وقيمة من معدن الفضة -اللي ف الصورة- اسمها "حج" والجيم سوا كانت متعشة أو جافة، بتتصرف بالشقبة الطبيعية مع القاف والهمزة، يعني تقول "حاي" أو تقول "حقي" أو ترجعها لأصلها "حجي"، كلها من جذر واحد، معناه = فلوس فضة! المرتبات بتاعت الموظفين كانت بتندفع بعملة الـ "حج"، وأجور الكتبة والنحاتين والفنانين كانت بتتقيم بنفس العملة "حج"! يعني أما تسمع واحد بيقول: عايز "حقي"، متستغريش، ده واحد بيطالب بأجرته أو أتعبه أو مرتبه!

نفس الفلوس الفضة "حج" ظهرت -بعد كده- وعليها صور ملوك مصريين، زاي صورة الملك "بسماتيك"، يعني شكل كامل للفلوس اللي بنعرفها دلوقتي، انما بالوزنة، يعني قيمة العملة حسب وزنها!

اليونانيين ظهر عندهم -لأول مرة- عملة شبه عملة الـ "حج"، اسمها "دراخمة"، وبدايتها كانت بالظبط زاي الحج، يعني بالوزن، إنما ف عصر الإسكندر اتأسست إمبراطورية كبيرة، ف اتطورت عملة الدراخمة، وبقت كأنها عملة دولية، بقا العالم كله بيتعامل بيها، وبقت قيمة العملة بالحجم، مش بالوزن!


صحيح عملة الدراخمة، اللي بقا اسمها ف منطقتنا "درهم" لها الفضل ف تطوير العملة من سبيكة ووزنة لقيمة بالحجم واتطورت بعد كده وبقا مكتوب عليها قيمتها، إنما أصلها الحج والسبيكة والسحتوب المصري الأصلي!

2021 /7 /4





## تحويجة .. متحوج



كان فيه أكل محوج، ومشاريب متحوجة، يعني منضاف ليها نكهات وأعشاب  
مخصوصة ويطقوس معينة ف المناسبات!  
دلوقتي مشهور البن المتحوج والقهوة المتحوجة!  
جدرها "حوج" = وجبة طقسية جنازية!  
2021 /7 /1

· [Yasmen Mohamed Ali](#)

حوجها لي تحويجة وصاية كانت بنتقال للعطار عشان يظبط الخلطة


[Ahmad Ramdan](#)

التحويجة كما تفضلت توليفه الكماليات اللى بتدى كل كائن أو شىء هيئته الخاصه شكله  
المميز إحساسه الذاتى بالاكتمال، ومن غيرها يبقى الكائن أو الشىء فى الدرجة الأدنى،  
تحويجة الراجل فلوسه على سبيل المثال، تحويجة الست جمالها ..الى بتتباها بيه قدام  
الناس وخش بقا علا تحويج الأكل والشرب وخلافه.  
محتاج ومحتاجه وحاجه وحاجتى ومحوج ومحويج



1235

## مطرح .. طرح .. مطرحة .. طرحة


<b>Gardiner's list codes</b>
G17-X1:D21-V28- G43&Z4
<b>Transliteration</b>
<i>mtrḥ</i>
<b>Translation</b>
Unknown

"مترح"، كلمة احتار فيها الخواجة

لأنه مسمعش المصريين بيوصفو شقة بانها عبارة عن:

مطرحين وعفشة ماية!

ولاسمع وصف المحصول بأنه "طرح"!

وبالتأكيد ميعرفش إسم أداة المناولة للفرن البلدي "مطرحة"!

صحيح ان كل حالة منهم لها جذر، حسب المعنا المطلوب، كلها من الاستقرار:

مطرح يعني مكان للاستقرار، والطرح رمي واستقرار المحصول ع الأرض، ومنه

الطرح ف الحساب، وأما المطرحة من الجدر "رح" استقرار ف ولعة الفرن!

أكيد الخواجة مكنش عنده استعداد يتشحط بين التصاريح دي كلها عشان يعرف معنا

التصريف القديمة، ريح دماغه وقال: مش عارف!

ومطرح ما تروح وياك

طب ليها علاقة بإسم مدينة "مرسا مطروح"؟

بيقولو ان فيه واحد إسمه "مطروح"، ومحدث عارف هو مين!

بس اللي يفكر ف الإسم يلاقي "مرسا مطروح" عبارة عن كلمة ومعناها، متكررة  
بتصريفتين أو لهجتين مصري أصلي:


"مرسا" من الرسو والاستقرار، و"مطروح" مكان الإستقرار!

2021 /6 /29

[Noha El Ebiari](#)

بعد إذن حضرتك لأنني باحب اخبز .... مطرحة اعتقد بالبناء علا تفسيرك تعني مكان  
استقرار العجين لان عجينة العيش المصري سائلة جدن والمطرحة لما بنحط العجين  
عليها بيستقر ونحركه بيستقر وبيأخذ شكله وبنقدر ننقله للفرن.... لأنه من غيرها  
ماينفعش نتحكم فيه على عكس العيش الغربي اللي عجينته بتكون متماسكة.

[Seham Saneya A-Salam](#)



**Gardiner's list codes**  
V13-Z7-D21-Z1-F18:Y1-  
D19-G37  
**Transliteration**  
*twrh / trh*  
**Translation**  
To mock

والإجهاض اسمه بالبلدي طرح "الحمل ما  
كملش، طرحته، لكن هل للجرر ده علاقة  
بالطرحة والتطريحة بتاعة الستات؟

[Samy Harak](#)

[Seham Saneya A-Salam](#) الاجهاض طرح  
من نفس الجدر، إنما طرحة العروسة وطرحة  
الفلاحة وتطريحة الستات عموم من جدر ثاني  
هنزله ف التعليق إللي جاي لوحده

طرح = زيف .. باعتبار التغطية تزييف للحقيقة والواقع!


[Soha Mohammed Ali](#)

مطرح ماتقول وياك



1236

جزء .. أجازة .. جز .. قص .. قصة



جدرها المصري اللي ف الصورة

جز = حنة/ نص/ جنب .. لخ!

تصريفة "جزء" مصري أصلي!

وحتا بمعنا part time

واتصرفت منها أجازة

- خدنا أجازة

والجز، يعني جز صوف العنم

كمان بيتصرف منها الـ "قص" و "قصقصة" الشعر، ومنها الـ "قوصة" جزء من الشعر

بينزل ع القورة، و "قصاقيص" القماش اللي بتفيض من تفصيل الهدوم، وتبقا الـ "قصة"

بالشكل ده عبارة عن حكاية صغيرة، أو جزء من الحكاية!.

2021 /6 /25

[Hythm Shraby](#)


منها ( جز ) الصوف أو الشعر يعني قص أو قطع .

( جز ) على اسنانك ...



1237

اقرا .. قراية .. قراءة



توت .. تحوت .. تحوتي .. جحوتي

\* رب الكتابة، بس؟

\* مخترع الكتابة، بس؟

كمان رب القراية .. التلاوة!

من طقوس وشعاير تحوتي: إقر

قداسة الإسم "إقر" انعكس ع التصاريف!

اتصرفت منها أفعال وصفات القراية بكل تصاريفها المصري والعربي:

قراية .. قراءة .. قرآن

القارئ والمقرئ

ونعمل كل شهر "مقرأة"!

2021 /6 /22



1238

دكر .. تدكير .. ذكر .. مذكر



المنصب ده عايز دكر!

الست دي طلعت دكر!

● الدكورة صفة ممكن تتوفر ف الراجل وكماف الست!

● يعني الدكورة وصف للشخصية، مش مجرد وصف عضوي!

جدر الدكورة من مرحلة الكتابة بالحرف الهيروجليفي:

● دقر = فارض/ ملزم/ مجبر .. كامل الشخصية .. طاغي الحضور!

ولاحظو إن أصلها زاي ما بنطقه بالقاف "دقر"، مش زاي ما بنكتبه بالكاف!

تدكير النخلة، يعني تلقيحها بحبوب الدكورة!

2021 /6 /21



1239

ميثاق .. وثيقة .. توثيق .. ثقة




كلنا -تقريبين- بنقول "ميصاق" بدل "ميثاق" الرسمي!  
وكلنا -تقريبين- بنقول "وصيقة" بدل "وثيقة" الرسمي!  
وكلنا -تقريبين- بنقول "صقة" بدل "ثقة" الرسمي!  
وبارضو بنقول "صق" وصقوق بدل "صك" وصكوك، الرسمي!  
لأن جدر التصارييف دي، وغيرها، من أقدم مراحل اللغة المصري، المكتوبة بالحرف  
الهيروجليفي: "صق" = تجميعية/ جمعية gather/ assemble  
يعني الميصاق والوصيقة هوما اللي بنجمع فيهم معلومات ومصالح، وبنحط فيهم أساس  
لتجميعية العلاقات والقواعد، وكلنا الـ "ثقة" اللي بنجمعها ونحطها فـ شخص أو حاجة،  
وكل أملنا يكون أو تكون محل لـ "ثقة" أو الـ "صقة" زاي ما بننطقها!  
ده حسب الجدر المصري، وبارضو التصارييف اللي كلها مصري، واللي انتشرت فـ  
معظم لغات المنطقة وغيرها!

2021 /6 /17



1240

صبي □ صواب ؟ تصويب ؟ صوبة



**Gardiner's list codes**  
S29-N14:01-D58  
**Transliteration**  
sb3  
**Translation**  
School

☆ اسم قديم للمدرسة "صبا"!

لأن المدارس كانت ثلاث مراحل حسب السن:

(1) صبا + (2) عت-صبا + (3) بر عنخ

المرحلة الأخيرة دي زاي الجامعة، بيت الحياة اللي بتخرج الطلبة للحياة، والمرحلة الوسطانية زاي الإعدادي (عت)، ومرحلة الصبا للبداية، زاي الحضانة والابتدائي.

☆ صبا مقصود بيها الحضانة اللي بتحضر الطلبة لغاية ما يتعلموا!

ومن مفهوم الصبا الحضانة اتصرفت كلمة صوبة، حضانة النباتات!

☆ ومن دور المدرسة ف تشكيل وتصويب المفاهيم، اتصرف الصواب!

☆ تلامذة المدرسة صبايا وصبيان واللي بيتعلم حرفة إسمه الصبي!

2021 /6 /16

2021 /5 /21

Billy Samir صبي/ صبيه = طفل في مرحلة التعليم .. حلو ده





1241

دبس .. دبوس .. دباسة



"دبس" = وخز أو طعن، حسب الجذر اللغوي المصري من مرحلة الكتابة بالحرف الهيروجليفي، بمخصص استخدام الشدة/ واحد بعصاية! بيتصرف من الجذر ده:

"دبوس" بنشبك بيه الورق والهدوم!

والأداة اسمها "دباسة" اللي بندبس بيها!

وفيه تصريفة اسمها "تدبيس" يعني توريط (كناية)!

والورق متستف ومتنظم، لأنه: "متدبس" كويس!

2021 /6 /14

[Ahmed Eissa](#)

فعلم فيه سلاح قديم اسمه "الدبوس"، وده شكله مدبب زاي الحربة وله إيد خشب، وطوله حوالي خمسين سم.



1242

هاني .. هين



كل اللي إسمهم هاني، يجمعو هنا  
تفتكرو حد كان يتوقع إن "هاني" تصريفة إسم من صفات وزير (أوزوريس)؟  
مفاجأة، مش كده؟

2021 /6 /8

[Seham Saneya A-Salam](#)


[Hany Riad](#)، [Hany Abd El-Naser](#)، [Hany Taher](#)، [Hany ElMetennawy](#)، [Hany Hassan](#)

[شريف السركي](#) أستاذنا الغالي، الأصل المصري هنا "هن" .. والهن هو السهل البسيط السلس ...  
فالربط هنا ما بين الأصل المصري والمشتق الحالي حيكون مع "هين" مش هاني .. والهون هو مسألة  
دقيقة وصعبة .. فالمسلم هين لين .. والمفهوم مش غضوب مناوئ بتاع مشاكل .. والمسائل الهيئة السهلة  
اللي مافيهاش لبش .. وربنا قال في سورة مريم "هو علي هين" .. يعني سهل مش مزعج ولا متعب.  
معظم المشتقات اللغوية المصرية من الجذر ده بتدور حول المعناه.



1243

اسمه "سوتي"، مسموش "ست"!




معرفش ليه إنتشر الإسم "ست"، كنا بنرده، حسب أساتذتنا ما كتبوه!  
النتر سوت أو سوتي أو سوتخ أو سوتغ أو سوتش، أخو وزير واست، عضو التاسوع!  
رمز الغضب والشدة والحسم ورد الفعل السريع المتسرع!  
وجوده أساسي مع حور لاعتماد مشروعية الحاكم!  
إسمه واضح ف النصوص الأصلية "سوتي"، بيتصرف منه "سوط" يعني عقاب،  
ووسيلة عقاب، ودي أقرب حاجة لوظيفته ف المجمع المقدس المصري القديم!  
كمان الإسم "سوتغ" اللي اتصرف منه "صدغ" و"مصدغ" يعني متتح، دماغه ناشفة!  
2021 /6 /8

[Soha Mohammed Ali](#) كنت بسأل نفسي، ازاي الاسمين دول فيهم تشابه؟ ست  
إيزيس وست أخوها، مع ان واحد بيرمز للخير والأسم الثاني بيرمز للغضب!  
[شريف السركي](#) ست إنتشر لأسباب ف أدمغة الخواجات، منها الهروب من علاقته  
بالسوتيين الموصوفين في التاريخ العراقي .. ودول حلقة وسيطة بين حقبة ما بعد  
الهكسوس وحقبة الآراميين ومنهم اليهود.  
[Ahmed Eissa](#) الصعايده لما يشوفو واحد بارد، يقولو: انتا صودغ!



1244

إش .. إش إش .. إشو



**Gardiner's list codes**  
M17-N37:D40  
**Transliteration**  
iš إش  
**Translation**  
Tear out, extract

جدور كثير من كلامنا القديم اتحولت لأدوات ربط وسؤال!  
والقاعدة ف كل لغات العالم إن الأداة أصلها كلمة، إسم أو فعل أو صفة!  
الجدر "إش" انذار وتنبيه وردع بالنزع والفصل!  
من تصاريف الجدر "إش" ف كلامنا الحالي:

إش/ إيش: إش جاب لجاب؟

إش إش: إش إش إيه ده كله؟

إشو: إشو يا عومااااا!


عومار يعني رحالة ، ومنه كلمة ""عومرة" يعني رحلة، ومنها إسم عمر!

2021 /6 /4



1245

## خرطوش



خرطوشة سجائر

بندقية خرطوش

لسة قاري دلوقتي بوست واحد كاتب فيه ان خرطوش كلمة فرنساوي!

حاجة عجيبة الفتي بسهولة رهيبه!

خرطوش يعني حزمة أو لبشة أو مجموعة .. لخ!

الخرطوش الملكي يعني الدائرة اللي فيها مجموعة حروف إسم الملك، والمصريين اللي

علمو الفرنسيين الكلمة دي، مش العكس!


ده ميمنعش إن الخرطوش الملكي كان له إسم ثاني:

الدائرة "شن" وحروف الإسم اللي مكتوب جواها: "رن"، ومنها:

فلان له شنة ورنه!

2021 /6 /4





عنتره من الهكسوس

نرجع لحكاية الحكايات، موسا وفرعون!

مفيش ف الآثار المصرية، لا موسا ولا فرعون!

ولولا حكايتهم اللي ف التوراة والقرآن مكنش حد جاب سيرتهم، لا بالخير ولا بالشر!

فيه دلائل لغوية عن وجود العبرانيين (عرب وعبر) والسبأيين ضمن عشائر الهكسوس

الأربعين عشيرة، وأهم الدلائل دي، تصارييف أسامي عدد من الملوك، لأن فيهم ثلاثة

يعقوب وخمسة "عنتره"، وشاول وشارك وباراك .. لخ!

خدو كلام وألقاب وأسامي من اللغة المصرية، زاي إسم الملك الهكسوسي اللي ف

الصورة، واتصرف منه إسم عنتره المشهور!

لو بنتكلم تاريخ وآثار، فيه عرب وعبر وسبأ عاشو ف مصر -مع عشائر الهكسوس-

حوالي تلتميت سنة، نصهم إستضافة وتسلل والنص الثاني إحتلال صريح!

وإن المدة اللي قعدها العبرانيين والسبأيين ضمن عشائر الهكسوس الأربعين، فيهم

حوالي عشر أجيال اتولدو وعاشو وكلو وشربو ونامو واستحمو وباعو واشترو .. لخ،

اثرث ف كلامهم الآرامي، وظهر بعد طردهم وسكنهم بين الشام واليمن والحجاز!

2021 /6 /4



1247

إزاي؟

## Translation

Be satisfied, be wise, be understanding

## Transliteration

s3l

إزاي؟ إستفهام بحكمة!

تصريف وشرح جديد، غير اللي ف الجزء الأولاني!  
من أهم وأميز أدوات السؤال المصري:

إزاي؟

وكم ان بتتنطق بتضعيف الزين!

إزاي؟

من أهم الأدوات اللي بتميز كلامنا!

يتهيألك انها بتقوم بنفس مهمة أداة السؤال: "ليه؟"

بس فيه فرق بينهم، نعرفه من الجذر "زاي" اللي بيتصرف "إزاي"!

دايرة معاني الجذر "زاي" عن الإستفهام بهدوء وحكمة!

أداة السؤال "ليه؟" للإستفهام بشدة وحسم يوصل للعنف why

أما أداة السؤال "إزاي؟" للإستفهام بهدوء وحكمة how

وإزاي إزاي إزاي .. أوصفك يا حبيبي إزاي .. قبل ما أحبك كنت إزاي يا حبيبي

2021 /6 /2



1248

كام؟



**Gardiner's list codes**

V31-G1-G17-D36-A2

**Transliteration**

*km*

**Translation**

How, when, what

الجدر واضح من الصورة انه "كام" مش "كم" زاي ما قفلها الخواجة.  
كام وبكام؟ وفين ومنين؟

أهم جملة فكل اللغات، هيه جملة السؤال!

لأن هيه دي الجملة اللي بتتشبع غريزة المعرفة عند الإنسان الطبيعي!  
أدوات جملة السؤال اللي كلها من جذور مصري أصلي:

- مين؟ سؤال عن إنسان! جذرها المصري: مين!
- إيه؟ سؤال عن المضمون! جذرها المصري: إي!
- نهوه؟ نهيه؟ نهون؟ سؤال عن الحاجات! جذرها المصري: نهي!
- فين؟ سؤال عن المكان! جذرها المصري: فين!
- منين؟ سؤال عن تفاصيل المكان! جذرها المصري: من!
- كام؟ بكام؟ سؤال عن العدد والقيمة! جذرها المصري: كام!
- إمتة؟ سؤال عن الزمن! جذرها المصري: إمتت!
- إزاي؟ سؤال الإستفهام والمعرفة! جذرها المصري: زاي!
- ليه؟ سؤال عن السبب! جذرها المصري: ر (ل) إي!


2021 /6 /1





1249

مضض



**Gardiner's list codes**  
G17-D36-I10&D46-  
Aa23-A24

**Transliteration**  
*md*

**Translation**  
Crush, press hard on,  
hit, strike (the mouth in  
funerary ritual)

علا مضض

تعبير مصري أصلي، منتشر ف مناطق نفوذ اللغة المصرية القديمة والحالية.

المضض هو الضغط والإجبار!

وافق علا مضض = وافق بالعافية

سكتنا علا مضض، يعني سكتنا واحنا كارهين السكات!

الجدر (مدجد) مضض = ضغط/ كره

ف الطب -بعض الدكاترة- يعرفو المضض إنه ألم ووجع، يعني يدوس بإيديه ع المنطقة

اللي بيشتبه فيها و"يمضض" المريض، يعني يحاول يحسسه بالألم ويوجعه عشان يجبر

المريض يظهر رد فعله ف نفس مكان الألم!

2021 /5 /31



1250

كشري



جدر وأصل الكشري  
كاشارو، زاي ما ف أصل الصورة، "كاشارو" مش "كشر"، زاي اختصارا القاموس  
بالنطق الخواجاتي الإصطلاح!  
الكاشارو، عيش بالدقة والشطة الحرافة، أو وجبة مخلوطة بالبهارات!  
عشان كده بنوصف أي خلطة للأكل، انها "كشري"، غير انها اتخصصت دلوقتي لتلات  
أو أربع وصفات لتتناويع طبخات الرز مع العدس!  
ده أصل الأكلة الوطنية: الكشري!  
الكشري، علامة متسجلة، من أربع عتلاف سنة، ميعرفش يسرقها، لا الهندي ولا الصيني  
ولا الإسرائيلي، مهما كتبو، ومهما زورو!  
اللي عاوز ينسب الكشري لمطبخه التراثي، يجتهد بقا ويروح يجيبنا كلمة متوثقة  
بطريقة أضمن وأقدم من الكلمة اللي ف الصورة دي، اللي متوثقة ف مصر -عشرات  
المرات- شاملة زمن الدولة القديمة والدولة الحديثة!

2021 / 5 / 23



1251

هايل .. مهول .. تهويل .. أبو الهول


<b>Gardiner's list codes</b>
04-G1-E23-Z1-M1-Z3A
<b>Transliteration</b>
<i>hrw</i>
<b>Translation</b>
A tree, wooded uplands
<b>Grammar type</b>
Noun

حروف ومخصصات معاني الجدر المكتوب بالحرف الهيروجليفي كلها بتقول إنه:

هال/ هالو = شجر عالي/ غابات شجر!

ولو احنا بنقراها صح، ونسيبنا من النطق الإصطلاحي: "هرو"، يبقا ده جدر تصاريف ومصطلحات كلام كتير كنايات عن الارتفاع والعلو والكترة .. لخ!

هايل وهائل ومهول وتهويل وهول

بصوت يوسف وهبي: ياللهول!

وسبب نجاح تصرفه إسم "أبو الهول"، من الأصل: "با-حور/ با-حول"، لأن المصري مش ممكن يقتنع بتصرف كلامه إلا حسب عاداته اللغوية ومن نفس جدوره!


2021 /5 /21

ماجد الحداد برضو يا استاذ سامي هرو جات منها هراوة وهو جذع شجرة ضخمة، حتى لو خدنا مخصص الشجرة بعين الاعتبار! رغم إن الأسد لام، بس التبدل بين اللام والره أمر طبيعي ومعروف!



1252

بز .. بزبوز .. بزازه .. بوز .. ابتزاز



الإحياءات اللي فالأغاني الشعبية، مش من فراغ!

دي من زمااان أوي!

كلمة "بز" من المصري القديم = رضاعة/ لبن الرضاعة/ وسيلة الرضاعة

نفس الكلمة اللي بنستخدمها دلوقتي، ومعرفش بقت عيب ليه!

انما لقيت ليها كناية أو معنا قديم = رمانة!

يعني الصعايدة اللي بيغنو مربعات ابن عروس مارحوش بعيد:

يا بت جملك هبشني

والهيشة جت ف العبايا

"رمان" صدرك دوشني

خلا فطوري عشايا

شوف التصريفة الأصلية من القاموس:



بزو = رمان

أما كلمة "بز" اللي اتصرف منها: "بوز" يعني

بروز، بوز العربية/ بوز الكنبه ..لخ، و"بزبوز"

الحنفية والبراد، وكناية بالمعنا السلبي: "إبتزاز"!

2021 /5 /21



1253

عبا .. عبوة .. تعبئة



**Gardiner's list codes**

D36:W10-D58

**Transliteration**

ʿb / ʿb₃

عبا

**Translation**

Unite, present (to)

عب/ عبا = وحدة/ عبوة/ تقديم لـ

وحدة عيار وتقديم [?]

منها عبوة وتعبئة [?]

ومنها "عب" الرجال، المكان الذي يبشيل فيه حاجات فهدومه!

مخصص الطاجن، أو الذي زاي الطاجن ده، كان عندنا زمان حاجة شبيهه بس معموله

من الخشب ومتغلفة بصفيح السواقي، اسمه "ربع"، كنا لوقت قريب، وفيه فلاحين لسة

بيستخدموه، كنا بنكايل ونعاير بيه الحبوب، وبارضو نعبي بيه الاشولة والزكايب، قمح

ورز وبرسيم وحلبة وسمسم .. لخ!

"العبوة" شنطة أو كيس، وكمان العبوة شحنة!

فحوادث الإرهاب نسمع كتير جملة: عبوة ناسفة!

2021 /5 /21



1254

سر .. سير .. سراية .. سرير



جدر مصري مهم  
لسة ف كلامنا موجود ف إسم وظيفة مهمة، سكرتير المحكمة "أمين سر"، وسكرتير أي  
لجنة حكومية "أمين سر اللجنة"!  
○ سر يعني ملكي وأميري وحكومي [?]  
عشان كده نفس الجدر "سر" هو أصل اللقب الأوروبي "سير"!  
وبارضو بيوت وقصور الحكام والأمرا والباشوات والأغنيا زمان كان إسمها "سرايا"،  
وجمعها "سرايات"، ولسة لدلوقتي بارضو ناس عابشين ف الجوده!  
عيشة السرايات، وتربية السرايات، وعصر السرايات .. لـخ!  
وواضح إن مكان النوم المرتفع عن الأرض، كان اختراع مصري، بتأثير إسمه  
"سرير"!

وعندنا حي كامل فيه جامعة القاهرة والمدينة الجامعية إسمه "بين السرايات"!  
وكمنا أسامي عزب كتير فيها الجدر "سر"، زاي:  
سر-اوة، وسر-يوة، وسر-ابيوم، وسر-نباي، وسر-نجا .. لـخ!

2021 / 5 / 19

[Ashraf Ayoub](#) وفيه أسامي زاي: سري و سرية، بكسر السين، وسرير



1255

دمغة .. دماغ



الجدر المصري القديم من مرحلة الكتابة بالحرف الهيروجليفي "دمجت" بيتصرف ف كلامنا الحالي لـ "دمغة"!



بيظهر نفس الجدر بمخصصات وصور كثير كلها بتدور حوالين معاني التجميع والربط:

● الدائرة الذهب اللي بنلبسها خاتم أو دبلة دليل تجميع قلبين وربطهم، يعني الخطوبة وبعدها الجواز!

● الختم الدائرة اللي بينطبع ع الورق بتقدير الضريبة أو الجمرک المربوط رسم ع التصرف اللي الورقة أو الوثيقة دليل عليه.

● دماغ الحاجة مش بس راسها. إنما يعني خلاصتها. ويعني مربوطها وتجميعها. بيقا الدماغ اللي بيفكر واللي بيمثل الكيان كله.

● فاضل اللي عامل دماغ، يعني مجمع روقان الحالة النفسية ولو بالتخيل والوهم.

2021 /5 /16



1256

شطب .. تشطيب .. شطف .. شطافة


<b>Gardiner's list codes</b> M8-G1-U33-M17-D58- Z7-Z9-A24
<b>Transliteration</b> <u>štb</u>
<b>Translation</b> Close, shut (mouth), surround, trap (enemy)

● شطب يعني خلص/ قفل

ومن هنا التشطيب والتشطيب والتشطيبات!

- شطبنا الشغلانة وشطبنا الشقة!

- الدكتور شطب ملزمتين م الكتاب!

● الشطف آخر فوم ف الغسيل!

● والشطفة آخر حطة!

طبيعي إنك تلاقي تصارييف جدور كلام مصر القديم والحالي منتشر ف قواميس

المنطقة، إشي عربي وإشي عبري وإشي تركي وإشي فارسي وإشي آرامي وسرياني ..

طبيعي جدن جدن وعادي خالص .. بس اللي مش طبيعي إنك تقف عند اللي مكتوب ف

القواميس دي وتنسا الأصل!!!

2021 /5 /14

[Ashraf Ayoub](#) قرية بمركز دراو/ أسوان اسمها "شطب" بضم الشين، فيها معبد كوم

امبو اعتقد لها علاقة بنفس الجدر!





1257

رد .. رادد



**Gardiner's list codes**  
D21:D46-M32-Y1A

**Transliteration**  
*rd* رد

---

**Translation**  
**Grow**

- فلان عامل إيه؟


- الحمد لله "رد" وبقا كويس!

ممکن تكون "رد" دلوقتي يعني رجع لحالته!



**صحته ردت**

إزي خالك الحاج دلوقتي؟؟  
الحمد لله بابا .. بقى كويس وصحته ردت

 *rd* grow

 *rd* to restore

 *rdw* to flourish

 *rd* grow, be prosperous, prosper, flourish, succeed, be strong

إنما أما نشوف جدر الكلمة من أصلها المصري القديم نعرف ان المقصود مش انه رجع لحالته وبس، انما كمان زهزه وصحته اتحسن!

رد = زاد ونما!

2021 / 5 / 13

[شريف السركي](#)



1258

ضاف .. ضيافة



**Gardiner's list codes**

D46-G1-Q3:D38

**Transliteration**

*dꜥp / drp*

**Translation**

Endow with (food),  
fayre, provide (table of  
food)

البي الثقيلة تصریفها (شقلبتها) مع صوت الفه أكثر وأقرب من البي.

داب = داف = ضاف

الجدر (داب) بمعنا المنح والوهبة والزيادة، بيتصرف ف صور معاني الزيادة (الاضافة)، وزيادة ومنح الغير بالضيافة.

♡ يعني تضيف حاجة ؟

♡ أو تدي وتضيف حد ؟

كله مصري، كرم مصري، وكلام مصري

2021 /5 /10

[Ashraf Ayoub](#)

منها يدبذب (يددفف) عليه، يعني يعطف عليه، كلها تصاريف من نفس الجدر



1259

جار .. جيران .. جيرة .. مجاورة



نسمعها من فيروز:

نحن والقمر جيران

فالمثل الشعبي:

النبي وصا علا سابع جار

والجار قبل الدار

جر/ جار = حبطة/ حيطان

أصل الجيرة من حيطان البيوت!

يعني الجيرة والمجاورة والتجاور وغيرهم، كلها كنايات عن الحيطان اللي جنب بعض،

أو قريبة من بعض!

جار يعني إيه؟ يعني الحبطة ف الحبطة

2021 /5 /8



1260

دش .. طش .. دشيشة .. الدش



**Gardiner's list codes**  
X1:M8-Z9:D36  
**Transliteration**  
*tš* تش  
**Translation**  
Smash (heads), grind (corn), split (wood)

الجدر "تش"، يعني طحن، شوف اتصرف منه إيه؟

طش: دلق (طشة الزيت)

طش: طخ/ ضرب

دش: كسر

دشدش: تكرار الجدر، تأكيد للتكسير!

دش: طحن الحبوب

دشيش: حبوب مطحونة

مدشوش: مطحون

مدششة: مطحنة

الدشاش، صنايعي بيدش الغلة، وكناية وصف اللي بيتكلم ويخلط الكلام!


كمان "الدش" بتاع الحمام، اللي بيكسر الماية خطوط شديدة!

2021 /5 /8



1261

جناح .. تجنيح .. جنحة



**Gardiner's list codes**  
I10&N35-V28-H5  
**Transliteration**  
*dnḥ* جناح

---

**Translation**  
Wing

جناح العصفورة ⑦

جناح الفرخة ⑦

جناح الطيارة ⑦

- جناح عليه .. يعني مال عليه.

- ماشي مجنح .. يعني ماشي مايل

مجنح .. يعني واخذ جمب !

ومنه مصطلح قانوني مهم ف المحاكم والنيابات وأقسام الشرطة:























الـ "جنحة" يعني المخالفة، لأن اللي بيعملها بقا حاله مايل/ جريمة بسيطة، بمعنا الميلان عن التصرف الطبيعي!

- المحضر "اتجنح" ف دفتر الجنح، يعني خد رقم جنحة ف القسم!

2021 /5 /8



## ز اخر .. ذاكرة .. مذاكرة .. مذكرات

**skher** , to plan, to design, plan,  
design, destiny, arrangement, intention, advice,  
opinion, character, affair, condition, dispensa-  
tion, scheme, business, plot, kind, species,  
behaviour, manner, habit, wont, use, custom,  
device, mark, trace; plur. , ,  
, , , Sphinx  
Stele 11, condition, existence; , ,  
to direct, to lead; , ,  
P. 1116B, 67, useful plans; , ,  
ح, under his directions; , ,  
, celestial existence; , ,  
manner of life; , , eternal  
plan; , , , manner of  
the innocent.

الشرح في الصورة بالتفصيل، وكمان الكلمة اللي قبلها في القاموس: زخر = inform  
يعني مش بس من معانيها التخطيط والنصيحة والتقرير والتفكير .. لخ، الصورة شاملة  
تقريبين كل معاني التصارييف اللي في حياتنا دلوقتي، من الاسم "زخر" و"ذخيرة"،  
لتصارييف الذاكرة والذكريات والمذاكرة والمذكرات!  
الكلمة أما بتتكرر كثير، معناه إن استخداماتها مهمة وكثيرة، وده بيدي فرصة إن  
تصارييفها وكناياتها بارضو تبقا كتيرة!

2021 / 5 / 7



1263

شال .. شيلة .. شيال .. شلال .. شرا



قاموس الهيروجليفي مجرد وسيلة مساعدة! ضروري ومهم، بس مش كل حاجة!  
تصريف وتعريف الكلام اللي ف قواميس كلامنا القديم، مهمتنا احنا يا مصريين!  
الجدر "شلا"، يعني سوايل، ومخصص الزلعة أو القدرة اللي بنشيل فيها السوايل!  
نفس الجدر "شرا" يعني سيولة، تعبير عن المعاملة التجارية بين الناس.  
وجود الأسد بياكد نطق اللام، وحنا لو مفيش أسد، كل ما تشوف رسمة البؤ جربها بالره  
وصرفها باللام!

لاحظو كلامكو الخاص بيكو

الشيلة والشيال وكمال الشلال، يعني السوايل الكثيرة!

2021 /5 /6

[Ahmed Eissa](#) شلاي وشلايه، يعني رغاوي ورغاويه

[AbdElhamid El Shorbagy](#) انا سمعت ناس ف بلادنا بتقول ع الزلعه دي (شاليه)

[Nancy Nanc](#) منها لما بنقول حاجة بتسر = بتسرسر ويمكن منها يتسير (يتبول


[Ashraf Ayoub](#) المايه ( بتسر بضم الشين ) م الزلعة يعنى بتقع، والود بيشر يعنى عنده

اسهال وكله مرتبط بالسيولة ويقولك الود بطل إشرار يعنى توقف عن الاسهال!




1264


حارة .. محل .. محلة .. حلة



جدرهم "حرة/حلة" بمعنا نطاق أو مسار. بمخصص اسم المكان!  
وعشان منخلطش بين الحلة اسم المكان، والحلة اللي بنطبخ فيها، الاتنين جدورهم مصري، والفرق ف المخصص، الحلة الأولانية بمخصص المكان، والحلة الثانية بمخصص ومعنا المعادن!





الميم اللي بتظهر مع التصريف، سابقة بتحدد وظيفة كل  
تصريف!  
محل إقامة ومحل تجارة ومدينة المحلة!  
أما حلة الطيبخ جدرها هنا: حرر/حلل!  
كمان جدر ثاني "محور/محول" يعني برج الحمام، بمعاني  
محل ومقر الأمان والإستقرار، يعني اتأكدت كناية "محلة"  
بأكثر من طريقة



2021 / 5 / 4






 <p><b>Gardiner's list codes</b> M17-N29:D21-X1:Z2 <b>Transliteration</b> <i>ikrt</i> <b>Translation</b> Foodstuffs</p>	 <p><b>Gardiner's list codes</b> G1-V31:D21-N18 <b>Transliteration</b> <i>skr</i> <b>Translation</b> Aker</p>
--	--

رب الأرض، زاي جب، بس الأدق انه رب الخير اللي بيطلع م الأرض!

فيه نص بيقول إنهم حاجة واحدة: "جب" و"أكر/ أكل!"

بيفسر الوظيفة دي نص من كتاب طلوع النهار خاص بمسؤولية "أكر" عن توفير وجبة الفطار ووجبة العشا للأوزير (المرحوم)!

□ يعني تصريف "أكر" لـ "أكل"، تصريفة بتناسب وظيفته، خصوصن والمخصص بتاع الكلمة هنا عبارة عن رغيف عيش، ونفس الجدر موجود بصور ثانية عن الأكل، زاي الجدر "اقرت" اللي بيتصرف "أكلت/ أكلة" والأدق "أكيلة" بمعنا طباخين الأكل! □ أشهر صورة له ف شكل أسدين خلف خلاف.



بيعبرو عن الزمنين، الماضي والمستقبل!

□ إسم أكر بيظهر متصرف ف اليوناني والقبطي بمعنا الرب كيري، ف أشهر وأجمل عبارة دعا واسترحام مسيحية: ☩

كيريا ليسون، يعني يارب ارحم!

2021 / 5 / 1

1266

بركة .. مبروك .. مبارك



بركة يعني هدية أو زي ما بيقول حبايبنا ف الصوفية "نفحة"!

○ شوفو إحنا بننطقها زاي ما هيه مكتوبة: "باراكا"!

○ للأسف الحرف العربي مبيعبرش عن الصوت غير بالتشكيل!

○ كمان الخواجة كبر دماغه وكتب الثوابت (الحروف الثابتة) بس! رغم إن آخر حرف

ف الكلمة، اللي هوه صورة الايديين المرفوعة لازم يتنطق: "كا"!

بركة نجاحك، وبركة رجوعك لبيتك بالسلامة


○ بركة وبركات ومبارك ومباركة ومبروك ومبروكة .. حتا اسم باراك العبري .. كلها

تصاريف من الجذر المصري الأصلي "باراكا"!

2021 /4 /29



1267  
نأنا.. نأنا



**Gardiner's list codes**  
N35:G1-N35:G1

**Transliteration**  
nʒ.....nʒ      نأنا

---


**Translation**  
Whether.....  
.....or,  
either.....or

الناس اللي بتحب النأنا  
النأنا ف الأكل  
والتأنا ف الكلام  
والسأسا ف الطبخ  
كلها تصاريف مصري من جدور مصري أصلي!  
2021 /4 /24  
[Soha Mohammed Ali](#)  
في كلام كتير علي النهج ده  
زأراً العصافير  
شأشأ الفجر  
مأ عينه



1268

جنب .. جناب .. جنابة .. جنابية



**Gardiner's list codes**  
I10&N35-D58-Z9:D54  
**Transliteration**  
*dnb* **جنب**

---

**Translation**  
Deflect, diverge from  
(the route) ?

جناب العمدة مقامه عالي وبعيد!

الجنب = البعد

كل اللي يبعد أو يشتت عن الطريق العدل بيقا جنب!

○ الجوانب؛ بعيدة عن الطريق!

○ الجنابة؛ بعد عن الطهارة!

○ الجناب؛ بعد ف المقام!

يعني جناب الباشا وجناب العمدة دي تصاريف مصري أصلي!

وكمأن "الجنابية" يعني القناية المتفرعة من التريعة الكبيرة!

2021 / 4 / 24

[Medhat Hur](#)

وكان فيه اسم شخص "جانب"، كان اسمه الاستاذ/ جانب احمد جانب!





كناية الترحيب

- وجبة العيش، بقت كناية عن نوع معين من الأكل "رغيف"، وكمان بقت كناية عن الحياة نفسها باعتبارها "معيشة"!
- وجبة العشا، بقت كناية عن وقت العشا!
- الملح اللي بيدي طعم للأكل، بقا كناية عن الملاحه يعني الوسامة والطعامه!
- شوفو كده، جدر النهاردة إسم الأبريق أو الدورق اللي كان جدودنا بيرحبو بيه بالضيوف وبيقدمو بيه مشروب التحية!
- بقا كناية عن حالة الترحيب نفسها!
- رحب/ ترحيب/ مراتب
- طب ما هو مشروب القهوة، بقا كناية لإسم مكان، وإسم مهنة: قهوة وقهوجي!

2021 /4 /23



1270

جبر .. جبرت .. تجبير



**Gardiner's list codes**  
U28-G1-Q3:Z7-D21-Z1-  
U33-M17-N33:Z2

**Transliteration**  
dprt جبرت

**Translation**  
A cake

ساعات الكلام الكبير يكون أصله حاجة بسيطة أوي!  
جبرة دي يعني كحكة أو قرصة  
تراضي أي حد بكحكة يعني تجبر بخاطره  
بقت القرصة وسيلة ترضية وكسب الناس وتصلح للعلاقات.  
ويجعلك (مجبور) الخاطر  
وبتاع الفول يقول: جبرنا!  
و"تجبير" الجروح عند "المجبراتي"  
وفريد الأطرش بيغنيها:  
"جبر" الخواطر ع الله، مش طالب منك غير طلة  
2021 /4 /22



1271

## معدن .. تعدين



### Gardiner's list codes

G17-D36:D46:N35-  
W24:Z7-T14-G41:Y1-  
Z3A

### Transliteration

*mtn*

### Translation

To reward, to  
recompense

الأشياء "معدن"!

القاموس كاتبها "متن" ومش حاسب حرف العين ف النطق، رغم إن صورة الإيد واضحة وترتيبها ف القرارية بعد الميم البومة مباشرة!

الكلمة مفروض تتقري: "معدن"، ومعناها = جايضة أو مكافأة أو تعويض .. لخ!

هنلاحظ إن كلمة "معدن" مش موجودة ف المصدر الأساسي والرئيسي لـ اللغة العربية (القرآن الكريم)، وده دليل إنها دخلت اللغة العربية بعد عصر القرآن!

واقع المعارف ف العالم القديم بيقول إن المعادن المعروفة دلوقتي كانت عبارة عن جوايز وكنوز هدايا، باعتقادهم أن الحديد ينزل من السماء، أو الذهب والفضة فكنوز مرصودة بتتفتح لأصحاب الحظ والنصيب الحلو!

يمكن عشان كده، ارتبطت كناية "معدن" بالعناصر الطبيعية اللي بنسميها دلوقتي "معادن"، وإن كان المثل الشعبي بيقول: "الناس معادن"! يعني أصناف بتقابلها حسب حظك ونصيبك!

2021 /4 /21



1272

جاب .. جاب .. جواب .. إجابة



الجدر المصري اللي ف الصورة من مرحلة الكتابة بالحرف الهيروجليفي:

جاب = رد/ تفنيد/ جدل

يعني دايرة المعنا مرتبطة برد الفعل ع الكلام!

عشان كده تصاريفها:

"جاب"، كناية عن الرد المادي، بمعنا الإحضار!

"جاب" = فعل أمر، يعني رد، أو فعل ماضي، يعني حصل الرد!

"إجابة"، صيغة الرد!

"جواب"، رد شفوي أو مكتوب، ووصف لظرف رسايل البريد: "ظرف جواب"!

وف القرآن الكريم، بإعتباره المصدر الأساسي لـ اللغة العربية:

"أمن يجيب المضطر إذا دعاه ويكشف السوء"، هنا الرد مش بس بالكلام، إنما الإجابة

بقت كناية عن المساعدة المادية وتحقيق الأمان ورد المطالب!

2021 /4 /21





1273

جار .. جار .. استجار .. إيجار



**Gardiner's list codes**

U28-G1-D21-Y1:Z2

**Transliteration**

dʒrw

**Translation**

Need

ده جدر تاني للجيرة، غير جدر جيرة الحيطان!

أساس الجيرة التعاون

ومن تصاريفها: جار، يعني استغاث واستجار!

كلنا محتاجين بعض، وكلنا نساعد بعض. [?]

يعني الجيرة مش مجرد بيوت وحيطان مرصوفة جنب بعض!

عشان كده المثل العبقري: الجار قبل الدار

الجيرة للتعاون!

والاستجارة لمساعدة وإغاثة الملهوف!

والإجارة للحاجة، ومنها "إيجار" وتأجير" الأملاك للغير، وواضح من الجدر إن


المصطلح أساسه وسببه الحاجة!

شوفتو اللغة بتوصلنا لإيه؟ بتعرفنا فلسفة كل كلمة، كل قيمة، كل مبدأ

2021 /4 /20



## جماعة .. مجموع .. جامع .. جامعة


<b>Gardiner's list codes</b>
U28-G1-Aa15:D36-A17-Z2
<b>Transliteration</b>
<i>dꜣmw</i>
<b>Translation</b>
Young men, descendants, generations

آدي نموذج ثاني لتجاوزات الخواجات!  
العين واضحة ف الكلمة، الخواجة أهملها ، ونطق الكلمة : جامو  
ولو ما أهملش العين كان لازم ينطقها:  
جامعو = أجيال/ مجاميع.. لخ! والمعنا قريب من مصطلح "شلة"  
يعني إهمال حرف واحد (بقصد أو من غير قصد) قطع التواصل بين الجدر الأصلي  
وتصاريف كثيرة موجودة ف كلامنا وحاضرة ف حياتنا:  
جمع الناس، وجمع القطن، وجمع البامية .. لخ!  
مجموع درجات الطالب، وحاصل مجموع الأرقام!  
مجموعة من الناس، ومجموعة من اللوح، ومجموعة أعمال!  
مجاميع الممثلين، ومجاميع الطيور!  
جامعة القاهرة، والطالب "الجامعي"، والكتاب "الجامعي"!  
الجامع الأزهر، والجامع الكبير .. لخ!

2021 /4 /20



1275

كاش .. كوش .. جيش


<b>Gardiner's list codes</b>
M23-G39&Z1-N35- V31:N37-N25
<b>Transliteration</b>
sꜣ nsw n kꜣš
<b>Translation</b>
Viceroy of Kush

دي صورة لإسم نائب الملك المصري ف السودان القديم.

نفهم ونستخلص منها شوية حاجات:

١- إن السودان القديمة كان إسمها بالمصري: "كاش"!

٢- إن إقليم كاش ده كان لها وضع خاص، زاي الحكم الذاتي كده، بأمرة ودليل إن اللي بيحكمها بيعتبر نايب أو وكيل عن الملك!

٣- الترجمة الحرفية لنائب الملك = ابن الملك، يؤكد رمزية لغة المصري، يعني الجماعة بتوع المصري القديم كان بيتجوز أخته يبطلو!

٤- كاش أو السودان القديم كانت رموزها الدينية كلها مصري، وتبعيتها السياسية للملك المصري، حتا إسم البلد من أصل اللغة المصري.

٥- إن إسم البلد ف الصورة "كش" من غير لا ألف ولا واو ولا يه، يعني ينفع التصريف بيكا كيش أو كاش أو كوش، وكمان الجدر يتحمل التصريف بشقلبة بين الكاف والجيم تبقا "جش" و"جيش"، ودي مناسبة لدور نايب الملك ف كوش من تمويل جيوش الملك بمجاميع من مواطني كوش: جيش!

2021 / 4 / 19



1276

كلب



○ كلب يعني كلب

والسؤال بقاء للسلفيين الحرفيين القواميسيين الخواجاتيين:

- عاوزنا ننسا المنطق والعقل ليه؟

○ التصريف علم!

○ تطبيق قواعد التصريف واجب وفرض!

○ الره واللام مخرجهم واحد، والشقلبة بينهم طبيعي، كأنهم صوت واحد!

○ النطق الإصطلاحي القواميسي: "كرب"

○ النطق التصريفي: "كلب/كلبي"

2021 /4 /19

رشيد ابوزيد

مفيش مخصص كلب، لأن دي حرفة الشخص الجالس ومعاه النخ، وهو اللي بيخلي اللي يتعامل معاه ينخ، يعنى يطيع، هو فني مدرب كلاب، وبتنتطق كلبي، نسبة لـ تطويع وترويض الكلاب.



1277

لنبي .. لمبي




رنبي = صغير / طازة، بالتصريف = "اللنبي" أو "اللمبي" يعني الصوغير  
عشان كده اسم الجنرال الإنجليزي علق مع المصريين  
الأسامي المختلفة بتعلق، خصوصاً أما يبقى الاسم الأجنبي له تلميح أو فيه إهانة أو  
شتم أو غمزة جنسية!  
أكبر شخصية عسكرية من قواد الإحتلال الإنجليزي "إدموند ألنبي"، شغل منصب  
المندوب السامي للإمبراطورية البريطانية ف مصر، واكتشف الشعبين المصريين إن  
لقبه "ألنبي" معناه عندهم = الصوغير / القليل / النوعة، فكانت فرصة للتكيت علا القائد  
المخيف بإسمه، وده نوع من أنواع المقاومة بالإستخفاف!  
إبتكرت المقاومة الشعبية ألوان من طرق الإستهتار بقيمة ومكانة المحتل الإمبراطوري،  
من خلال التكيت ع الرمز العسكري الكبير، وكانو بيعملو عرايس قماش بصورة  
وشكل "اللمبي"، وبعد ضربها واهانتها يتم حرقها!

2021 /4 /19



1278

قش .. قشاش .. بيقش .. مقشة



قش الدرة = عيدان الدرة!

قش الرز = عيدان الرز!

وأداة كنس الأرض من العيدان والحطب: "مقشة"!

شوف جذر الكلمة، اللي لسة معانا، بمعناها وصوتها، من أيام الكتابة بالهيروجليفي:

قش = عود/ عيدان

والأوزان الخفيفة، نقول عليها: زاي القش!

ومن الأمثال:

الغريق يتعلق بقشاية!

كناية الخفة والكترة: "زاي القش"، يعني كتير، وفيه نوع من القطارات إسمه "القشاش"

يعني اللي بيقف فكل المحطات وبيأخذ أي عدد من الركاب!



ومن تعبيراتنا: "بيقش"، يعني بيكسب كل حاجة، فكل الحالات!


2021 /4 /18

2022 /2 /25



## كرتة .. أكرت .. كيريا ليسون

**Ker** , B.D. 39, 13 =  (?)  
an earth-god.

**Kerit** , Denderah I, 51, a goddess  
of Punt.

الشعر الكيرلي (الأكرت الملولو)، كان وصف للملامح الأفريقي!

المقدسة الأفريقية "كرت"، اتوصف بيها سكان بلاد بونت أو بلاد بونة

يعني بلاد بونت بلاد أفريقية، مش آسيوية حسب التقييص الإستشراقي!

بالمرة كمان من نفس الصورة:

رب الأرض "كر" أو "أكر" أو "كرى" اللي سبق تصريف اسمه مع "أكل"!

العلاقة بين "أكر" و"أكرت" ف الميثولوجي القديم، بتوضح نظرة المصري للجنوب

الأفريقي، بإعتباره أرض الأجداد، وده اللي أكدته الدراسات الجينية، من أن كل

الهجرات البشرية بدأت من الجنوب للشمال!

اسم الرب ف التصريفة اليوناني والقبطي: كرى

اللي منها: كيريا ليسون، بمعنا = يارب إرحم!

2021 /4 /18

2022 /2 /25



1280

عقد .. عقاد .. تعقيد .. عقيدة



العقيدة والعقد والتعقيد والاعتقاد، من الجذر المصري القديم: "عقت/ عقد"، بمعنا المخزون/ التخزين/ التكوين/ التجميع!

عقيدة المصريين خلاصة مخزون المعارف والتجارب، لشعب قديم! الأديان والمذاهب والطوائف كلها بأشكالها وطقوسها بتتخلط عشان تكون تراكم قيم وتراكم خبرات، هيه دي عقيدة المصريين! من آلاف السنين عندنا عقيدة واحدة، سيبك م التفاصيل، خليك ف المجل، خليك ف المخزون الأساسي!

شكل الصيام إزراي؟ ولا طريقة الصلاة إيه؟ مش مشكلة وعمرها ما عملت فرق! روح المصري، طيبة المصري، جدعنة المصري، كرم المصري، كرامة المصري. العقيدة والقيم، ضمير مقدس جواني! مخزون خبرات وأفكار المصريين بقت عقيدة، تخليه يبعد عن الشر ويغني له، وأما الشر يعند ينضرب ويتأدب، بارضو حسب نفس العقيدة!


2021 /4 /18





1281

وين .. فين



**Gardiner's list codes**  
G43-M17-K1:N35-D36

**Transliteration**  
*win*

---

**Translation**  
Thrust aside, push  
away, set aside

وين: الواو بتتشقلب مع الفه، تبقا فين

- الكورة فيبين؟

◇ كل أدوات الربط ف كلامنا الحالي، جدورها من المصري القديم

يعني "وين" مش بس اتحولت لأدوات الربط "وين" و "فين" ف المصري، و "أين" ف

العربي، انما كمان بقت ف الأوروبي "when" و "wher"

بشقلبة الره والنون واللام، زاي السباك اللي ساعات يقول: فرتر / فلتر / فنتر

◇ كل أدوات الربط ف كلامنا الحالي، جدورها من المصري القديم.

2021 /4 /17


[Ashraf Ayoub](#)

الجدر مستخدم بقوة "وين" ما تروح عندينا فى الصعيد




1282

وفا .. وفاء .. وفاة .. wave



الجدر المصري القديم "واو"، معناه = الموجة، ومعناه = اندفاعة مائة النيل، ورجوعها مع الفيضان بعد الجفاف "واو"!  
تصريفة الواو الأخيرة بالشفلية تديك نفس المعنا بالانجليزي wave  
وبالمصري الحالي يطلع منها كذا تصريفة:  
وفا .. معناه ببساطة رجوع حتمي لمائة النيل باندفاع!  
الحدث المهم "وفاء النيل" ف قوايم أعياد المصريين، له مصطلح خاص، متصرف  
وكامل، يعني نقدر نقول إنه تطوير لنفس الجدر: "وفا" = إحداثية!




اسم العيد: "وفاء النيل"، وكمان أسامي: وفاء/ وفية/ وافي/ موافي  
حتا الوفاة: حادثة رجوع حتمي باندفاع قهري (للخالق)

2021 /4 /17



1283

طباعة .. مطبعة .. طبيعة



شوف كده الجداريات. والحروف والرسوم المنحوتة!  
☆ بس فكر قبل النحت، وقبل الأزميل والشاكوش ما يشتغلوا، إترسمت إزراي؟  
وانطبعت ملايين الحروف طبق الأصل إزراي؟  
واللي يهمننا هنا انهم كانوا بيعبروا بمصطلحات عن الإسطمبات والحروف المطبوعة  
طبق الأصل دي بايه؟ وبيقولوها إزراي؟  
☆ تبع/ طبع = طبق الأصل/ بالحالة الأصلية/ الحالة الطبيعية "طبيعة"!

○ طبع

○ طباعة

○ مطبوع

○ مطبعة

- يبقى مين اللي اخترع أقدم مطبعة؟

☆ بص ثاني ع الجداريات، وشوف الحروف المطبوعة طبق الأصل، الدقة والحرفية  
العالية، عشان تجاوب صح!

2021 /4 /15



مهتر .. ماهر .. مهارة




2021 /4 /14



1285

عفو . عافية . عواف .. عفي



Gardiner's list codes  
D36:I9-V33:Z1-Z2  
Transliteration  
ʿf  
Translation  
Measure, amount

الجذر "عف" = مقياس لمعرفة القدر والقيمة!

○ أقل م المقاس شوية .. عفو!

○ أكثر م المطلوب .. عافية!

○ تمني استمرار العافية .. عواف!

تصارييف الجذر "عف" كلها تقدير للقيمة المادية الواضحة ف وصف قوة شخص بأنه:

"عفي"، أو القيمة المعنوية ف التمنيات بدوام الصحة والسلامة وروقان البال ف التحية

الجميلة: عواف عليهم!

بارضو التصارييف العربي لنفس الجذر المصري واضحة ف النص المقدس:

"خذ العفو وأمر بالمعروف وأعرض عن الجاهلين"

2021 /4 /13



1286

سحور .. سحر .. سحارة



**Gardiner's list codes**  
S29-D2:D21-N1  
**Transliteration**  
shr سحر / سحور  
**Translation**  
Fly up, move up,  
distance (oneself)

♡ وقت السحور أعلا جزء ف اليوم، آخر الليل، الليل وآخره!

♡ السحارة مكان عالي وبعيد ف البيت

♡ سحارة، صندوق أو علبة مخفية (بعيدة عن العين وبعيد عن العيال)

♡ الدرج والجيب المسحور، يعني المخفي!

♡ السحر كمان فن العلم العالي البعيد المخفي عن الشخص العادي، بس بسيط وعادي

بالنسبة للعارف العالم!

■ سحر: عالي/ بعيد/ مخفي/ مسافة بعيدة

♡ الرمز اللي بيحدد دائرة معنا الكلمة، مخصص شكل السما، العالية، يعني البعيدة عن

العينين والايدين!

♡ ينتسحر بالليل، ف آخر الليل، أبعد وأعلا جزء ف اليوم!


■ السحور تصريفة جذرها مصري أصلي

2021 /4 /13



1287

شغت .. مشغت



**Gardiner's list codes**

N37-F32:X1

**Transliteration**

*ht ?*

**Translation**

(marsh) plant

عشان تعرف معنا الكلمة دي، لازم تكون فلاح ابن فلاح!  
الشغت يعني الحشايش اللي ملهاش لازمة، بتطلع وسط الزرع، وكان الفلاحين زمان  
-قبل المبيدات- بينقوها ويخلعوها بايديهم عشان متضرش المحصول!  
دلوقتي فيه مواد رش بتساعد الفلاح يتخلص من الشغت ده!  
بالمناسبة نفس الكلمة لسة بيستخدمها الجزائريين كناية عن الزوايد والدهون الكثيرة اللي  
ف اللحمه!

يعني كل اللي ملوش عازة: شغت!  
عشان كده الخواجة مخدش باله منها، وكمان اتصرف من دماغه، ولغا حرف الشين من  
النطق وكأن ملوش لازمة!  
- الغيط مشغت/ الأرض مشغته، يعني الزرعة فيها بين الخطوط حشايش نجيلة  
ودنيبة وسعد وحامول وقراص وحميض وسبيلة وهالوك .. لخ!  
الشغت بيقلل قيمة المحصول، ويعيب اللحمه، وكمان الناس الشغت بارضو بتضيع  
الوقت وبتشتت المجهود وبتقل التركيز!

2021 /4 /12



1288

سعا .. سعي



جدر "سعا" الهيروجليفي، بمعنا الزيادة والوسع!  
وهناقي نفس الجدر، بمخصص مختلف، بمعنا الإثارة والتحفيز والطلب، ودي بارضو  
كلها زيادة!

- اسعا ف الخير

وف أوبريت الليلة الكبيرة:

اسعا اسعا اسعا اسعا، خذلك صورة ستة x تسعة

هنا المعنا متحدد ف السعي، يعني الإنطلاق واليقظة والتحفيز

ودعوة الأمهات: يوسعلك رزقك

أو عبارة: وسع شوية

ومعاها تعابير كتير: الشقة واسعة وبرحة/ البدلة واسعة عليه .. لخ!

المعنا متحدد ف دايرة الزيادة، وبالألف المد الصريحة، عشان كده الجدر اللي ف الصورة

معاها مخصص عمود العظمة والعلو (عا)!

2021 /4 /11





1289

## خيمة .. تخيم



حتا كلمة "خيمة" من الجدر المصري بالحرف الهيروجليفي: "خـم"!

بس خيمة شياكة

ضريح أو مقام

من الجدر "خـم"، يعني مقام أو مزار!

مصر الزراعية "كيمة/ قيمت"، ومصر الصحراوية "دشرت"، يعني مصر فيها حياة ع الأرض الزراعية، وكمان حياة ع الأرض الصحراوية، اللي هيه حوالي 92% من مساحة مصر، والتركيز ع الأرض المزروعة وإهمال الجبال والصحاري مش طبيعي، وفيه إهدار للثروة الطبيعية اللي ف الصحاري!

جدور أسامي حياة الصحاري، زاي جدر كلمة "خيمة" و"نطرون" و"سينا" و"عريش" و"وادي" و"واحة" و"جمل" وغيرهم من رموز الصحرا، دليل إن المصري اهتم بكل أرضه، الزراعية والصحراوية، والدليل إنه خصص اتنين، نترين مقدسين: "حور" للإهتمام بالأرض الزراعية، و"سوت" رمز للصحرا!

المصريين اللي ف الصحرا، مفردات حياتهم من اللغة المصري!

2021 /4 /10



1290

بدو .. عوف .. عوفي .. عريش



كلمة "بدو" حسب قواميس ونصوص اللغة المصري من مرحلة الكتابة بالحرف الهيروجليفي معناها بين ثلاث حاجات: 1- نوع من العطور الصحراوية، المتخصصة لتعطير الأماكن المقدسة، 2- نوع من الملح الصحراوي اسمه ملح النطرون، 3- اسم نتر مقدس مسئول عن منطقة النطرون، أو وادي النطرون الحالية!

يعني وصف سكان الصحاري بكلمة "بدو" له جذر مصري أصلي، وإنها مش متصرفة من البداية أو البدائية زاي ما بيحصل تفغيص وتقطيع للكلمة عند متخصصين وأكاديميين كبار، إنما ملهمش ف اللغة المصري!

ممكن يكون حصل العكس، زاي طبيعة اللغة المصري، المصطلح أو الجذر ببدا اسم، وبعدين يتصرف منه الأفعال والصفات والكنيات .. إلخ!

أوصاف كتير لسكان الصحاري المصرية ف اللغة المصري، منها:

منطو/ نميو-شع/ عفاو/ حريو-شعي

خلينا مع تصارييف الجدرين الأخيرين اللي بيتصرفو لـ "عوف" و "عوفي"، والثاني بيتصرف لـ "عليش" و "عريش"، كلها تصارييف بجذور صحراوي مصري أصلي!

2021 /4 /10



1291

مال .. ميل .. ميلان .. هرم .. حرم



طب ايه علاقة الهرم باسمه القديم: "مر"؟  
بالتصريف حسب قاعدة الشقلبة: مار = مال  
حتا تصريف وشقلبة حروف المخرج الواحد متعتبرش تصريف، إنما فعل طبيعي  
بيحصل بإختلاف الزمان والمكان، ويمكن يحصل مع الشخص الواحد!  
الره واللام والنون والميم والسين والزين والصاد والشين .. لخ!  
بيقا العلاقة بين الإسم القديم للهرم وشكله المعماري أو الهندسي، بيظهرو أما نصرف  
كلمة "مار" بالشقلبة تبقا "مال"!

الميل والميلان، هيه دي العلاقة، وده الإسم الوصفي الطبيعي للشكل الهندسي: هرم!  
طب ده الإسم الأصلي، أو مال الإسم الحالي "هرم" منين؟  
الإسم الحالي "هرم" تصريف من إسم البربا (المعبد) الملحق بالهرم، يعني كل هرم كان  
بيبقا قدامه بربا بيزوره الناس: "حرم-مر" الترجمة الحرفية = وش الهرم، حصل  
تصريف بالشقلبة بين الحه والهه بداية من العصر البطلمي وإهمال لآخر حرف، بقا  
"هرم" بدل "حرم-م" زاي "هاتور" بدل "حتحور"!

2021 /4 /9





**Gardiner's list codes**  
O4-D21:Y1

---

**Translation**  
To be pleasing,  
soothing, to be content,  
be happy

**Transliteration**  
*hr*

جدر الكلام اللي ف العنوان ده، لو اعتمدنا ع النطق الحرفي للقاموس، مستحيل يوصلنا لأي حاجة، ولو مشينا ورا الخواجة نبقا بنساعده ف تضييع ثروتنا وبنحولها لروبابيكيا قديمة ملهاش لازمة!

لازم التصريف

الره واللام حرف واحد

والقاموس لازم يعمل ولو تنويه لامكانيات التصريف عشان بيقا فيه اتصال بين مراحل اللغة القديمة ومرحلتها الحالية.

الترحيب بأهلا علامة السرور والرضا

الأهلية مش مجرد لياقة، لياقة مرضي عنها !

الأهل، مش مجرد قرايب، إنما القرايب محل الرضا والقبول!

حتا الهلال، لأن ظهوره مفرح!

التأهيل، شرط اللياقة والقبول!


ده التصريف اللي أقصده، كلامنا مش هنقدر نوصله بجذوره إلا بالتصريف.

2021 / 4 / 8



1293

هب .. هيبة .. ههبية



**Gardiner's list codes**  
O4-D58-T30  
**Transliteration**  
*hb* هب  
**Translation**  
Disturb, disrupt,  
hamper ?

جدر الهيبة والمهابة

● هب

خوف باز عاج باضطراب

مبالغة ف الإحترام

● هب وقام = انتفض وانزعج

● هبيت فيه = أزعجته (جزعته)

● ههبية = ازعاج، واضحة ف وصف صوت الكلاب!

♡ من الأسامي: مهاب ومهيب

♡ واتشرفت بمعرفة وصداقة الراحلة المثقفة "مهيبه عيسلام" أخت الفنان الكبير

المخرج "شادي عيسلام" وأم الصديقة مريدي النحاس.

2021 /4 /7



1294

ناموس .. نمس .. ناموسة .. ناموسية



ممکن نفنکر إن الناموس هنا غیر الناموسة الحشرة المزجة، اللي بنحمي نفسنا وأطفالنا منها ساعة النوم بالـ "ناموسية"!

الحقیقة إن تصاریف اللغة عاملة زاي الشبكة وزاي رجلین وإیدین الأخطبوط، فکل ناحية، المهم یتحقق الشرطین: استمرار الحروف الثابتة الأساسية، واستمرار نفس دائرة المعنا ولو بالکنایة والتشبیہ!


الجدر الهیروجلیفی: نومس = موضوع/ عارض/ احتجاج!  
الناموس، بمعنا القانون أو الدستور، المعارض والهادم للعشوائية!  
الناموس، جبریل الرسول، برسالة معارضة ومحتجة ع الجاهلية!  
حشرة الناموس الملعونة، معرفش هیه محتجة علا إیه، بس عمالة تقرص فینا وف العیال، وبنضطر نحمي نفسنا بالـ "ناموسية"!

الناموسة أخذت إسمها من قرصها الغلس، ومن مضیفها حیوان "النمس"!

2021 / 4 / 7

[Nabil Hamed](#) فيه قرية أثرية تابعة لمحافظة بنی سويف اسمها : النواميس، كمان فيه النمس حیوان عرفه المصريين وقدموه.





بددكا = بطيخة

"بددكا" بالتصريف الطويل بقت "بطيخا"، وأظن إن فيه جذر ثاني مباشر: "طخا" اسم مشروب، وعيد للمشروبات والأكلات الشعبية أثر في التصريف!

في المراجع الزراعية، البطيخ فصيلة كبيرة، اسمها الفصيلة القرعية! في مصر البطيخ حاجة واحدة وحيدة، البطيخ الثمرة اللي لونها من بره أخضر، ومن جوه حمرا، ولو مش حمرا ولونها أبيض، تبقا: قرعة! يعني تبع نبات القرع!

- خلي في بطنك "بطيخة" صيفي!

عشان البطيخة الصيفي مضمون حمارها وحلاوتها!

البطيخ بإسمه "بددكا" موجود في قوائم القرايين من آلاف السنين، ومرسوم شكله وبالتحديد منحوت ع الحجارة في مدينة هابو!

من انواع البطيخ المصري، البعلي والنمس الطويل والشلين، وعندنا في بلقاس أطعم بطيخ من منطقة "قلبشو"!

مخصص التور والعضو الذكري، بيوضحو إن البطيخ منشط!

2021 / 4 / 6



## نص .. نصوص .. حق .. حقوق



Gardiner's list codes  
M23-A45  
Transliteration  
*nsw*  
Translation  
King

اسم الملك من اللغة المصرية القديمة:

ملك = نسو، ومنها نص ونصوص

ملك = حقا، ومنها حق وحقوق

- طب فرعون يبقا مين؟



نسو/نصو... نص = ملك

الآثار المصرية متعرفش شخصية بالإسم ده!

مفيش ف مصر حاجة كان اسمها فرعون!

حتا التصريفة المتلفقة اللي اسمها "برعا" عمرها ما جت

خرطوشة ملكية خلال عصور الأسرات المصرية، من

ما قبل الأسرات لغاية الأسرة ثلاثين!

ظهر عدد بسيط من خراطيش "برعا" ف العصر

البطلمي وعصر الاحتلال الروماني!

يبقا نقول: الملك المصري فلان، مش الفرعون فلان ..

حقا رمسيس/ نسو رمسيس!

ونقول: التاريخ المصري، مش التاريخ الفرعوني!

2021 /4 /6

2015 /10 /11

ف




حقا... حق = ملك/حاكم






1297

قارب .. كارو .. كارتة .. car .. crew



الجدر اللي ف الصورة ده، مع أربع أو خمس جذور تانيين كلهم حوالين معاني المراكب والقوارب وقوافل المراكب والعربيات  
قارو/ قرو/ قروو .. لخ  
☆ ف التصريف بالشقبة القاف والكاف كأنهم حرف واحد  
☆ كمان الواو بتتشقلب مع البه والفه



● قارو/ قارب  
● كارو = عربية بيجرها حمار  
● كارتة = عربية بيجرها حصان  
● كارتة = عجلة حربية  
كمان شوفو تأثيركو يا مصريين ع الأوروبيين، قبل ما يتسمع لهم صوت:

● كار = عربية car  
● كرو = طاقم (مركبة/ طيارة) Captain crew  
2021 /4 /6



1298

عين .. لمة .. سند .. وحيد

النطق المتصرف لترنيمه ايزيس



**Gardiner's list codes**

D4

**Translation**

Eye

**Transliteration**

*irt* / 'n / 'in

**Grammar type**

Noun

**Translation**

Create, beget, make,  
construct, do, act,

من البداية وقبل ما أفتح الموضوع، محدش يفتكر اني بعدل أو بقلل من قيمة العمل العظيم اللي اتعرض يوم حفلة موكب الموميאות، اختيار النص والترجمة لـ اللغة العربية ونطقه حسب القواميس والتعليم ف الكليات منتها الروعة والدقة! انما ده نموذج لطريقتي ف نطق المصري القديم، اللي بتزود مساحة التواصل بين أقدم مراحل اللغة المصرية، والمرحلة الحالية بأي نسبة، ولو 30:40% أفضل ف رأيي- لأي نص متوجه للجمهور بعد آلاف السنين، لأن اللغة كائن حي، ف زمانها ومكانها، وآلاف السنين بتفضل حية من خلال التصريف، يعني إعادة التدوير بقواعد الصرف اللي معروفة ف كل لغات العالم.

هطبق طريقتي دي ع النص اللي سمعناه ف حفلة موكب الموميאות:

\*\*\*أول حاجة: هكتب النص، زاي ما اتنشر ف موقع وزارة السياحة والآثار:

إي رمت نترو إن باجو

نتس حنوت واعيت

سنج إن إيست: بغ إن إس جت اف

سنج إن إيست: انتس حنوت آمنت تاوي إم اسيبوي

سنج إن إيست: إرت رع ور حسوت إم سبات

سنج إن إيست: ردي إن إس عات إن نيسو بتي

الترجمة العربية:

يا أيها البشر والأرباب الذين في الجبل

إنها السيدة الوحيدة

مهابة لإيزيس: فإنها التي تلد النهار

مهابة لإيزيس: فإنها سيدة الغرب والأرضين معا

مهابة لإيزيس: فإنها عين رع عظيمة القدر في الأقاليم

مهابة لإيزيس: فإنها التي تهب الكثير لملك مصر العليا والسفلى

\*\*\*تاني حاجة: بوضح ان طريقتي فيها حرية ف تصريف حروف الكلمة، بحيث إن

حروف المخرج الصوتي الواحد بنتعامل معاهم كأنهم حرف واحد، وأي حرف منهم

يحل مكان الثاني ببساطة مادام ده هيقرب الصوت لكلامنا الحالي، يعني الره واللام،

كأنهم حرف واحد (رمت/ لمة)، والعين والحه والهه، بيتبدلو مع بعض، لأنهم من

مخرج صوتي واحد ف أبعد وأعمق مكان ف الحنجرة، هنشوف ف النص (واعيت) =

واحيد، ونقدر ننطقها كده ببساطة، حتا ف الكليات والكورسات، لأن الحه بتتبدل مع

العين، والته بتتبدل (بتتشقلب) مع الدال، قواعد الصرف كده!

\*\*\*تالت حاجة: ان كانت الكلمة لها نطقين بنفس المعنا، زاي اللي ف الصورة (عين رع

= صنيعة رع) أو اللي عملها رع، ليه أختار النطق المهجور (إرت) وأسيب النطق

المعروف دلوقتي (عين)؟

\*\*\*رابع حاجة: التصريف بالشقلبة، يعني تبديل الصوت، بين حروف المخرج الواحد،

الغين والجيم والقاف، والتصريف باللخفنة، يعني تبديل مكان الحروف، زاي اللي

مفروض يتعمل مع كلمة (بغت = ولدت) لتحويلها لكلمة (جابت) بنفس المعنا، انما فضلت أسيبها عشان مش هخلص!

\*\*\*خامس حاجة: يسامحني الدكتور ميسرة ف شوية تصرف ف الترجمة، تمشي مع قصيدة لشخصية أسطورية بقيمة ايزيس، ليه حصر كلمة (سبات) ف معنا الأقاليم والغرب والأرضين، ف حين الكلام كله يودي لمواقع الكواكب والنجوم (صبات)، ومعنا الدنيا والآخرة، مش الغرب والأرضين؟

\*\*\*ساتت حاجة: النطق المتصرف لأغنية من ترانيم ايزيس:

يا لمة يا نظور نا باجو

نيتس حنوطه واحيد

سندنا إست: جابت نا وسجت ف

سندنا إست: نيتس حنوطه يمين طاوي ما سيبو

سندنا إست: عين رع ول حظوة ما صبة

سندنا إست: رضيت نا وسعادة نص بية

الترجمة من المصري القديم للمصري الحالي:

يا ناس يا متقدسين ف جبل باجو

هيه (ايزيس) الست الوحيدة

كرامة ايزيس: ان هيه اللي جابت النهار

كرامة ايزيس: ان هيه ست الدنيا والآخرة مع بعض

كرامة ايزيس: ان هيه صنعة رع ولها مكانة بين الكواكب والنجوم

كرامة ايزيس: انها راضيتنا وأسعدت ملكنا

2021 /4 /5



1299

صاحي .. صحيان


<b>Gardiner's list codes</b>
O34:D36-V28-S20-A50
<b>Transliteration</b>
sḥ
<b>Translation</b>
Mummy (mummified person)

الميت الصاحي

الميت الحي

جدودنا رموزنا .. كلهم صاحيين

"بل أحياء عند ربهم يرزقون"

الميت كان بيتحنط ويتلف بقماش الكتان الأبيض، عشان يعيش ويفضل صاحي!

عشان كده بقا إسمه:

صعح .. صاح .. صاحي

الإسم من الطبيعة، طبيعة الحاجة، أو تصورنا الطبيعي عنها!

يبقا موكب المومياوات = موكب الصاحيين!

والإسم له نصيب من الواقع، يعني بعد آلاف السنين، مومياوات جدودنا المحترمين، ف

المشهد وكأنهم صاحيين، حاضرين ومنورين!

2021 /4 /3



## خردة .. خردوات .. خروج .. خارج .. خارجة



الخارج يعني اللي ظاهر، لأن الخروج عكس الدخول!

◇ دي كناية من الجدر المصري "خرد"، اللي اتصرفت منه الخردة والخردوات، بس هنا بمعنا الهدوم، وبالأخص هدم الخروج، وكمان بمعنا الشنطة، ومنها "الخارج" اللي أهالينا الفلاحين كانوا بيثيلو فيه الحاجات ع الحمير والأحصنة!

◇ خرد بالنطق الصعيدى اللي بيثقلب الدال والجيم، هيه نفسها خرج!

◇ خروجة يعني فسحة ⑦

◇ وخارجة يعني دفنة ⑦

◇ والخارج يعني البلاد الأجنبية ⑦

وزودو انتو بقا كل تصارييف الخروج اللي تعرفوها!


◇ الجدر المصري المباشر "برة" يعني الخارج، ونفس الخارج كناية مصري عن أدوات الخروج، الهدوم والشنط!

2021 / 4 / 2



1301

عامية



أسوأ وصف لكلامنا، انه كلام عامي!

- ليه؟

- لأنها كانت شتيمة قديمة!

ممكن تقول لهجة أو لكنة ، أو تبقا حقاني وتقول:

- لغة مصري

لأنها بالفعل لغة (لغة كاملة بالقواعد والألفاظ)، ولأنها

آخر مرحلة من مراحل اللغة المصرية!

- كلامنا لا هو عامية، ولا هو عربي!

- كلامنا لغة مصري أصلي (قواعد وألفاظ)

العامي والعامو دي شتايم وأوصاف قديمة للمحابيس والعمال الآسيويين!

اللي مش قادر أفهمه، ازاي الخواجة يترجم الجدر إنه (آسيوي) ويقف، أمال إيه فائدة

مخصص الآسيوي المتكلبش بالكلبشات؟


مينفعش يقول آسيوي ويسكت، لأن مش كل الآسيويين محابيس متكلبشين!

2021 /4 /1



1302

## سكرة .. سكران










جدرها المباشر من مرحلة الكتابة بالحرف الهيروجليفي: سجر = تنويم/ مشروع نوم  
حالة السكران، اللي مش دريان، كأنه نايم!  
x الغريبة إن نفس الجدر بيجي مع مخصص فرحة الأعياد عشان يوصف الاندماج  
والمبالغة ف الفرحة اللي بتتسيك أي حاجة!  
x مرة ثانية تلاقي نفس الجدر جاي مع مخصص عملية الجنس، عشان يوصف بارضو  
حالة التركيز والاندماج اللي لازم تكون متوفرة ف الحالة دي!  
- مش داري باللي حواليه  
x هنا بقا القاموس كاتب ان الكلمة معناها التنويم عشان مخصص الراجل اللي نايم ده،  
ونسي مخصص زلعة البيرة، اللي بارضو بتوصل اللي بيشرب لخمول الناييم!  
اللي عاوز يسكر، بيحاول بيعد عن حالة الصحيان، بالبلدي عاوز ينام وينسا!  
- طب ما تقوم تنام وتخلصنا، هههه.  
"سكرة الموت"، أعتقد مش ممكن تفسر التعبير القرآني ده تمام، الا لو مريت ع الجدر  
المصري لمعنا السكره: "وجاءت سكرة الموت بالحق".


2021 /3 /31





## القمح الليلة، ليلة عيد

qemḥu  T. 57, M. 217,  
 N. 588,     
   bread made  
 of fine flour; compare Heb. קֶמַח, Arab. قَمْح،  
 Syr. قَمْح Eth. ቀመክ :


qemḥi-t  Rec. 31, 167, fine  
 wheaten flour.

مصر طول عمرها بتنتج القمح لحد الكفاية والتصدير، والملك مرنبتاح بعت هدية قمح  
 للحيثيين لما كان عندهم أزمة، ولما اتأخر توريد القمح المصري لبيزنطة (مكانها قريب  
 من منطقة حرب أوكرانيا)، حصلت مجاعة هناك ف أوروبا!  
 أول مرة مصر تستورد القمح، مكش عشان المصريين، إنما عشان قوات الاحتلال  
 البريطاني، لأن الإنتاج بتاعنا سنة 1951 كان يادوب يكفي المصريين!  
 بعد كده تجارنا عرفونا سكة الإستيراد، وقل إنتاج القمح المحلي وزاد الإستيراد!  
 أكثر من سبعين سنة بنستورد القمح! ومحصلش علاج لمشكلة انتاج القمح!  
 الأمة المصرية اكتشفت الزراعة، وكان أول وأهم إنتاجها "القمح"!  
 عشان كده بنشوف غيطان الـ "يارو" المزروعة قمح، جائزة الأبرار!  
 يعني القمح مرتبط بمشوار الحضارة المصرية، مشوار الإنتاج والريادة!  
 يبقى القمح مش مجرد محصول مطلوب ياخد حقه من الرعاية والإهتمام، القمح محصول  
 وطني، رمز من رموز الهوية الوطنية!

2021 /3 /29



## حضر .. حاضر .. تحضير .. حضارة



حتر / حضر = ضرائب

الجذر "حتر" حسب قراءة القاموس بمعنى الضرائب.

انما لما تقرا كل الباب اللي فيه الجذر ده، وتلاقي معاه مرة مخصص السنين [?] [?] [?]

ومرة تانية تلاقي معاه مخصص مربوط الحصان [?] [?]

لازم تراجع المعاني عشان تتصور التصارييف اللي خرجت من نفس الجذر.

☆ "حتر"، هيه "حضر"، بمعنى استحقاق حال وفوري وحاضر!

- تؤمر نقول: حاضر!

☆ ويبقا "المحضر" ده صاحب مهنة من أقدم المهن ف التاريخ وبينافس الدعارة ف

تاريخ وجوده، لأن تاريخ الجباية، هوه تاريخ تنظيم المجتمع واعتراف الجميع بضرورة

الضريبة للصالح العام، ويبقا ده أصل النظام، قصدي "الحضارة"!

☆ الحضارة مرتبطة بالتنظيم الإداري بواسطة تحصيل الضرائب والاستحقاقات!


☆ اللغة بتقول كده، يمكن المصطلح خد أبعاد جديدة، انما هوه ده أصل الموضوع!

- وخليك "محضر" خير!

2021 /3 /26



## طرف .. متطرف

terf , to write, to copy, writing, document.

"أقم الصلاة "طرفي" النهار"

أطراف العقد

الطرف الأول/ الطرف الثاني

- جذرها وأصلها إيه؟

- من المصري القديم بالحرف الهيروجليفي:

ترف/ طرف = نسخة طبق الأصل/ كتابة طبق الأصل

وأصلها من أسامي اسطمبات الكتابة (الطباعة)!

يعني "طرف" تعبير دقيق عن المراكز القانونية، متطابقة ف الحقوق والواجبات قبل

كتابة العقد، والعقد بقا هو الذي يغير ويبديل الحقوق والواجبات دي بموافقة الطرفين

النتين المتساويين!

هتلاقي نفس الكلمة بتصاريف ف معظم لغات المنطقة، العربي والعبري والفارسي

والتركي والأمازيجي والجعزي والتشادي .. لخ!

- ساكنين ف حة "متطرفة"!


- أصل الواد ده "متطرف"، ملموم علا جماعة "متطرفين"!

2021 /3 /25








2022 /3 /4



## تهاني .. تهنية

tehani , to greet, to salute,  
to pay homage by touching the ground with the  
forehead.

التهاني والتحيات والتبريكات!  
تهني جارك لفرحه، أو نجاحه، أو ترقيته .. لخ!  
الكلمة شكلها تصريفة، إنما الواضح من البحث، انها جدر أصلي متصرف وجاهز وتمام  
التمام، بمعنا التحية والمباركة!  
بدليل نفس الجدر بنفس معاني الإحترام والتحيات والتبريكات متكرر، وكمان بحرف  
تاني (دال) بيقبل بطبيعته التصريف!

tehan , see ,  
  
tehani (ta) , ,  
, see , to do homage.

اجلال، مبايعة، احترام، مباركة .. لخ، بيوضحها مخصص الراجل اللي ف النص، اللي  
بيقدم تحية بنفس الطريقة اللي لسة معانا، زاي تحية دخول الصلاة!  
حضراتكو مش محتاجين توضيح إن الكسرة او حرف الإي الإنجليزي اللي ف القاموس  
بسبب منهج النطق الإصطلاحي!

2021 /3 /24



1307

حربة .. حرب .. سنك .. سنك .. سونكي


<b>Gardiner's list codes</b>
F18:Y1-Z4:D21-Z1-Q3-Z7-N34-Z3A
<b>Transliteration</b>
hꜣp
<b>Translation</b>
Sword, dagger


<b>Gardiner's list codes</b>
O34:N35:V31-F20
<b>Transliteration</b>
snk
<b>Translation</b>
Tongue

من أدوات الحرب: السيف والخنجر والحربة والسونكي  
من جدور كلامنا :

☆ حرب = سيف/ خنجر

☆ سنك = لسان/ معدن طول اللسان، ومنها تصريفة  
"سلك"، بشقلبة النون مع اللام، اللي متكررة كثير ف

اسماعيلين بدل اسماعيل، وبراجين بدل براجيل .. لخ!  
الإحتراب، يعني الحرب بالسيوف والخناجر والحراپ!  
بيقا "الحرب" خدت إسمها كناية من أدواتها القديمة.

والحربة أصلها سيف أو خنجر متوصل بإيد من الخشب (رمح)  
السونكي بقاء، هوه الخنجر اللي فوش البنديقية، والقواميس فاكراها كلمة تركي، انما  
جدرها المصري "سنك" سونك كناية من شكل اللسان!

تقول "حربة"، ولا تقول "سونكي" الإتنين مصري أصلي!

تقول "حرب"، ولا "عاركة"، ولا "شكلة"، ولا "خناقة"، بارضو كله مصري أصلي!

2021 /3 /22



1308

سلف .. سلفة .. تسليف .. مسرف .. اسراف



المثل الشعبي يقول: السلف تلف، والرد خسارة  
وفيه فكل مدينة وقرية: بنك التسليف الزراعي  
جدرها المباشر من مرحلة الكتابة بالحرف الهيروجليفي:  
سرف (سلف) = مهلة  
عاوز سلفة = عاوز فلوس بمهلة!  
اتصرف منها:

السرف والإسراف، بعزقة وصرف الفلوس ع الفاضي!  
السلف والتسليف والإستلاف: أصل فلان بيستلف من طوب الأرض!  
والموظفين متعودين يطلبو من شغلهم: سلفة المدارس، وسلفة العيد .. لخ!  
واللي يحب يبقا دوغري: لا يسلف ولا يستلف!

2021 /3 /20



1309

صرف .. تصريف .. مصرف



الجذر "سرف" = راحة/ مساعدة






اتصرف منه حاجات كثير:

- الصرف بتاع البيوت، راحة وتخليص م الزبالة والبواقي!
- الصرف والمصرف بتاع الغيط، راحة للأرض م الأملاح الزيادة!
- الصرف والتصريف بتاع جدور الكلام، راحة وتوسيع وتنويع لمصادر الوعي والتواصل والتأثير والفهم والتعبير!
- الصرف والمصارف يعني البنوك. راحة ومساعدة وشراكة وتبادل ف المنافع!
- الصرف م المدرسة، يعني راحة بعد يوم دراسي وتعب!
- الصرف م الوظيفة، أهو ده بقا اللي إجباري، صعب يكون راحة للموظف، ممكن يكون راحة للوظيفة!

2021 /3 /20



## سيف .. سياف .. سيوفي

sef  ,  , knife ; plur.   
  ; Copt. Ⲭⲏⲩⲉ, Arab. سَيْف, Eth.  
 ስዊፋ : , Syr. ܫܦܐ, Gr. ξίφος.

هنلاحظ إن كاتب القاموس، عرض للتصارييف المختلفة، ف القبطي والعربي والسرياني والجزيري الأثيوبي والجريكي، كلهم نطقو الكلمة زاي أصلها وجدرها المصري السابق ف الوجود والتوثيق بفترات طويلة، توصل لآلاف السنين!

سيف = سيف

الحروف واضحة ف النطق، وكمان المخصص \_شكل السكينة أو السيف- بيحدد المعنا من غير أي التباس أو غموض أو لخبطة!

الطريقة دي ممكن تكون وسيلة تقريب للشعوب، عن أصلها ومصيرها الواحد! إنما مع حفظ الحقوق -من غير سرقة ولا تزوير- والإحترام للخصوصية الحضارية اللي بتوضح شخصية كل جماعة وكل فرد حتا داخل الأسرة الواحدة! ممكن نستخدم اللغة والرموز الثقافية والحضارية بين شعوب المنطقة ف تبادل المصالح، وتعلية سقف المنافع!

نفس الكلمة متكررة ف نصوص مصرية كتير بمخصص السيف المصري أبو إيد معوجة، ومنها تصريفة "سياف" عشاوي بتاع زمان، وصانع السيوف: "سيوفي"!

2021 /3 /20





1311

فرح .. فرحان .. تفاريح .. فرحة



التصريفة سهلة، مجرد شقلمة طبعي بين الواو والفة:

♡ ورح، تبقا فرح [?]

والمعنا واضح: تنطيط ورقص

♡ رقص ومتمعة وسعادة وتنطيط

♡ فرح: حفلة الزفاف [?]

♡ فرح/ فرحة: سعادة وفرحة [?]

♡ اسم "مفرح" يعني مسعد، وصفة "مفرح" وحاجة "مفرحة"!

♡ اسم ووصف "فرحان" بصيغة السعادة المستمرة!


فرحان/ مفرح/ فرح/ فرحة/ فرحانة/ فرحات .. أسامي كتير متصرفة م الفرحة

♡ ربنا يملا أيامنا بالفرح والفرحة

2021 /3 /19



## فلاح .. فلاحة ،، فالح




الفلاحة، كناية من المعالجة والصيانة والتصليح!  
 يعني "الفلاح" اللي بيشتغل ف الأرض، هو اللي بيعالج ويصون ويصلح الأرض،  
 وكمان يطب طب عليها لغاية ما تدي المحصول!  
 الإسم الأصلي لل فلاح المصري القديم: "إحوتي/ إحدوي"، ومنها تصريفة "حوض"،  
 يعني الفلاح هو اللي بيقسم الأرض لـ "أحواض" ويصلحها ويزرعها .. لـ!  
 وزى عادة المصري -ف كل مراحل- بيدي لكل حاجة أكثر من إسم وكناية، استقرت  
 وإستمرت كناية: "ورح" اللي بالتصريف تبقا: "فلح"، ومنها مهنة الـ"فلاح"، وشغلانة  
 "الفلاحة"، و"تفليح" الأرض" ووصف الشاطر الماهر إنه "فالح"!  
 الكناية أصلها من جذر بمعنا العلاج، يعني اسم من أسامي مهنة الحكماء، اللي بيعالجو  
 الناس ويدوهم المراهم والوصفات! بقا اللي بيوالي الأرض، وبيهتم بيها حكيم من  
 الحكماء، يعني "فلاح"!

19م 3/ 2021



1313

بيض .. بياض .. أبيض .. تببيض



البيضة اسم للطيور، بقا مجرد كناية لأهم منتج للطيور: البيض!  
تبادل وصف الكل بالجزء، والجزء بالكل

باييت معناها = طيور + انتاج الطيور (بيض) ؟؟؟  
○ بفكر ان أمي كانت بتنادي ع الطيور فوق السطح أما تيجي تبيتها بالكلمة دي (باييت)، وكنت فاكرها وأعتقد ان هيه كمان كانت فاكرة إن معناها البيات أو حتا دخول البيت!  
فيه جناس لفظي واضح بين "بايت" و "باييت" و كمان "بيت"، انما الحقيقة ان ده إسم قديم للطيور والست كانت بتنادي عليهم بيه زاي ما أكيد سمعته من اللي قبلها واللي قبل قبلها!


باييت باييت بيتك بيتك، يعني ياللا يا طيور ادخلي بيتك!  
البيض اللي كناية من الطيور اللي "تببيض"، يعني الطيور: "البياضة"، بقا كمان كناية عن اللون "الأبيض"، و"التببيض" باللون الأبيض، حتا "تببيض" النحاس زمان، و"تببيض" الرز، يعني فصل قشرة السرس ورجوع لونه الأبيض!!

2021 /3 /18



1314

جعر .. جعير .. جعار



جعر/ جعر = بحث/ تحقيق/ طلب .. لخ!

☆ الجعارة كانت مهنة لها نقابة ونقيب وتوصيات، اللي بينادو ع المناسبات ويبحثو عن الحاجات الضايعة، والإعلانات .. لخ.

☆ الجعارة كانت جهاز إعلامي/ إعلاني قديم

دلوقتي الجعير، يعني الصوت العالي، كناية من وصف للمنادي اللي كان لازم يكون صوته عالي، وإلا محدش هيعرف هوه بينادي علا إيه!


يبقا "الجعار"، مهنة المنادي ☐

- طب، بطلو "جعير" جمب ودني!

2021 /3 /17



## حسب .. حساب .. حاسبة .. محاسبة



معنا وتصاريف الكلمة اللي في الصورة شامل كل العمليات الحسابية والرقمية والتسجيل والمحاسبة والمراجعة والتصحيح .. لخ، لدرجة إن فيه مكان اسمه:

"بر-حسبت/ بل-حسبة" ومعناها = "بيت المحاسبة"، يعني مكاتب المحاسبة وديوان المحاسبة من آلاف السنين يا محاسبين!

2021 /3 /16



## صح .. صحة .. صحيح .. تصحيح .. إصحاح



**Gardiner's list codes**  
O22-Y1A  
**Transliteration**  
*sh*  
**Translation**  
Counsel, advice

ده جدر تاني، اضافي يعني، للجدر "صح" اللي ف الجزء الأولاني: مصادقة !endow  
مفیش جدر لغوي ف الوجود أقدم من الجدر المصري

◇ الجدر "صح" نموذج ومثال ؟

◇ يعني تدور ف القرآن الكريم عن أي تصريفة للصح والصحيح والإصحاح والصحاح  
والصحة .. الخ، مش هتلاقي، رغم إن بعد القرآن بميات السنين موجود تصاريف كتير  
ف الكتب اللي بيسموها تراثية، دليل انها من الجدر اللي دخلت العربي بعد فترة طويلة  
من ظهور وانتشار الإسلام!

حديث صحيح/ صحيح البخاري/ صحيح مسلم/ مختار الصحاح .. لخ!

"صح" من مرحلة الكتابة بالحرف الهيروجليفي = نصيحة/ مشاورة/ إجماع بالرأي  
يعني الجدر المصري بيقولك ان الصح هو اللي أغلبية الناس بتجمع عليه وموافقين  
عليه، حتا لو كان أصله غلط! صح الكلام؟ كلامنا صحيح؟  
حتا الصحة، يعني الحالة الكويسة حسب الظاهر! طب. إزاي الصحة؟  
و"تصحيح" الورق، حسب رأي المساتر والمساطر!

2021 /3 /16



## 1317 جبة وقفطان



### Gardiner's list codes

T25-D58-S27

### Transliteration

*ḡbʾ*

### Translation

Garment (worn by god)

من هدوم الكهنة والمشايخ، نوعين من الهدوم الغالية المخصصة. طلعو من البرابي المصرية. وفضلو لوقت طويل من افخم هدوم الكهنة والملوك. رجالة وستات. دلوقتي لبس مشايخ الأزهر عبارة عن جبة وقفطان. ولبس كهنة الكنايس. مع اختلاف الأشكال والألوان!

الجبة تصريفة من الجدر المصري الأصلي اللي ف الصورة "جبا" ومعناه = هدوم للتشريفة المقدسة والمناسبات الدينية، بيميز الصورة مخصص نول النسيج. القفاطين صناعة مدينة "قفط". ومشهورة ف الكتابات العربي باسم القباطي. مجرد تصريف لنفس الاسم.

قفاطين الستات والعرايس دلوقتي ف الخليج والمغرب من أغلا الهدوم. الجبة هيه هيه الروب الفرنسي اللي بيلبسه القضاة والمحامين دلوقتي.. غيرو الاسم. بس الصنعة أصلها مصري أصلي! لو حافظنا علا كلامنا. ووثقنا أسامي الحاجات. هنحرس ونحفظ حقوقنا.

2021 /3 /14

2020 /10 /16



1318

سجل .. تسجيل .. مسجل .. سجن



**Gardiner's list codes**  
S29-W11-G1-Z4:D21-  
Z1-036-01  
**Transliteration**  
*sgr*  
**Translation**  
Keep, fortress,  
magazine

التسجيل حفظ

سجل، جدر مصري، بالوظيفة والنطق والمعنا!

أصل معناه (سجل) = الحفظ

من مرحلة الكتابة بالحرف الهيروجليفي:

سجر (سجل) = حفظ

\*يعني أول شعب خصص مؤسسة لتسجيل المعلومات!

• سجل مدني/ سجل عقاري/ سجلات (دفاتر واجندات)

• حفظ البيانات (تسجيل)!

• حفظ الإنسان المحكوم عليه (سجن)، بشقلية مع النون!

■ نفس الجدر بنفس النطق (ونقول كثير ان الحروف اللي مخرجها واحد لازم نتعامل معاها وكأنها حرف واحد، يعني الره واللام مخرج واحد) بيقا التسجيل حفظ للمعلومة أو البيان، زاي أصلها وجدرها القديم!

والله زمان، راحت أيام "المسجل" الكاسيت اللي كنا بنسجل ونسمع عليه!

2021 /3 /14





## زيت .. زيات .. زيتي .. مزيتة



من الجذور المصري

"زيت" و "زفت"

○ أول قطعة من الزيت الرايق للأكل إسمها من مرحلة الكتابة بالحرف الهيروجليفي اللي ف الصورة:

"زات"، وبالتصريف الطبيعي "زيت"!

○ ثاني وتالت قطعة بالرواسب واللون الغامق لاستخدامات طبية وصناعية إسمها من نفس المرحلة "زفت"!

السكان اللي كانوا هنا من آلاف السنين لسة معزلوش، فاضلين معانا بجيناتهم وثرواتهم وروحهم وثقافتهم وكمان لغوتهم، يعني بالروح والجينات لسة موجودين ومنورين الدنيا لملايين السنين! أمين أمين أمين!

"المزيتة" اللي الصناعية بيستخدموها ف "تزيت" العربيات!

"الزيات" مهنة اللي بيبيع وبيعصر الزيت، ومدينة كبيرة اسمها "كفر الزيات"!

2021 / 3 / 13



## Transliteration

pšr

## Grammar type

Verb

## Translation

Mix with, fraternize,  
twist (what is said),  
distort (what is said)

الفشر يعني الكذب

وأما حد يتهم واحدة ست تقول:

- فشر، يعني بتعترض ع الكلام!

بس بارضو يقولو عنها: فشارة!

جدر الفشر من مرحلة الكتابة بالحرف

الهيروجليفي اللي ف الصورة:

بشر (فشر) = تشويه/ تحريف/ تقطيع/ فرم/ برم/ لفلفة..لخ!

نفس الجدر، اتصرف منه الـ "بشر"، يعني أما تبشر حاجة، أو تخليها مبشورة بالـ

"مبشرة" بتاعت البصل والبطاطس والجزر والكوسة..لخ!

فشر/ بشر = distrot تشويه/ تحريف/ تقتيت

كمان حبات الدرة المتحصصة خدت اسمها المصري (فشار) من نفس الجدر، باعتبار

التشويه اللي بيحصل فيها بالنسبة لشكلها الأصلي!

أما "البشرية" يعني الإنسانية، لأنهم ف معظم الروايات الدينية المصرية وغيرها-

مخلوقين علا صورة الإله، يعني صورة تقليد للأصل!


2021 /3 /12



## خير .. خيرات .. خيرية .. خيري



الجذر "خر" اللي ف الصورة، لو دورت عليه ف القواميس، هتلاقيه حوالي عشرين مرة بنفس النطق، مرة بمعنا الوقوع ومرة بمعنا النزول، ومرة بمعنا المرض .. لخ! مادام المخصص مختلف، يبقى ضروري ولازم من وحتمن يكون كمان النطق مختلف! قاموس بادج منوع معاني الجذر "خر" حسب المخصصات، وبيتدرج بالمعنا، من معنا الصوت، لصوت الجنة -زاي القبطي- وبعدين المقدس! خير = مقدس



قاموس الست الفرنساوية برناديت موني، جه عند واحدة من الـ "خر" دول وانكتب معناها بالفرنساوي يعني بيعمل حاجة كويسة .. ! Fait du bien

2021 /3 /12



1322

زكا .. نكاء .. تزكية



زكي وزكية وزكوات، دي مش مجرد أسامي، دي أفعال مهمة أوي  
الزكا، حرت يعني تقليب الأرض وتطليع خيرها!  
الذكي، اللي بيقلب الأمور ف دماغه، ويطلع أحسن حاجة فيه!  
التركية، تنقية واختيار أحسن الموجود!

موسم الزكا، يعني العطا، برمهاش روح الغيط وهات، الأرض بتطلع زكاوتها وتدينا  
محاصيلها الشتوية، والفلاحين بيطلعو الزكا للمحتاجين، لأن الزراعة ف مصر القديمة  
كان لها موسمين اتنين: 1- زراعة محاصيل الشتاء شهر هاتور، أبو الذهب المنتور  
عشان فيه حصاد محاصيل الصيف وزرع محاصيل الشتاء (برت)، 2- زراعة محاصيل  
الصيف "شمو" ف برمهاش، وحصاد محاصيل الشتاء!

☆ زكا، موسم تقليب الأرض وحرثها وزراعتها، وكمان موسم العطا من الأرض  
والفلاحين، مرتين ف السنة، مرة ف شهر هاتور ومرة ف شهر برمهاش!

☆ زكا بمخصصين محرات نقبل ونزرع بيه وايد ندي ونزكي ونشتغل بيه!  
بالذمة فيه أجمل من كدة لغة، وأحسن من كدة نظام؟

2021 / 3 / 12



1323

ظبط .. ظابط .. تطبيق .. مطبوع


<b>Gardiner's list codes</b> Aa18-Z1-Q3-Z7-U33- M17-A1
<b>Transliteration</b> <i>spt</i>
<b>Translation</b> Judge

الظابط قاضي وحكم

الظابط مش مجرد ريس أو مشرف!

الظابط مش بس مدير!

الظابط قاضي وحكم!

- ده الدور إللي حدده جدودنا، ووضحه الجدر "زبت"، اللي اتصرفت منه الكلمة

واتحددت بمعناه وظيفة "الظابط"، بالإضافة لجدر معنا الحكمة!

- بنظبط شغلنا

- بنظبط ساعاتنا

- بنظبط مواعيدنا

- وبنظبط الكتابة ع الخط


- ولازم الشغل بيبقا "مطبوط"!

متسمحش لحد يصلحك كلامك الأصلي: ظابط، مش "ضابط"!

من نفس الجدر لغتين: العربي الرسمي (ضابط)، والمصري الشعبي (ظابط)!

2021 / 2 / 11





الخان هو الدكان، أو السوبرماركت، أو البازار، أو السوق، زاي ما القاموس كاتب ف ترجمة معنا كلمة: خان/ خنو!

الحقيقة إن الكلمة دي مظلومة ومتهومة مع الفرس ومع الترك، ناس يقولو متاخدة من اللغة الفارسي وناس تانية يقولو من التركي!

الحقيقة أهيه "خنو" كلمة مصري أصلي، من قبل الفرس ومن قبل أي حد! العكس هو الصحيح، زاي آلاف الألفاظ اللي نقلها الفرس، بعد غزوهم واحتلالهم مصر، ونقلو ونهبو حاجات كتير، من ضمنها مصطلحات من اللغة مكنوش يعرفوها من الأساس، يعني حكاية وجود مكان مخصص للبيع والشراء، ده كان نقلة حضارية كبيرة معرفهاش الفرس إلا بعد غزواتهم الهمجية!


كمان من التصريفات القديمة اللي لسة معانا: "خن" أو "خون" يعني المكان السري!

11م 2/ 2021



1325

غرور .. مغرور .. غل .. غلاوي



الجدر "غر" = سفلي!

بيتصرف منه المشاعر السلبية (الساقلة)!

يعني "غر" والتصریف بالتأكید، تبقا "غرور" مشاعر سفلية/ ساقلة.

کمان "غر" والتصریف بالشقبة، تبقا "غل" بارضو مشاعر سفلية/ سقالة!

مغرور حبيبي كثير

دنیا غرورة وكداية

الغرور سقالة، والمغرور سافل


□ الجدر المصري "غر"، يعني حضيض، اتصرف منه "الغل" و "الغرور"، والإثنين

مشاعر سلبية، سفلية سقالة تحتية!

□ النفس الواطية بتخدع صاحبها وتخليه يشوف نفسه فوق الناس!

2021 /3 /8





فيطير يعني أكل سمين/ أكل فيه دسامة  
 منها وأشهرها عندنا: الفيطير المشلتت اللي بيشر سمنة بلدي  
 إنما من زمان والفطائر أنواع بالجينة وبالفواكه وباللحوم وبالسمك!  
 أي حاجة تحشي بيها العجينة وتدخلها الفرن تيقا "فيطير"!  
 خلي بالك: العبري بينطقها بالبدال (فدر)، والعربي بينطق الفه مفتوحة (فاطير)، انتا بس  
 اللي بتنطقها صح زاي جدك وستك "فيطير"!  
 يعني ايه؟

يعني اللي يقولك مين اللي اخترع الفيطير، حط الصورة دي قدام عينه!  
 الإسم مش مجرد لغة وكلام، الإسم علامة مسجلة، دليل المظهر الحضاري والإبداع  
 الفكري والصناعي، مهما مر الزمان واختلف المكان!

2021 /3 /8


2022 /3 /1





1327

زغرد .. زغرطة .. زغاريد



سغرد/ زغرد/ زغرط = حيوية/ تجديد الشباب/ روح شابة!

اتصرف منها اسم وفعل "الزغرطة"، يعني تطليع صوت الفرحة الطفولية!  
زغرودة [?] حلوة

زغرودة البنات والستات، تعبير طبيعي عن الفرحة، من أجمل العادات!

♡ شجعو بناتكو وستاتكو واطلبو منهم يزغرطو كمان وكمان!

♡ الزغرودة فرحة طفولية

♡ الزغرودة شباب وحيوية


♡ الزغرودة هوية وطنية

اكتبها: زغرودة ، زاي أصلها ماشي، أو تصرفها: زغرودة .. كله مصري أصلي!

2021 /3 /8



## خاطر .. خاطرة .. خضرة .. خطر


<b>Gardiner's list codes</b>
M3:X1*Z1-Z4:D21-Z1-
M3:X1*Z1
<b>Transliteration</b>
<i>ḥtr / ḥtrḥt / ḥtrwt</i>
<b>Translation</b>
Upper rail (of chariot box)

■ أهلنا يقولون كلمة خاطر بدل كلمة عزاء، ومعناها بارضو!

- تعالاً معايأ ناخذ خاطر فلان!

- حاسب عليه لياخذ علا خاطره!

- روح اجبر بخاطره وزوره!

والخاطرة هيه الفكرة الراقية

■ الجدر المصري القديم "ختر" عبر عن قمة الطرف العالي الظاهر!

اتصرفت كناية عن الخضار اللي بيطلع ف ورق النبات، ومنها تصريفة "أخضر"!

■ وكنايات خاطر حزن كبير ومصاب عظيم ف فقيد غالي، وهم وكرب تجاوزه محتاج

تفكير عالي!

♡ باختصار ووضوح:

جدر "ختر" قمة، والخطر قمة الحزن أو قمة الفكر، والخضار قمة الزرع، وقمة



وتصعيد الموقف: "خطر"!

♡ جبر الخواطر عالاللة

2021 /3 /2



tehem , , 

Thes. 1205, , to  
muster an army, to round up men, to drive cattle,  
to attack; var. .



"تهم" = الدفع للخارج/ تبعدها عن نفسك

## التهمة هجوم وحشد ضد الغير!

عشان كده فيه: ممثل الإتهام (النيابة العامة)

مجرد ما توصل لأصل الكلمة، يرتاح بالك!

التهمة ف المجتمع، لوم وهجوم بسبب فعل خارج أو

## حاجة وحشة!

التهمة عند الدولة، لازمها محاكمة وتحقيق قبل ما

## تثبت التهمة!


اتهام الغير / تهمة من الغير / متهم!

Brugsch, H., Thesaurus Inscriptionum Aegyptiacarum> Abth. i-vi

شرح للكلمة من مصدرها عند الألمانى: بروجش in i vol. Leipzig، 1883-91.

2021 /3 /1





"نور-ع/نور"، النور من منتجات الشمس!

التنوير من النور الساطع الكاشف للعيوب.

كمان جدره اللغوي من "نور" المكتوبة من مرحلة

الكتابة بالحرف الهيروجليفي اللي ف الصورة.

ومعناها هنا؛ ١- مرة يقصد طير البلشون أو أبو

قردان بلونه الأبيض الساطع.

٢- ومرة ثانية يقصد الوز الأبيض. والأتنين بيقبلو

الأرض بمناقيرهم الجامدة، وبغيرو حالة الجمود

والسكون، عشان يطلع اللي جوه الأرض!

٣- مرة تالته نلاقي نفس الجدر "نور" بمعنا هزة

الأرض ورعشة السما "رعد" اللي بارضو بيطلع

منها نور ساطع وكاشف!

كل ده، غير الجدر الأصلي اللي بيحسم المسألة، وإن النور من الشمس!

■ ده هوه أساس وجدر كلمة النور والتنوير من اللغة المصرية القديمة اللي حروفها كلها


من الطبيعة، وتعتبر عن الظواهر الطبيعية، وتحولها لكنايات بتعبر عن الظواهر الأدبية

والمعنوية!

2021 / 2 / 28



## نبيل .. نبيلة .. noble .. نبلة .. تنبل




تعبير عن الأصل الطيب، الأعيان، عليّة القوم، المسؤولين الكبار .. الأمرا والأميرات ..  
 لخ! أصلها وجدرها "نب-بر" و "نب-برت"!  
 شقلبة الره واللام حاجة طبيعية وعادية عشان مخرجهم واحد!  
 دخلت العربي بعد دخول مصر، عن طريق ديوان الإنشا المصري!  
 لأنها مش موجودة لا ف القرآن ولا حديث صحيح ولا شعر قديم، ولا أي حاجة أقدم من  
 رسايل ديوان الإنشا المصري!  
 دخلت اللغات الأوربية بالتصريف المشهورة ف كل لغات العالم دلوقتي:  
 noble، ومنها -بالطبع- اسم صاحب جائزة نوبل!  
 ولأن الجدور المصري بتبدأ بالإسم، وتتصرف منه الأفعال وأسامي الفاعل والمفعول  
 والصفات، اتصرف منهم اسم:  
 "النبلة" أداة أو وسيلة الصيد والحرب، لأنها كانت وسيلة خصوصي مرتبطة بالقادرين  
 من عليّة القوم!  
 وكمان تصريف "تنبل" وصفة "التنبلة" يعني الشخص الكسول العاقل اللي مبيشتغلش  
 عشان أبوه "النبيل" أو أمه "النبيلة" بيصرفو عليه!

2021 / 2 / 27



## بصمة وراثية فأسامي البلاد

**Per neha** , a district  
of Athribis; Copt. Π&Π&εο, Arab. **بنها**,  
Benhâ.

أسامي البلاد المصرية القديمة عاملة زاي البصمة الوراثية:

- البلاد اللي بتبدأ ب "ميت كذا"، زاي: ميت غمر/ ميت سلسيل/ ميت العامل/  
ميت رهينة/ مينة غزال/ ميت بزو (ميت النور)/ ميت فارس/ ميت يعيش/  
ميت دمسيس/ ميت أبو خالد/ ميت بدر حلاوة/ ميت الخولي/ ميت طريف/  
ميت سويد/ ميت سهيل/ ميت سراج/ ميت سمود/ ميت سعدان/ ميت  
الصارم/ ميت ام صالح/ ميت علي/ ميت عفيف/ ميت علوان/ ميت عاصم/  
ميت عساس/ ميت عقبة/ ميت عباد/ ميت جراح/ ميت جابر/ ميت مزاح/  
ميت معلا/ ميت مجاهد/ ميت معاند/ ميت مسعود/ ميت موسا/ ميت محمود/  
ميت محسن/ ميت شريف/ ميت شهالة/ ميت شابورة/ ميت شماس/ ميت  
أشنا/ ميت غريطة/ ميت خميس/ ميت خيرون/ ميت عزون/ ميت عوام/  
ميت لوزة/ ميت مزاح/ ميت العز (منية البصل)/ ميت خضير/ ميت الغرقا  
(ميت الكرما)/ ميت القمص/ ميت النحال/ ميت حديد/ ميت شرف/ ميت  
ضافر/ ميت فارس/ ميت عدلان/ ميت زنقر/ ميت نابت/ ميت عافية/ ميت  
القصري/ ميت قادوس/ ميت البيضا .. لخ، لأن "ميت" = طريق/ ناحية/  
اتجاه.

- أو "منية كذا"، زاي: منية سمود/ منية مسير/ منية جناح/ منية الحيط/ منية  
سندوب/ منية النصر (النصارى)/ منية شنتنا عياش/ منية المرشد (مرشد)/  
منية عطية/ منية السيرج/ منية محلة دمنة/ منية سلمنت/ منية السباع/ منية

الرقعة/ منية سنتا/ منية شبين القناطر/ منية بدواي/ منية طوخ دلقة .. لخ،  
لأن "منية" = مرسا/ مينا للمراكب النهرية، ومنها إسم محافظة ومدينة "المنيا"  
وإسم مدينة "منيا القمح"، وقرية "المنية" مدينة الخانكة!

● أو "كفر كذا"، زاي: كفر الشيخ/ كفر الزيات/ كفر الدوار/ كفر شكر/ كفر  
صقر/ كفر طهرمس/ كفر حكيم/ كفر سعد/ كفر سنباط/ كفر بساط/ كفر  
صليب سلامة/ كفر عبده/ كفر عوض/ كفر عشنا/ كفر عشوش/ كفر  
عشري/ كفر علام/ كفر عصام/ كفر غطايطي/ كفر غنام/ كفر شنوان/ كفر  
عسكر/ كفر جرزة/ كفر وهب/ كفر النصارى (شرقية)/ كفر العرب/ كفر  
داوود/ كفر البطيخ/ كفر سعد/ كفر الترعة/ كفر المنشي/ كفر الجنية/ كفر  
الجرايدة/ كفر الجبل/ كفر الجمال/ كفر الجراية/ كفر جاويش/ كفر جندي/  
كفر الجلاطة/ كفر الشناوي/ كفر الشهاوي/ كفر الشوريحي/ كفر الشبع/  
كفر الشرفا/ كفر النجبا/ كفر اللاوندي/ كفر السوالمية/ كفر بدوي جرجس/  
كفر السواقي/ كفر السحيمية/ كفر السلامية/ كفر السبيل/ كفر السكرية/ كفر  
السابي/ كفر السادات/ كفر المياسرة/ كفر المنازل/ كفر المرازقة/ كفر  
المندره/ كفر طنناح/ كفر ميت فاتك/ كفر دملاش/ كفر الدبوسي/ كفر دميرة/  
كفر بهيدة/ كفر بهوت/ كفر الأمشوطي/ كفر تلبانة/ كفر شبرا هور/ كفر  
طنبول/ كفر الشنهاب/ كفر حجاج/ كفر سنجاب/ كفر الزهايرة/ كفر الوكالة/  
كفر الطويلة/ كفر دمرو/ كفر سرنجا/ كفر طنبندي/ كفر فيشا/ كفر الحما/ كفر  
عليم/ كفر زرقان/ كفر السنابسة/ كفر صراوة/ كفر قورص/ كفر عون/ كفر  
سنجلف/ كفر دنشواي/ كفر سرساموس/ كفر مليج/ كفر هورين/ كفر  
سماليج/ كفر المصيلحة/ كفر بلمشط/ كفر الترعة/ كفر الحطبة/ كفر  
البسطويسى/ كفر فيالة/ كفر الصولية/ كفر حلاوة/ كفر لبس/ كفر الكوادي/  
كفر مطاي/ كفر أبجيج .. لخ، لأن "كفر" = مزرعة/ منطقة زراعية!

- أو "عزبة كذا"، زاي: عزبة النخل/ عزبة الهجانة/ عزبة سرسو/ عزبة سريوة/ عزبة سرسق/ عزبة البوصة/ عزبة شلبي/ عزبة الصعايدة/ عزبة جبريل/ عزبة خيرالله/ عزبة السكن / عزبة بلقطن/ عزبة كوم القدح/ عزب الأوقاف/ عزب قرطسا وطاموس/ عزب نقرها/ عزبة طرابنبا (طرابمبا)/ عزبة بسطرة/ عزبة جاد/ عزبة صبحي/ عزبة شومان/ عزبة وابور النور/ عزبة هواره/ عزب الطرانة/ عزبة الطوابة/ عزبة أبو قرن/ عزبة المنتشار/ عزبة وهبة/ عزبة فكيهة/ عزبة جبريل .. لخ، لأن "عزبة" = مزرعة/ ريف!
- أو "واحة كذا"، زاي: واحة سيوة/ واحة الفيوم/ واحة الفرافرة/ الواحات البحرية/ واحة الداخلة/ واحة الخارجة، واحة العينات، واحة الضباب، لأن الجدر "واحة" = واحة/ أرض مسكونة ومزروعة وسط الصحرا والجبال!
- أو "وادي كذا"، زاي: وادي النيل/ وادي خوف/ وادي النطرون/ وادي حيتان/ وادي الريان/ الوادي الجديد/ وادي سينا/ وادي العريش/ وادي الجرافى/ وادي رحية/ وادي الإحصاء/ وادي سدر/ وادي وردان/ وادي عمارة/ وادي غرندل/ وادي وسيط/ وادي الحمر/ وادي الطيبة/ وادي سوق/ وادي حبوس/ وادي بعبع/ وادي المالحة/ وادي أم جراف/ وادي الشيخ/ وادي الدير/ وادي فيران/ وادي حبران/ وادي السدرة/ وادي لبن/ وادي الشلال/ وادي دجلة/ وادي كركر/ وادي عديد/ وادي يهيمب/ وادي فروكيت/ وادي سرارة/ وادي خريط، حتا "وادي حلفا"، قبل مايقا فيه حاجة اسمها "السودان"، لأن الجدر "ود/ واد/ وادي" = أرض/ موقع بينظم مصبات الترع وفروع الأنهار ومجاري السيول!
- أو "طا/ ط كذا"، زاي طربول/ طرخا (طلخا)/ طرابمبا/ طلا/ طليا/ طليمة/ طرشوب/ طرفا/ طموه/ طنناح/ طوخ/ طحا/ طليا/ طليمة/ طنط/ طنط/ طما/ طهطا/ طهنا/ طوة/ طنبدى (طمبدى)/ طنبو/ طنسا/ طمها/ طنان/ طحلة (طحلا)/ طحانوب/ طحوريا (طحوريه)/ طنوب/ طنبنشا/



طبلوها (طبلوهه) // طنبوها (طنبوها) // طنبارة / طرينة (طينا) // طرائيس / طهواج / طهواي / طماي / طنيخ .. لأن الجدر "تا/ طا" = أرض، بنفس الطريقة اللي فإسم مصر "تا-مري" يعني أرض الحبيبة!

- أو "كوم كذا"، زاي: كوم حمادة/ كوم امبو/ كوم أو شيم/ كوم الدكه/ كوم الشقافة/ كوم هتيم/ كوم الرمل/ كوم البجا/ كوم النحل/ كوم-بره/ كوم بوها/ كوم اسفحت/ كوم البصل (جواد حسني)/ كوم النور (كوم البول)/ كوم حفين/ كوم الفرج/ كوم شريك/ كوم اليهودي/ كوم الراهب/ كوم الضبع/ كوم القدح/ كوم البوص/ كوم القناطر/ كوم حلين/ كوم حفص/ كوم الدربي/ كوم بني مراس/ كوم المحرص/ الكوم الأحمر/ الكوم الأخضر/ كوم الأطرون (النطرون)/ كوم ادريجة .. لخ، لأن "كوم" = تجميعه عاليه/ بلد قديمه/ تقسيمه قديمه!

- أو "شبرا كذا"، زاي: شبرا مصر/ شبرا الخيمة/ شبرا خلفون/ شبراخيت/ شبراريس/ شبرامنت/ شبرا ملس/ شبرا اليمن (يمنت)/ شبرا بلولة/ شبرا النملة/ شبرا النخلة/ شبرا النونة/ شبرا نبات/ شبرا البهو/ شبرا السلام (مقمص)/ شبرا بابل/ شبرا بيل/ شبرا بخوم/ شبرا باص/ شبرا قاص/ شبرا العنب/ شبرا تنا/ شبرا شهاب/ شبرا ويش/ شبرا هارس/ شبرا قبالة/ شبرا ملكان/ شبرا دمنهور/ شبرا صورة/ شبرا سندي/ شبرا بدين/ شبرا طو/ شبرا هور/ شبرا زنجي (شبرا مقمص)/ شبرا بتوش/ شبرا خلفون (شبرا جلجتون) .. لخ، لأن "شبرا" = غيط/ مساحة زراعية، ولأن الجدر الهيروجليفي "شبرت/ شبرة" = مصب للنهر (الترع) أو للسيول!

- أو "دمي كذا"، زاي: دمنهور/ دمياط/ دملا/ دملو/ دمليج/ دملاش/ دمشيت/ دمشلت/ دملشت/ دمشاو/ دمشير/ دمشلي/ دمرو/ دمهوج/ دماريس/ دموه/ دماص/ دماط/ دماريس/ دميت/ دمتيوه/ دمتتو/ دمسيس/ دمسنأ/ دمشيا/ دمي (تمي) // لخ، لأن "دمي" = مدينة!

- أو "سن كذا"، زاي: سندوب/ سندوه/ سنباط/ سنهاور/ سنهرة/ سنهوا/  
سنور/ سنطيس/ سنطة/ سنيطة/ سنتماي/ سنورس/ سنتريس/ سندبيس/  
سنهوت/ سنجها/ سنخت/ سنديون/ سندبسط/ سنجرج/ صنصفط (سنسفت)/  
سنفا/ صندفا (سندفا)/ سنبو (صنبو)/ سنجيد/ سنجلف/ سناديد (صناديد)،  
سنارية/ صنافير (سنافير)، وکمان بأداة تعريف سنيت (أسنيت)، وبشقلبة الزين  
والسين، سنكلون (زنكلون)، وسنارة (زنارة)، لأن "سن" يعني = ممر/ مدخل،  
بس "سن" بتتصرف بالشقلبة مع "سم"، زاي: سمهود (سمهوت/ سنهوت)/  
سمنود/ سمالوط/ سمادون!
- أو "شن كذا"، زاي: شنهور/ شنشور/ شنوان/ شنو/ شندورة/ شنبارة/  
شنباري/ شنباب/ شندويل (شندويد)/ شنراق/ شننتا/ شنشا/ شنفاص  
(شنفاص)/ شنرا/ شنوفة/ شنطوف/ شنديد/ شنيسة/ شنذلات/ شندورة/  
شنري (شنرا) .. لخ، لأن "شن" = حلقة/ دايرة، ومنها طبعن اسم دايرة  
(خراطيش) حفظ الأسمي الملكية "شن"!
- أو "منشية كذا"، زاي: منشية البكري/ منشية غمرين/ منشية جريس/  
منشية سيف/ منشية الخضر/ منشية سروري/ منشية عبد القادر/ منشية  
بسنديلة/ منشية المعالوة/ منشية المغالقة/ منشية الحواصلية/ منشية صبري/  
منشية السلام/ منشية الشرفا/ منشية الغربي/ منشية عبد الرحمن/ منشية  
رضا/ منشية عزت/ منشية البدرابي/ منشية عاصم/ منشية الجمال/ منشية  
سلطان/ منشية الجنيدي/ المنشية الكبيرة/ المنشية الجديدة/ منشية بنها/ منشية  
دهشور/ منشية كاسب/ منشية القناطر/ منشية رضوان/ منشية سليمان/  
مناشي (المناشي)/ منشية حلفا/ منشية دعبس/ منشية الساوي/ منشية الذهب/  
منشية اليوسفي/ منشية سمهان/ منشية بديني/ منشية منقطين/ منشية منبال ..  
لأنها من الجدر "منش" = تحويطة/ ضاحية، وحصل تعريب الكلمة لـ

"منشأة"، أما الأقرب لأصلها المصري زاي ما المصريين بينطقوها: "منشية"  
و"مناشي"!

● أو "صفط كذا"، زاي: صفط اللبن/ صفط القدر (صفط تراب)/ صفط  
الخمير/ صفط راشين/ صفط الحنا/ صفط العنب/ صفط جدام/ صفط زريق/  
صفط الحرية (صفط الملوك/ المملوك)/ صفط الشرقية (صفط ميدوم)/ صفط  
الخرسة (الخرسا)/ صفط العرفا/ صفط النور/ صفط أبو جرج/ صفط خالد ..  
لأنها من الجدر "سفت/ صفط" = أرض متطرفة كانوا يبخزنون فيها الزيوت  
(خاصة زيت الزفت) والحجارة، ويسحبونها حسب الحاجة والطلب، ومنها الـ  
"سفت" أو الـ "شفط" = السحب، ومنه "سفت" عبوة خزين موجودة لغاية  
دلوقتي ف الصعيد!

● أو "زاوية كذا"، زاي: زاوية أبو مسلم/ زاوية أبو سويلم (زاوية أم حسين)/  
زاوية جروان/ زاوية الناعورة/ زاوية رزين/ زاوية بلتان/ زاوية النجار/  
زاوية دهشور/ زاوية ثابت/ زاوية الجدامي/ زاوية برمشا/ زاوية حاتم/  
زاوية سلطان/ زاوية المصلوب/ زاوية النواية .. لأنها من الجدر "ساوت/  
زاوت/ زاويت" = مقابر منزوية/ اركان بعيدة!

● أو "أبو كذا"، زاي: أبو تشتت/ أبو تيج/ أبو قرقاص/ أبو شوشة/ أبو  
قراميط/ أبو شريف/ أبو طه/ أبو سنيطة/ أبو رجوان/ أبو صير/ أبو رواش/  
أبو الهدر (بو الهدر)، أبو العباس/ أبو جرج/ أبو الصفا/ أبو حسيبة/ أبو  
حنس/ أبو بشت/ أبو بشادة/ أبو هدري .. لخ، لأن "أبو" من أداة الإضافة  
المصرية القديمة "بو"!

● أو "سر/ سل كذا"، زاي: سرنجا (سرنجه)/ سرس/ سرس الليان/  
سرسموس/ سلامون/ سلامون القماش/ سلكا (سلكه)/ سلمنت/ سللنت/  
سرسنوف (صرصنوف)/ سراوة (صراوة)/ سريوة/ سرو/ سروهيت/  
سرياقوس/ سرقنا/ سلاقوس (سراقوس)/ سرنباي (سرنباية)/ سرسيقة .. لأنها

من الجدر "سر" = سكن أو مقر أميري، ومنه تصريفة "سراية/ صراية/ سراي"!

● أو "شر كذا" زاي: شربين/ شرباص/ شرانيس/ شرشابة/ شلقان (شرقان)/ شلقام (شرقام)/ شلشلمون/ شليشة/ شلش/ شرارة/ شرمساح/ شرنقاش/ شرويدة/ شرنوب .. لأنها من الجدر "شر" = صغير، ومنها فكلامنا الحالي: السمك الشر = السمك الصغير!

● أو "منذ كذا"، زاي: منف (من-نفر)/ منوف/ منقباد/ منفلوط/ منقطين/ منبال/ منهرو/ منقرش/ منيحة/ منتوت/ منسافيس/ منجوج/ مناوهلة .. لأنها من الجدر "من" = الباقي/ الدائم، كناية من اسم النثر "من/ مين"!

● أو "بل/ بر كذا"، زاي: بليس/ بلقاس/ بلقس/ بلكوس (بلاكوس)/ بلتان/ بلتاج/ بلجاي/ بلاي/ بلطيم/ بلكيم/ بلاط/ بلاص/ بلصفورة/ بلمشط (بلمشت)/ بلقطر/ بلقين/ بلشاي/ بلشاشة/ بلهاسة/ بلايش/ برمبال (برنبال)/ برمبل (برنبل)/ برقاش/ برطس/ برسيق/ برما/ برمنت/ برديس/ برنيس/ برديش/ برنشت/ بردين/ برقطا/ برقين/ رهمتوش/ بردنوها/ بردوبل/ برلس/ برشا/ براجيل/ برطباط/ براشيم/ بروي/ فرشوط (برشوط) .. لخ، هنا الأصل "بر" = بيت/ مقام، حصل لها تصريف يعني ممكن تلاقيها بالره وباللام ف نفس المكان، زاي "برامون" و "بلامون"، أو تلاقي حصل اختصار وفضلت البه بس، زاي "بنها" أصلها "بر-نها" و "بهبيت" أصلها "بر-حببت" و "بيلا" أصلها "بر-را"، وبطا وبيا وبحطيط وبحقيرة وبدواي وبدين وبلتاج وبوريچ وباجور وبهرمس وبهנסا وبنبان وبنديرة وبنوفر وباويط وباسوس (بيسوس) وباقور وببلاو وباويط (بويط) وباروط وباها وبلغيا وبنجا وبنهو وبهنموه وبمها (بماهو) وبهناي وبهنة وبسيون وبساط وبسنديلة وبسطرة وبشتيل وبشمور وبشلا وبشبيش وبشنين وبشلاو وبشالوش وبشمس وبشتامي وبتبس وبصرة وبطرة وبقلولة وبهجورة وبجهور وبقيرة وبقسا وبقطارس

وبقلية وبهوت وبهيدة وبهتيم وبهتون وبهدال وبهواش وبولاق وبيلوق وبويط  
وبنا وبانوب، وبخانس وبويط، وبطاخ وباجا وبجيرم وبجلات وبطينة وبصونة  
وبجا (كوم البجا)، وبارضو نتصرف "بر" بالشقبة تبقا "فر"، زاي: فرشوط/  
فرسكور/ فرسيس/ فرامون/ فرهاش/ فرنوي!


نقدر نضيف مع دول البلاد اللي بتبدأ بإسم "غيط كذا" زاي غيظ العنب وغيظ  
الصعيدي وغيظ النصارى .. لخ، لأن "غيظ" من الجدر "غت/ غات/ غيت" = مستتقع،  
أو "محلة كذا" زاي محلة انجاق ومحلة منوف ومحلة اللين .. لخ، لأنها من الجدر  
"محور/ محول" = برج الحمام، أو "تل كذا" زاي تلا وتل حوين وتل روزن وتل  
مسمار .. لخ، لأنها من الجدر "تر-تي" = مكان عالي/ مكان وقوف الطيور، أو "سرس  
كذا" زاي سرسنا وسرس الليان وسرسموس .. لخ، لأنها من الجدر "سرس" = مشهد،  
أو "نزلة كذا" زاي نزلة السمان ونزلة باقور ونزلة الشوبك .. لخ، لأنها من الجدر  
"نسر/ نزل" = وصل، أو "سبك كذا"، زاي سبك وسبك الحد وسبك الضحاك، لأنها  
من الجدر "سبك" اسم قديم للتمساح واسم مهنة قديمة لمعالجة جلد ولحم التمساح  
والحيوانات، أو "ساحل كذا" زاي ساحل البحر/ ساحل الغيظ/ ساحل سليم .. لخ، لأنها  
من الجدر "ساحر/ ساحل" = بروز/ نتوء، "وغير كده تصاريح كثيرة من جذور اللغة  
المصري القديمة، اللي بتعلن بوضوح عن البصمة الوراثية لأسامي بلادنا والبلاد اللي  
حوالينا!

معلش طولت شوية ف البوست ده، لأن الموضوع هنا مختلف وف غاية الأهمية، وإن  
أسامي البلاد دايم بتكون ف المواجهة بالنسبة لسؤال الهوية، وقدام مد التيارات اللي  
بتعادي رموز الهوية المصرية، حاولت أقوم بدوري ف تسجيل شوية أسامي ممكن نصحا  
الصبح نلاقيها اتغيرت!

2021 / 2 / 26



## نول .. منوال .. نوال .. منال



“نول/ نوال” = حبل / رباط/ خيط

من الجذر "نول" عرفنا إسم آلة النسيج اليدوي  
اتكون إزاي وبقا الإسم المصري الخالص: "نول"،

يعني الآلة خدت إسم الخيط اللي بيتركب فيها!

بدأت إختراع آلة النسيج "نول"، بإطار خشبي

بسيط، بتثبت فيه الخيوط باخرام أو أوتاد أو مسامير

بعد كده، وبالتبادل بين الخيوط المتعامدة بيتم إنتاج

قماش مساحته مساوية لمساحة النول، بعد كده

اتطورت الأنوال لأنواع الأمشاط والشرائط، وبعدين

الأنوال الكبيرة الجماعية .. لخ!

بارضو الجدر اتصرف بالكنايات، عن الوصال والإستمرار، أما نقول: "منوال"!

بنفس المنوال = بنفس الطريقة = نفس الحبل والرباط الواحد!

ومنه إسم "نوال" و"منال" .. لخ!

فيه شرح للجدر من المصدر عند العالم الكبير "البيسيوس": C، Lepsius،

Denkmdler aus Aegypten und Aethiopien. Berlin، 1849. 4<sup>vo</sup>. s-<sup>nd</sup>


.twelve volumes of plates، large folio

2021 /2 /25



1334

## فط .. فطوطة .. نط .. نطاط .. فوت



كلمة "فط" عند الصعابدة، يعني نط، أو اجري بسرعة وانتطط .. لخ!

- فلان جاي بيפט!

جدرها من مرحلة الحرف الهيروجليفي "إفد"، ومن مرحلة الحرف القبطي "فوت"،

والإثنين بمعنا النط أو القفز، بالظبط زاي ما بنقولها دلوقتي: فوط!

خلاص بقينا عارفين إن الثه والته والدة والدة والطة والضاد، وكل حروف المخرج الصوتي

الواحد بتتشقلب مع بعض، حسب العادات اللغوية لكل مكان ولكل شخص!

يبقا "إفد" الهيروجليفي، و"فوت" القبطي، بقت "يفوط/ فوط" المصري الحالي!

نفس الكلام نقدر نطبقه مع الجدر "نود" من مرحلة الحرف

الهيروجليفي، بمعاني الحركة والتنطيط!

يعني تقول: "فوط" أو تقول "نوط"، الإثنين كلام مصري

من جدورنا الأصلي!

2021 / 2 / 24


[Nabil Hamed](#) المفردة لها كرامة وعمر مديد، منها :

فطوطة و أبو النطيط!



1335

## سخي .. سخية .. سخا




ستنا سخية ، زاي ستنا مريم وستنا زينب، كان زمااااان عندنا ستنا "سخية"! ربة البراري والمستنقعات، رمز للخير الطبيعي اللي مملوك للجميع! النثرة سخية أو ستنا سخية دورها ف حياة جدودنا زاي دور ملكة الغابة ف حواديت أوروبا، ببسمحو لكل اللي يدخل الغابة وكل اللي يوصل للمستنقع إنه يعيش وسط الشجر والنقعات زاي الطيور والسماك وبقية الحيوانات، الكل من حقه يعيش! عطايا ستنا سخية ملهاش حدود، فاكهة وخضار وسماك وطيور ولبن وعسل وماية، خير مجاني لكل اللي يعيش ف حمايتها! كل حاجة موجودة، وكله ببلاش، كرم ملوش حدود، الا ف خيالنا! ستنا سخية ربة ونذيرة متقدسة من غير مقام ومن غير بربا ومن غير كهنة ومن غير طقوس وأهم من ده وده، من غير نذور ولا قرابين! من اسم الشخصية الأسطورية دي "سخية" اتصرفت معاني السخا! والسخي هوه الكريم الزاهد، ولسة ف براري كفر الشيخ مدينة "سخا"!

2021 / 2 / 13





## زبد .. زبدة



عارفين السنة المصرية بتبدأ بآيه؟  
 برؤية شروق النجم (سبدت)، مع شروق نجم الشمس (رع)!  
 منظر مبيتكررش، بيجي مرة واحدة كل 365 يوم، هيه دي بداية السنة، اللي بنحتفل بيها  
 مع بعض يوم (1 توت)، الموافق 11 سبتمبر، كل سنة!

### #راس السنة المصرية

(سبدت) نجمة ف السماء، استخدمها المصري القديم كناية عن أي حاجة فوق!  
 سبدت/ زبدت/ زبدة = النجم سبدت/ نجم الشعرا اليمانية/ sirius  
 شافين الحروف اللي استخدمها الفنان المصري للتعبير عن كلمة (سبدت)، أول حرف  
 رمز الـ (مر) = هرم، انما لأن الهرم وسيلة المصري لرصد النجوم، استخدمه هنا  
 للتعبير عن صوت ومعنا (سبدت)!  
 عارفين الـ (زبدة) بتتعمل اززاي؟


الزبدة مادة دهنية، بيتعمل خضة لـ اللبن، وبعد الخض بتعوم الزبدة ع الوش، ونقدر  
 ناخذها بإيدنا، زاي الفلاحين ما بيعملو لغاية دلوقتي!  
 (زبدة) تصريف وكناية عن اسم نجمة العلال، أمنا العظيمة ايزيس (الست زبدة)!

2021 / 2 / 13

2018 / 3 / 29



1337  
فرخ .. ورق



من إبداعات عالم المصريات الكبير أحمد باشا كمال ، تصاريف الجدر المصري  
"وارخ" اللي ف الصور، وبالتصريف بالشقلمبة "فارخ/ فرخ".

وارخ: منبت/ مخضر .. للزرع.

وارق: زرع مخضر بأوراق خضرا

ورق: من منتجات عيدان الزرع، وقشر الشجر!

مورق: فيه ورق!

فرخ: كل صغير من نبات وحيوان

فراخ: طيور صغيرة لذيذة يشتهيها الإنسان. لحم وبيض  
منهج رائع وسابق لعصره، متحرر من قيود وكلكعة  
الدارسين الكلاسيكيين المنبهرين بالخواجات، وكل اللي  
اللي بيتعاملو مع اللغة وكأنها حجر جامد أخرس.

● رحمة ونور لروح العالم الكبير، والوطني

الكريم، المولود ١٨٥١. والمتوفي ١٩٢٣

2020 /12 /20



## الفهرس

3	تمهيد
3	لغة الأسامي
4	من أسباب الشبه بين المصري والعربي
7	حدود اللغة
9	أصل الحروف
10	اللغة الأقرب للمصرية القديمة
14	مصر
16	خطة الكتاب ف تاني جزء
19	رشح .. رشاح .. مرشح .. نشع
20	النوم .. نايم .. منوم
21	ميغا .. ميغا mega
22	عك .. عكة .. عكاك .. معكوك
23	فانوس
24	صون .. صان .. يصون .. صيانة
25	زعل .. زعلان .. سعر .. سعران
26	باقة .. باقية

- 28 عرق .. عراقة .. علق .. تعليق .. قعر .. تقعر
- 30 برق .. بريق
- 31 زقم
- 33 شمال
- 34 ايجبت .. ايجيتوس .. قبط
- 36 شرق .. شراقي
- 37 شطح .. شاطح .. شطحة
- 38 نبيت .. حلاوة .. بيرة
- 39 حول .. حوال .. تحويل .. محول
- 41 سمس .. سمس
- 42 لوم .. ملامة
- 43 كت .. كد .. كوة .. شغل .. عمل
- 44 حمل .. تحميل .. حمال .. حمولة
- 45 ألف .. ألفة
- 46 حاج .. حجاج
- 47 سمن .. تمن
- 48 بلد .. بلدي .. بليد .. بلادة

50	شتا .. شتوي .. مشتتا
51	برد .. بارد .. برودة .. تبريد .. براد
52	شبكة
53	كحك .. كحك .. كيك
54	نصف .. نضافة
55	ستف .. تستيف
56	طهر .. تطهير .. طهارة
57	غسل .. غسيل .. غسالة
58	محر .. محارة .. تمحير .. لباساة .. كسوة
59	صبح .. صباح .. صبح
60	ولد .. والد .. ميلاد
61	نسب .. نسبة .. نشب .. نشابة
62	كب .. كوب .. كوباية
63	سفر .. مسافر
64	حي .. حياة
65	حبل
66	كنية .. كناية .. قناني .. قانون

67	كمن .. كمين .. كامن .. مكنون .. كمون
68	شماعة
69	أوام
71	هدم .. هضم
72	بنورة
73	راح .. مرواح .. راحة .. مراوح
74	ندر .. نادر .. نذور .. نظر .. نضر
75	طري .. طراوة
76	فصادة .. أبو فصادة
77	جرف .. تجريف .. جاروف .. رغيف
78	لون .. تلوين
79	جلي .. تجلي
80	حن .. حنان
81	مروة .. مراوي .. ري
82	دب .. دبداب
83	حرق .. حريقة
84	شهاب .. أشهب .. شهيب

85	حجر
86	بطل .. باطل .. بطل .. مبطل
87	بوسة
88	كفر
89	كبريت .. كبريتات .. كبريتيك
90	دفة .. ضفة
91	والي .. ولاية .. مولاي
92	جرح .. قلع .. جلع
93	درب .. طرب .. طلب
94	عضو .. عضوية
95	نوفل
96	سينا .. سيناء .. sinai
97	عجلة .. عاجل .. مستعجل
98	ساح .. سياح .. سياحة
99	بلل .. مبلبل .. مبلول .. وبال .. بول
100	شرع .. شارع .. شريعة .. مشروع
101	عبد .. عابد .. معبود

- 102 سأل .. مسئولية .. تسول
- 103 عبري .. عابر .. عبير
- 104 دين .. ديان .. ديانة .. ديوان
- 105 ضبط .. مضبوط
- 106 حين .. حياني .. متحين .. أحيان
- 107 دوري .. دوران .. دورة
- 108 حرك .. حركة
- 109 ولية .. ولاية
- 110 هدم .. هدمه
- 112 رفعة .. رفعت .. رفيعة .. رفاة
- 113 شاكب راكب
- 114 موصطفا .. سامي .. سنف .. تستيف
- 115 قبس .. كبس .. كبش
- 116 جنة .. جنينة
- 117 براوة .. براقو .. Plus
- 118 صلاة .. اتصالات .. مواصلات
- 119 سمير .. سامر .. سميرة .. زميل .. مزاملة



121	حد .. حدانا .. حدود .. تحديد .. محدود
122	تونا
123	مشط .. مشاط .. تمشيط
124	رمد .. لمط .. لمد .. لمبة .. lamp
125	منفحة
126	شجرة .. شكلة .. إشكال .. مشاكل
127	وفا .. توعية
128	ساحل .. ساحلية
129	إن
130	كد الشعر .. كداية
131	بغاشة .. حلاوة .. باسطة .. كثافة .. بسبوسة
135	صورة .. تصور .. تصوير .. مصوراتي
136	سنفر .. سنفرة .. زنفل
137	بيتزا .. بيتسا
138	نتاية .. نت .. أنثا .. أثينا
139	مياصة
140	بوطة

- 141 شق .. شقة .. مشقوق
- 142 تابوت .. تبت .. متبت
- 143 لبوة .. لبوة
- 144 غاية .. غية
- 145 جمل .. جملي .. جمال .. camel
- 146 عدل .. تعديل .. عدل .. عزال
- 147 شحتف .. شحتفة .. متشحتف
- 148 ياما
- 149 صم .. تصميم .. صمام .. زم .. زمام
- 151 أبض
- 152 سرية .. أسيرة .. تسرية .. تسلية .. تسالي
- 153 حقي وحقق
- 155 تحويجة .. متحوج
- 156 مطرح .. طرح .. مطرحة .. طرحة
- 158 جزء .. أجازة .. جز .. قص .. قصة
- 159 اقرا .. قراية .. قراءة
- 160 دكر .. تدكير .. ذكر .. مذكر

161	ميثاق .. وثيقة .. توثيق .. ثقة
162	صبي □ صواب □ تصويب □ صوبة
163	دبس .. دبوس .. دباسة
164	هائي .. هين
165	اسمه "سوتي"، مسموش "ست"!
166	إش .. إش إش .. إشو
167	خرطوش
168	عنتر
169	إزاي؟
170	كام؟
171	مضض
172	كشري
173	هايل .. مهول .. تهويل .. أبو الهول
174	بز .. بزبوز .. بزازة .. بوز .. ابتزاز
175	عبا .. عبوة .. تعبئة
176	سر .. سير .. سراية .. سرير
177	دمغة .. دماغ

178	شطب .. تشطيب .. شطف .. شطافة
179	رد .. رادد
180	ضاف .. ضيافة
181	جار .. جيران .. جيرة .. مجاورة
182	دش .. طش .. دشيشة .. الدش
183	جناح .. تجنيح .. جناحة
184	زاخر .. ذاكرة .. مذاكرة .. مذكرات
185	شال .. شيلة .. شيال .. شلال .. شرا
186	حارة .. محل .. محلة .. حلة
187	أكل .. تأكل .. مأكولات
188	بركة .. مبروك .. مبارك
189	نأنا .. نأناة
190	جنب .. جناب .. جنابة .. جنابية
191	ترحيب .. مرحب .. مرحاب
192	جبر .. جبرت .. تجبير
193	معدن .. تعدين
194	جاب .. جاب .. جواب .. إجابة

195	جار .. جأر .. استجار .. إيجار
196	جماعة .. مجموع .. جامع .. جامعة
197	كاش .. كوش .. جيش
198	كلب
199	لنبي .. لمبي
200	قش .. قشاش .. بيقش .. مقشة
201	كرتة .. أكرت .. كيرياليسون
202	عقد .. عقاد .. تعقيد .. عقيدة
203	وين .. فين
204	وفا .. وفاء .. وفاة .. wave
205	طباعة .. مطبعة .. طبيعة
206	مهر .. ماهر .. مهارة
207	عفو .. عافية .. عواف .. عفي
208	سحور .. سحر .. سحارة
209	شغت .. مشغت
210	سعا .. سعي
211	خيمة .. تخيم

212	بدو .. عوف .. عوفي .. عlish .. عريش
213	مال .. ميل .. ميلان .. هرم .. حرم
214	هل .. هلال .. أهلا .. أهلية .. تأهيل
215	هب .. هبية .. ههبية
216	ناموس .. نمس .. ناموسة .. ناموسية
217	بطيخ
218	نص .. نصوص .. حق .. حقوق
219	قارب .. كارو .. كارتة .. car .. crew
220	عين .. لمة .. سند .. وحيد
223	صاحي .. صحيان
224	خردة .. خردوات .. خروج .. خارج .. خارجة
225	عامية
226	سكرة .. سكران
227	القمح الليلة، ليلة عيده
228	حضر .. حاضر .. تحضير .. حضارة
229	طرف .. تطرف .. متطرف
230	تهاني .. تهنية

- 231 حربة .. حرب .. سنك .. سلك .. سونكي
- 232 سلف .. سلفة .. تسليف .. مسرف .. اسراف
- 233 صرف .. تصريف .. مصرف
- 234 سيف .. سياف .. سيوفي
- 235 فرح .. فرحان .. تفاريح .. فرحة
- 236 فلاح .. فلاحه ،، فالح
- 237 بيض .. بياض .. أبيض .. تبييض
- 238 جعر .. جعير .. جعار
- 239 حسب .. حساب .. حسبة .. محاسبة
- 240 صح .. صحة .. صحيح .. تصحيح .. إصاح
- 241 جبة وقفطان
- 242 سجل .. تسجيل .. مسجل .. سجن
- 243 زيت .. زيات .. زيتي .. مزيتة
- 244 فشر .. بشر .. فشار .. بشرية
- 245 خير .. خيرات .. خيرية .. خيرى
- 246 زكا .. ذكاء .. تزكية
- 247 ظبط .. ظابط .. تطبیط .. مظبوط

248	خان .. خن .. خانة
249	غرور .. مغرور .. غل .. غلاوي
250	فطير .. فطاطري
251	زغرد .. زغرطة .. زغاريد
252	خاطر .. .. خاطرة .. خضرة .. خطر
253	تهمة .. اتهام .. متهم
254	نور .. إنارة .. منارة .. تنوير
255	نبيل .. نبيلة .. noble .. نبلة .. تنبل
256	بصمة وراثية ف أسامي البلاد
264	نول .. منوال .. نوال .. منال
265	فط .. فطوطة .. نط .. نطاط .. فوت
266	سخي .. سخية .. سخا
267	زبد .. زبدة
268	فرخ .. ورق